

馬以愚著

嘉陵江志

商務印書館發行

中華民國三十五年十一月重慶初版
中華書局三十六年五月上海初版

（94736 混報紙）

嘉陵江志一冊

定價國幣伍元

印刷地點外另加運費

版 翻
權 印
所 必
有 究

著 者 馬 以 愚

發 行 人 朱 經 農

上海河南中路

印 刷 所 商 務 印 書 廠

發 行 所 商 務 印 書 館

各地

序

雲夢袁炳南先生出長交通部嘉陵江運輸處。以鄺善長所紀嘉陵江流。與今世之論不合。欲余一究其源。先生精中西文。遊於德。稽古博學之士。於是辦裝裹糧。備書籍。於癸未五月泝江而上。舟行濡滯。日三四十里。兩山夾峙。崖石碁布。水流湍澎湃。擊石作雷鳴。訇聲聞里外。四過灘後。水靜湑。波浪不興。橈歌互答。亦莫知前之爲險。夜不辨道。畏不敢行。泊野岸。四曠無人。星稀月明。輒聞狼嗥。時讀我書。而不知其懼也。烈風凍雨。舟子慄怖。懼縶斷而舟觸石。故舟之致險亦時聞。余嘗止釣魚青居諸城。得察其形勢。宋祚之延。余玠先據之以爲固也。泊舟抵廣元。水涸淺。而不可上逆。岸徑仄。車不能方軌。策馬行。又不慣馳驅。經寧強。登蟠冢。觀兩漢水之分流。此東漢源。亦稱沮水。經南鄭以遠漢陽者。庾仲雍謂沮至關城合西漢者誤矣。嘉陵江西源。在甘肅之蟠冢。略陽鄜州碑稱漢水。鄺善長謂漢水入嘉陵道爲嘉陵水者是也。嘉陵道漢隸武都郡。民雜氐夷。元和志謂西漢水一名嘉陵江。故唐後沿其名也。復驅車往蘭州。黃河凝冰。寒不可伸指。轉平涼。邂逅禹子仲仁。總角交也。離亂重逢。慨然道故。過西安。歷漢唐故都。穿秦蜀棧道。訪石門。弔諸葛武侯墓。涉劍閣。以窺其險隘。中申春。重至寶雞。而知嘉陵江東源。名凍河。出大散嶺西南。大散嶺一名秦嶺。魏略所

謂直從褒中。出循秦嶺。踞嶺巔以覽其勝概。桃花已放。而嶺雪猶飛也。九域志謂江源大散關嘉陵谷。然大散關在嶺東北。宋隸鳳縣。吳玠嘗於此扼金人以衛蜀口。詢嘉陵谷所在。竟無知者。後世尙東源而莫察。遂謂源於鳳。且謬爲谷。亦異矣。猶余鄉龍山有脊現嶺。曾設關隘。以名不雅醇。而易集賢。或誤爲劉阮七賢。多此類也。追水經鳳縣。而稱故道。鳳故秦之故道縣。至魚關。經略陽。而後東西兩源合而會流。而水始暢。舟楫以通。飛芻挽索。且以轉輸。宋人恃此以保秦隴者數十年。嗟余行役。車殆馬煩。然後浩然作歸計。過成都。遊工部草堂而誦其詩。子美昔以遠亂而客此也。是歲夏。返重慶。與炳南先生論江之源。出舊稿撰嘉陵江志兩編。上編述江之經流。而下編紀各縣之要。凡二十章。且以今之名。而疏善長水經之注焉。當余每至縣。輒求其方志。或予或否。或予而不竟。然欲按其圖籍。以考其山川。不得書則不行也。方余之行。長兄秉生先生以山川迢迢。灘險水惡。忱焉危慮。而余亦未顧。時抵書以慰。或謂泝江之源。事無關大計。而阻之者衆。然余竟行之。三載而後成書。此孟子所謂無恆產而有恆心者。惟士爲能也。樂余之行者。惟無錫胡君繼祖。繼祖。明達人也。爰紀此行以爲序。

中華民國三十五年歲次丙戌春三月懷寧馬以愚序於重慶

例言

一 是書分上下兩編。上編以嘉陵江爲經。下編以江流各縣爲經。鄭夾漈有言。州縣之設。有時而更。山川之形。千古不易。於是綱目畢舉矣。

一 嘉陵江東源經寶雞、鳳縣、兩當、徽縣。西源經西和、禮縣、成縣。至略陽會流。再經寧強、廣元、昭化、劍閣、蒼溪、閬中、南部、蓬安、南充、岳池、武勝、合川、北碚、江北、巴縣、重慶市。而注長江。是書爲正東源之誤。各縣均經諮訪。至西源三縣。將以俟諸異日。

一 上編源流章後水經注。凡括弧內者。卽以今之名疏之。

一 上編灘險章。分段述之。俾行舟者。知所戒也。而九井、龍爪、鑾梁三灘。今已平夷。乃入名勝章。

一 上編名勝章。爲紀江之兩岸。至較遠者。則入下編勝蹟。

一 各縣疆域。屢經更易。如廣元東。入旺蒼。北碚設局。江北、巴縣、重慶市確定疆界。均於下編沿革疆域兩節述之。而疆域則附以今之鄉鎮。

一 各縣山谷。載山名而略山脈。以是書之所重者水也。

一 各縣物產。以特產而著。如嘉魚、鳳黨、徽酒、閩醋。而廣元之製木耳。蒼溪之接梨。南部之鑿井。有關民食。一併入之。若江州墜林粉。已有今昔之感。然以足資考證。而未略也。

一 各縣交通。則列水運、空運、鐵道、公路。而以昔日之關隘橋梁附之。

一 各縣勝蹟。記載多舛。如閬中銅鐘鐵塔。則詳於合川南部。今爲補正。寺廟教堂。則附勝蹟之後。八景多附會之言。不敢苟同。

一 各縣仕宦、人物、流寓。均入紀聞。而紀其足述者。

一 各縣原列戶口、教育、郵政、電報、銀行、工廠。以異動不時刪去。僅將戶口、教育列表於書末。以備查檢。

一 是書原附嘉陵江源流圖一幅。各縣縣圖各一幅。原圖繁簡不一。乃另繪製。詎人事靡常。原圖大半爲繪者擲去。僅附寶雞、鳳縣、兩當、徽縣、略陽。以明兩源合流。

一 各縣方志。均經校讎。以免別風淮雨。如離堆之誤入蒼溪是也。所調查者亦必躬往。迨至重慶。人事紛拏。卜居不遑。焉云著述。雖經叔蔚粹如兩弟之促。亦無以觀厥成。嗣以吾弟吉元養初。吾姪肇彭治民。表弟金子達端木中擎天。各竭其所能以助。始克成書。養初之練達。肇彭之誠篤。子達之堅毅。擎天之謙和。具今之佼佼者。子達肇彭及其弟肇椿。均以高考獲售。近易者賴人以成。殆所謂目能見千里之外。而不自見其睫也。

一 湖江之源。往亟需時一載。而書之成。又經三歲。是承助者多也。而武勝、南充、略、徽縣、兩當、鳳縣、蘭州、西安、成都各地。且屬同教之誼焉。如合川參議長胡南先及山李雲千。武勝爲馬調良、田賦副處長馬盈泉。岳池爲修志局長陳樹棠及成都李華成。南充爲秉欽世伯。乃觀羣先生之尊翁。八十高齡。精神健旺。蓋得養生之訣。及雲夢袁星南。廣元縣長羅崇禮允嚴、及江蘇凌志斌、張保成、張仲翔。寧強爲縣長劉鳳文。略陽爲縣長王肇基貞、馬眉良。徽縣爲馬耀宗、蔡新珊、何弼丞、馬漢三。兩當爲馬崇禮、及宿松周劍虹。鳳爲馬捷程、馬俊武、丁惟善、馬佩勛。寶雞爲湖南雷錫章、浙江沈大受、河南王文俊、懷寧我嘯。蘭州爲滄縣馬鳳圖健翊。西安爲馮耀軒、烏光昭、及北平王月波、馬宏道、雲南楊紹、河南馬福澤。咸都爲哈紹祖、虎世祥、韓怡民、及吾弟軼塵。返重慶。承潘公展、季瀛聲先生假館蓮花山。煩中央圖書館長蔣懋堂、毛祖麻之惠書。夫一事之成。決非投手舉足。獲既多。靡可感也。書成承右公院長爲之署檢焉。

目錄

上編

第一章	源流	一
第二章	辨名	三五
第三章	灘險	三七
第四章	航速	五六
第五章	名勝	五九
第六章	文藝	七一

下編

第一章	寶雞縣	七七
第一節	沿革	七七
第二節	疆域	七七
第三節	山川	七八

第四節	物產	八一
第五節	交通	八一
第六節	勝蹟	八一
第七節	紀聞	八六
第二章	鳳縣	八八
第一節	沿革	八八
第二節	疆域	八八
第三節	山川	八八
第四節	物產	九一
第五節	交通	九一
第六節	勝蹟	九三
第七節	紀聞	九三
第三章	兩當縣	九六
第一節	沿革	九六
第二節	疆域	九六
第三節	山川	九六

第四節	物產	九八
第五節	交通	九八
第六節	勝蹟	九九
第七節	紀聞	九九
第四章	徽縣	一〇一
第一節	沿革	一〇一
第二節	疆域	一〇一
第三節	山川	一〇二
第四節	物產	一〇六
第五節	交通	一〇六
第六節	勝蹟	一〇七
第七節	紀聞	一〇九
第五章	略陽縣	一一一
第一節	沿革	一一一
第二節	疆域	一一二
第三節	山川	一一三

第四節 物產……………一六

第五節 交通……………一六

第六節 勝蹟……………一七

第七節 紀聞……………一八

第六章 寧強縣……………二〇

第一節 沿革……………二〇

第二節 疆域……………二〇

第三節 山川……………二一

第四節 物產……………二六

第五節 交通……………二六

第六節 勝蹟……………二七

第七節 紀聞……………二八

第七章 廣元縣……………二九

第一節 沿革……………二九

第二節 疆域……………二九

第三節 山川……………三〇

第四節	物產	三四
第五節	交通	三五
第六節	勝蹟	三八
第七節	紀聞	四〇
第八章	昭化縣	四二
第一節	沿革	四二
第二節	疆域	四二
第三節	山川	四三
第四節	物產	四三
第五節	交通	四六
第六節	勝蹟	四七
第七節	紀聞	四八
第九章	劍閣縣	五一
第一節	沿革	五一
第二節	疆域	五一
第三節	山川	五二

第四節 物產……………一五五

第五節 交通……………一五五

第六節 勝蹟……………一五八

第七節 紀聞……………一六〇

第十章 蒼溪縣……………一六三

第一節 沿革……………一六三

第二節 疆域……………一六三

第三節 山川……………一六四

第四節 物產……………一六五

第五節 勝蹟……………一六五

第六節 紀聞……………一六七

第十一章 閬中縣……………一六八

第一節 沿革……………一六八

第二節 疆域……………一六八

第三節 山川……………一六九

第四節 物產……………一七一

第五節	交通	一七二
第六節	勝蹟	一七二
第七節	紀聞	一七七
第十二章	南部縣	一八一
第一節	沿革	一八一
第二節	疆域	一八一
第三節	山川	一八二
第四節	物產	一八三
第五節	交通	一八五
第六節	勝蹟	一八五
第七節	紀聞	一八七
第十三章	蓬安縣	一九二
第一節	沿革	一九二
第二節	疆域	一九二
第三節	山川	一九三
第四節	物產	一九三

第五節	交通	一九四
第六節	勝蹟	一九四
第七節	紀聞	一九五
第十四章	南充縣	一九七
第一節	沿革	一九七
第二節	疆域	一九七
第三節	山川	一九八
第四節	物產	二〇一
第五節	交通	二〇二
第六節	勝蹟	二〇三
第七節	紀聞	二〇五
第十五章	岳池縣	二〇七
第一節	沿革	二〇七
第二節	疆域	二〇七
第三節	山川	二〇八
第四節	物產	二一〇

第五節	交通	一一〇
第六節	勝蹟	一一一
第七節	紀聞	一一三
第十六章	武勝縣	一一五
第一節	沿革	一一五
第二節	疆域	一一五
第三節	山川	一一六
第四節	物產	一一七
第五節	交通	一一七
第六節	勝蹟	一一七
第七節	紀聞	一一八
第十七章	合川縣	一一九
第一節	沿革	一一九
第二節	疆域	一一九
第三節	山川	一二〇
第四節	物產	一二三

第五節	交通	二二四
第六節	勝蹟	二二四
第七節	紀聞	二二七
第十八章	北碚局	二三一
第一節	沿革	二三一
第二節	疆域	二三一
第三節	山川	二三一
第四節	物產	二三一
第五節	交通	二三一
第六節	勝蹟	二二三
第十九章	江北縣	二三四
第一節	沿革	二三四
第二節	疆域	二三四
第三節	山川	二三五
第四節	物產	二三七
第五節	交通	二三七

第六節	勝蹟	二三七
第七節	紀聞	二三八
第二十章	重慶市（巴縣附）	二三九
第一節	沿革	二三九
第二節	疆域	二四〇
第三節	山川	二四〇
第四節	物產	二四三
第五節	交通	二四四
第六節	勝蹟	二四六
第七節	紀聞	二四八

嘉陵江志

上編

第一章 源流

嘉陵江縱貫秦隴蜀三省。其源有二。東源逕寶雞、鳳縣、兩當、徽縣。西源逕西和、禮、成縣。至略陽而後兩源合而會流。而略陽重修江神廟碑記則合濁水東西二源爲三。雲棧紀分羌水白水爲二。合東西源爲四。亦離矣。水經注謂西縣蟠冢山。漢水所導。此西源也。水注又謂兩當水出陳倉縣大散嶺。方輿勝覽謂嘉陵江源出大散關之西。九域志謂梁泉縣有嘉江。此東源也。後世宗之。而九域志又謂大散關西南有嘉陵谷。卽嘉陵水所出。致誤者衆。散關西南。固無嘉陵谷也。東源出自陝西寶雞縣大散嶺煎茶坪西南。名凍河。大散關在嶺東。昔隸梁泉。梁泉故宋鳳縣。南流逕爛泥池、東河橋、黃牛堡、入鳳縣。名故道河。三河、黃花川注之。逕鳳縣城東。安河注之。逕方石鋪。小峪河、會紅崖河注之。西逕甘肅兩當縣。尙婆水、礮水注之。野羊河會東溝河注之。上下小河注之。逾天門山。

逕徽縣。折西行。逕合河口。永寧河北注之。田家河西注之。逕魚關、仙人關。折而南流。逕陝西路陽縣大石碑。白水江自成縣逕徽縣來會。白水江猶水經注之濁水也。清泥河西注之。逕兩河口。西漢水自甘肅西和縣、禮縣、成縣來會。西漢水源出西和縣蟠冢山。爲江之西源。今名犀牛江。又南。相公河、橫現河注之。又南。八渡河會夾渠河東注之。又南。青白石河、樂繁河、自武都東注之。西南。逕寧強縣陽平關。上下青河、燕子河、西流河注之。又西南。逕四川廣元縣。青邊河自文縣注之。橫梁子河西注之。天津河注之。逕朝天峽。潛水、安樂河、小安河、羊模河注之。逕千佛巖西南。漢壽水會稻壩河注之。又西南。逕昭化縣。白水自西傾山逕武都、文縣來會。白水一名羌水。以水色白濁而名。射箭河注之。東南。逕劍閣縣。聞溪、永水注之。南逕蒼溪縣。又南。逕閬中縣。閬水注之。閬水一名閬江。東河自旺蒼、蒼溪東注之。東河一名宋江。古之東遊水也。西南。逕和溪關。苟溪河注之。苟溪河一名濩溪。東南逕南部縣。西水河自劍閣五子山入縣境。又逕閬中來注之。又東南逕蓬安縣。西南逕南充縣。蘆溪自南部注之。荆溪自西充注之。曲水、清水溪東注之。南逕岳池縣。又東南逕武勝縣。花石溪自岳池注之。花石溪一名岳池水。鹽灘溪自蓬溪注之。又東南。逕合川縣嘉渠口。渠江自萬源、通江、巴中、達縣、渠縣、廣安、岳池東北來會。逕三江口。涪江自松潘、平武、綿陽、三台、遂寧西南來會。穿瀝鼻峽。逕北碛之温湯、觀音二峽。南逕江北縣、巴縣。

雞冠溪、虎溪河注之。逕重慶市。鳳凰溪、童家溪注之。由重慶市朝天門而注長江。乃嘉陵江之尾閭也。長江或名揚子江。不知揚子爲江蘇儀徵之橋名。附各家之言。而以究其本末焉。

清嘉慶一統志

故道水。在鳳縣北。自鳳翔府寶雞縣流入。又西南。入甘肅秦州兩當縣界。水經注。西漢水南入嘉陵道。爲嘉陵水。是古之嘉陵水。本西漢水也。九域志。始以故道水爲嘉陵江。或又指濁水爲嘉陵江。蓋三水皆嘉陵江上流。故得通稱。然惟西漢爲嘉陵之正源。今西漢水別號犀牛江。而故道水羣目爲嘉陵。皆沿訛也。

故道水。在兩當縣南。自漢中府鳳縣流經縣南。又西南經徽縣南。與白水江合。卽今嘉陵江也。

西漢水。源出秦州西南嶓冢山。西南流經西和縣西。徽縣南。合兩當水。入漢中府略陽縣界。

漢西水。卽漾水也。源自秦州西南嶓冢山。西南流經鞏昌府西和縣。至禮縣南。又南經階州之成縣。又東經徽縣南。入略陽縣界。

西漢水。在西和縣北。自秦州流入。又西南經禮縣。轉東南。入階州成縣界。

西漢水。自鞏昌府西和縣。流經階州東北。成縣西南。又東入漢中府略陽縣界。

西漢水。在略陽縣西。自甘肅階州成縣流入。又南經寧羌州西。入四川保寧府廣元縣界。亦曰嘉陵江。

嘉陵江。卽古西漢水。自漢中府寧羌州南流。經廣元縣、昭化縣東。合白水。又東南。經劍州、蒼溪縣、保寧府、南部縣、蓬州。又西南經順慶府、合州。會巴渠江。又合涪江。亦曰閬水、巴水、渝水。

嘉陵江。自陝西漢中府寧羌州流入。逕廣元縣西。昭化縣東。過劍州東界。又南逕蒼溪、閬中二縣南。又東南逕南部縣北。又東南入順慶府蓬州界。卽西漢水也。

嘉陵江。自保寧府南部縣流入。經蓬州及縣東。又南入重慶府定遠界。

嘉陵江。自順慶府南充縣流入定遠界。又南逕合州界。合渠江、涪江。東南流入巴縣界。至府城東合大江。卽西漢水也。自合涪江以下。俗統名涪江。亦曰內江。自合州以下。本涪、漢、強、白、宕渠、五水合流。其別名尤紛出不一。五水之中。漢名最古。故班固漢志。以爲經流。

陝西通志

西漢水。出西縣嶓冢山。南入廣漢白水。東南至江州入江。西漢水東南逕修城道南。又東南於槃頭郡南。與濁水合。又東逕武興縣城南。又西南逕關城北。又西逕石亭戍。秦州上邽縣嶓冢山。西漢水所出。經嘉陵。曰嘉陵江。西漢水。在西和縣。源出嶓冢山。

此上邽之嶓冢。在今秦州。（按錄自漢書、水經注、通典。）

嘉陵江。源出秦州嶓冢山。東南流至略陽縣北。與白水江合。嘉陵江。又南逕略陽縣城西。八渡河。源發三川。西南流。會城東之夾渠河。又折而西流。逕縣南入之。又西南落索河東南流入之。又西南入寧羌界。黑水河合老兵河西入之。又西南逕陽平關西。燕子河西流入之。又廣平河東南流入之。又西南入蜀之廣元界。（按黑水河。卽沮水。合東漢水。不入嘉陵江。）

嘉陵江。源出大散關之西。去鳳縣九十里。方輿勝覽云。嘉陵江在沔縣西北百八十里。類要云。其源出大巖縣。志云。出大散關西。恐卽大巖也。逕鳳縣北。徽州東。兩當南。略陽西。迤邐而入川江。灘石險惡。至漁關始通舟楫。（按江流先經兩當。後徵縣。）

甘肅新通志

嘉陵江。在兩當縣南三十里。自鳳縣流入。又西南流入徽縣境。或謂卽兩當水。郡邑志。大散嘉陵。地勢險隘相當。因名之。

嘉陵江。在徽縣南七十里。源出大散關嘉陵峪。經鳳縣兩當。西南流入蜀。（按江經鳳縣兩當。再經徽縣略陽寧強入蜀。）

四川通志

嘉陵江。出陝西鳳縣東北嘉陵谷。西九度四分。極三十四度三分。經甘肅之兩當徽縣。陝西之寧羌州境。入四川廣元縣北界。有小水西北來注之。又南至朝天關西。有水東北自七盤關嶺南來注之。又西南經廣元縣城西。有稻壩河西注之。又西南至昭化縣東北。白水江自西北來會。南流稍西。曲流有大小劍水西北自劍州來注之。又南經蒼溪縣。稍南折東。又折而西。而西南。而東南。經保寧府城西。有北溪河西北自蒼溪來注之。稍南折東有東河出寧羌州東。七眼泉經重山四百里。西南來注之。又南有苟溪。合塘溪來注之。又南稍西。至南部縣西北。折東經縣城北。又東南。有禹跡山水縣北來注之。稍東折南。有安居場水東北來注之。又南至蓬州西北。有西河自劍州西北來注之。又東南經州城北。東南如玦。至州西南。折南有清溪東北來注之。又西南折南。至順慶府城東南。有蠻子河西北自西充縣來注之。又南受曲水河。折東受清水河。又東南有西溪東北自岳池縣北來注之。又西南而東南。至定遠縣城東北。有岳池水東北自城左右合西南流。又合一水注之。又東南受苦竹溪。又東南至合州東北。渠河來會。又南。涪江自西來。經州城西。而東來會於城東南。曰三江口。又會而東北。折南。受虎耳河。又南。有青水關河自西合萬壽水注之。又南。折東南。又東經重慶府城北。稍東入江。（按錄自有水道提綱。漏列略陽。致東西二源。未能合流。昭化東北白水江。卽白水。）

寶雞縣志（民國十一年強鎮川修。計四冊。）

凍河。在縣西七十里。源出麥澗谷南。自煎茶坪西流。而南三十里。入鳳縣界。（按麥澗谷在東河橋老街西北。凍河在煎茶坪西南。）

鳳縣志（光緒十八年朱子春修。計四册。）

故道河。卽縣河。一名大散河。源出大散嶺。經縣境之黃牛鋪。

故道水。卽嘉陵江之上游。秦蜀之要津也。自黃牛鋪逕鳳縣北。墾闢日多。沙石淤塞。舟行不便。惟縣西下三十里方石鋪。有小峪河交匯。水勢漸大。由此至徽縣。僅二百餘里。內有石峽二里許。河身稍窄。灘流平緩。量加刷汰。去其積石。

兩當縣志（道光二十年德俊修。計四册。）

嘉陵江。縣南三十里。自鳳縣流入。又西南入徽縣境。

徽縣志（民國十三年董杏林修。計四册。）

嘉陵江。源出大散關嘉峪谷。西流逕鳳縣。至兩當縣。南逾天門山。折西行。至合河口。經虞關仙人關。折而南流。西來白水江會入。自此合流。南經略陽。（按大散關在大散嶺東北。嶺北之水。俱入渭河。）

略陽縣志（道光十七年譚瑀修。計四册。又新續志光緒三十年桂超修。計一册。）

白水江源二。一出寶雞北大散嶺嘉峪谷。西流經東河橋。歷鳳縣。達兩當境。南逾天門山。折西。由徽縣之魚關入境。出小八渡山北麓。會白水峽水。一自徽縣下店鎮。合東

來成縣橫川河。北來成縣栗亭河。經大石碑入境。達小八渡山北麓。會魚關之水。爲白水江。至兩河口。會犀牛河爲嘉陵江。（按大散嶺在寶雞西南。不在縣北。此嘉陵江東源。誤爲白水江源。白水江。卽濁水。）

寧羌州志（光緒十四年馬毓華修。計五冊。）

嘉陵江。發源鳳翔府寶雞縣之大散嶺。由甘肅秦州徽縣入略陽界。南流至州西北陽平關。西合西漢水。入四川界。（按江經略陽兩河口會西漢水。）

廣元志稿（民國二十九年王克禮修。計六冊。）

嘉陵谷水。自鳳縣經兩當縣合諸水來會。始名嘉陵江。南流經略陽縣西。又經寧羌州西北。又南經四川廣元縣北界。（按水經注。漢水南入嘉陵道爲嘉陵水。非以嘉陵谷得名。且鳳縣無嘉陵谷。）

昭化縣志（同治三年曾寅光修。計六冊。）

嘉陵江。自源西流。折西南。而南有大散水。小斜谷河自東北來會。折西北又西南。有魚河自北合紅崖單河二水注之。又受下印水。又南有高橋河。西北自兩當縣山合永寧河來會。又南有野羊北河。出松林驛東南南山。合新紅水及蜜蜂溝水。東自鳳縣東南境來會。卽沮水支津也。又西南經徽縣南百餘里。西漢水自西來會。又南稍西。折東南。有橫壩河紫混山水西來各注之。又東南經略陽縣城西。又東南有八渡河出紫柏山。西北流

曰中川。會三川西南流。又會一水。又西折南注之。又南受白石溝。又西南經陽平關西。又西南有洛索河西來注之。又南經廣元界。（按錄自水道提綱。）

西漢水。出秦州西南蟠冢山。卽漢隴西郡西縣之蟠冢山也。在寧羌州漢源蟠冢西北四百餘里。至徽縣八渡山。西合嘉陵江。（按錄自水道提綱。）

劍州志（同治十二年李榕修。計四冊。又劍閣縣續志民國十六年張政修。計八冊。）

嘉陵江。源出鳳縣東北之嘉陵谷。經兩當縣南境。又經徽縣南境。至八渡山。與西漢水會。又經略陽縣城西。又經寧羌州西北境。又經廣元縣城西。又經昭化縣城東北。與白水會於桔柏渡之上。又南流百里。劍之聞溪注之。

蒼溪縣志（民國十六年熊道琛、鍾俊修。計六冊。）

舊志。嘉陵江。卽西漢水。

閬中縣志（民國十五年岳永武修。計八冊。）

嘉陵江。卽古西漢水。源出陝西鳳縣東北之嘉陵谷。曲折西南流至略陽。過陽平關。入四川境。

南部縣志（道光二十九年李澍修。計十冊。）

嘉陵江。源出陝西鳳縣東北嘉陵谷。經甘肅之兩當徽縣。陝西之寧羌州境。入四川廣元縣北界。（按錄自四川通志。）

蓬州志（光緒二十二年方旭修。計三冊。）

嘉陵水。自南部東南來。（按元和志。西漢水。一名嘉陵水。）

南充縣志（民國十八年李良俊修。計十六冊。）

嘉陵江。源出陝西鳳縣大散關之嘉陵谷。自陽平關西南入川界。

岳池縣志（光緒元年何其泰修。計十冊。）

河在縣西八十里。

武勝縣志（民國二十年龐鑫溶等修。計八冊。）

嘉陵江。源出陝西嘉陵谷。經寧羌州合西漢水入四川。（按西漢水自略陽會流。）

合川縣志（民國十年張森楷修。計三十冊。）

江源出陝西寶雞縣大散關東嘉陵谷。西流經鳳縣北。又西入徽縣。歷兩當縣。西南入寧羌。經略陽。又西南至寧羌東爲西漢水。又南入保寧府境。（按謂江源出大散關東嘉陵谷。至寧羌爲西漢水。誤自方輿紀要。江逕兩當徽縣略陽寧強。誤作徽縣兩當寧羌略陽。）

江北廳志（道光二十四年福珠朗阿修。計四冊。）

嘉陵江。自陝西鳳縣。經兩當略陽入川境。（按江逕寧強入川境。）

巴縣舊志（乾隆二十五年王爾鑑修。計十二冊。）

嘉陵江者。以水自陝西鳳縣。經兩當略陽入川境廣元。至昭化會白水江。下保寧會閬水。由順慶至合川東北會宕渠。西北會涪江。東南至郡城朝天門。與岷江合。

巴縣新志（民國二十六年朱之洪修。計二十四册。）

嘉陵江者。以水自陝西鳳縣。經兩當略陽入川境至廣元。至昭化桔柏渡會白水江。下保寧會閬水。由順慶至合州東北會宕渠。西北會涪江。東南至郡城朝天門。與大江合。

水經注（後魏酈道元。括弧內爲今疏。）

○漾水。出隴西氐道縣嶓冢山。東至武都沮縣爲漢水。（卷二十）

常璩華陽國志曰。漢水有二源。東源出武都氐道縣漾山。爲漾水。禹貢導漾。東流爲漢是也。西源出隴西西縣嶓冢山。會白水。逕葭萌入漢。始源曰沔。按沔水出東狼谷。逕沮縣入漢。漢中記曰。嶓冢以東。水皆東流。嶓冢以西。水皆西流。卽其地勢。源流所歸。故俗以嶓冢爲分水嶺卽此。推沔水無西入之理。劉澄之云。有水從阿陽縣。南至梓潼漢壽入大穴。暗通岡山。郭景純亦言是矣。岡山穴小。本不容水。水成大澤。而流與漢合。庾仲雍又言。漢水自武遂川南入蔓葛谷。越野牛逕至關城。合西漢水。故諸言漢者。多言西漢水。至葭萌入漢。又曰。始源曰沔。是以經云。漾水出氐道縣。東至沮縣爲漢水。東南至廣魏白水。診其沿注。似與三說相符。而未極西漢之源矣。然東西兩川。俱受沔漢之名者。義或在茲矣。班固地理志。司馬彪袁山郡國志。並言漢有二源。

東出氐道。西出西縣之嶓冢山。闕駟云。漢或爲漾。漾水出崑崙西北隅。至氐道重源顯發而爲漾水。又言隴西西縣。嶓冢山在西。西漢水所出。南入廣魏白水。又云。漾水出獮道。東至武都入漢。許慎、呂忱並言漾水出隴西獮道。東至武都爲漢水。不言氐道。然獮道在冀之西北。又隔諸川。無水南入。疑出獮道之爲謬矣。又云。漢。漾也。東爲滄浪水。山海經曰。嶓冢之山。漢水出焉。而東南流注於江。然東西兩川。俱出嶓冢。而同爲漢水者也。孔安國曰。泉始出爲漾。其猶濛耳。而常璩專爲漾山漾水。當是作者附而爲山水之殊目矣。余按山海經。漾水出崑崙西北隅。而南流注於醜塗之水。穆天子傳曰。天子自春山西征。至於赤烏比。己卯北征。庚辰濟於洋水。辛巳入於曹奴。曹奴人戲觴天子於洋水之上。乃獻良馬九百。牛羊七千。天子使逢固受之。天子乃賜之黃金之鹿。戲乃膜拜而受。余以太和中。從高祖北巡。狄人猶有此獻。雖古今世殊。而所貢不異。然川流隱伏。卒難詳照。地理潛闕。變通無方。復不可全言闕氏之非也。雖津流派別。枝渠勢懸。原始要終。潛流或一。故俱受漢漾之名。納方土之稱。是其有漢川、漢陽、廣漢、漢壽之號。或因其始。或據其終。縱異名互見。猶爲漢漾矣。川共目殊。或亦在斯。今西縣（今甘肅天水縣西南。漢置。）嶓冢山。（在天水西南六十里。元和志。在上邽縣西南五十八里。）西漢水（嘉陵江西源。）所導也。然微涓細注。若通纂歷津注而已。西流與馬池水（在天水西南。）合。水出上邽（今天水西

南。漢置縣。西南六十餘里。謂之龍淵水。言神馬出水。寧同余吾來淵之異。故因名焉。開山圖曰。隴西神馬山有淵池。龍馬所生。卽是水也。其水西流。謂之馬池川。又西流入西漢水。西漢水又西南流。左得蘭渠溪水。次西有山梨谷水。次西有鐵谷水。次西有石耽谷水。次西有南谷水。並出南山。揚湍北注。右得高望谷水。次西得西溪水。次西得黃花谷水。咸出北山。飛波南入。西漢水又西南。資水（在天水西。）注之。水北出資川。導源四壑。南至資峽。總爲一水。出峽西南流。注西漢水。西漢水又西南。得峽石水口。水出苑亭西草黑谷三溪。西南至峽石口。合爲一瀆。東南流。屈而南注西漢水。西漢水又西南。合楊廉川水。（卽西谷水。在天水西南。）水出西谷。衆川瀉流。合成一川。東南流。逕西縣故城（今天水西南。）北。秦莊公伐西戎。破之。周宣王與其先大駱犬丘之地。爲西垂大夫。亦西垂宮也。王莽之西治矣。建武八年。世祖至阿陽。（今靜寧南。漢置縣。）竇融等悉會。天水震動。隗囂將妻子奔西城。從楊廣。廣死。囂愁窮城守。時潁川賊起。車駕東歸。留吳漢岑彭圍囂。岑等壅西谷水。以縑幔盛土。爲堤灌城。城未沒丈餘。水穿壅不行。地中數丈涌出。故城不壞。王元請蜀救至。漢等退還上邽。但廣廉字相狀。後人因以人名之。故習譌爲楊廉也。置楊廉縣焉。又東南流。右爲茅川水。水出西南戎溪。東北流逕戎丘城南。吳漢之圍西城。王捷登城向漢軍曰。爲隗王城守者。皆必死無二心。願諸將頭罷。請自殺以明之。遂刎頸而死。又

東北流。注西谷水。亂流廣南。入於西漢水。西漢水又西南逕始昌峽。（在西和縣東北。）晉書地道記曰。天水始昌縣故城（在西和縣北。晉置。）西也。亦曰清崖峽。西漢水又西南。逕宕備戍南。左則宕備水。自東南西北注之。右則鹽官水。（在西和縣東北。）南入焉。水北有鹽官。（舊有鹽官城。在今西和縣東北。）在疇家西五十許里。相承營葺不輟。味與海鹽同。故地理志云。西縣有鹽官是也。其水東南逕宕備戍西。東南入西漢水。西漢水又西南。合左谷水。水出南山窮溪。北注西漢水。又西南。蘭臯水出西北五交谷。東南歷祁山軍。（在西和縣北。）東南入西漢水。西漢水又西南。逕祁山軍南。雞水（在西和縣東北。）南出雞谷。北逕水南縣。（在西和縣北。北魏置。以在西漢水之南。故名。）西北流注於西漢水。西漢水又西。建安川水（在西和縣南。）入焉。其水導源建威西北山白石戍東南。二源合注。東逕建威城（在成縣西北。）南。又東與蘭坑水會。水出西南近溪。東北逕蘭坑城西。東北流。注建安水。建安水又東逕蘭坑城北。建安城（一名漢陽城。在今成縣北。）南。其地故西縣之歷城也。楊定自隴右徙治歷城。卽此處也。去仇池百二十里。後改爲建安城。其水又東合錯水。水出錯水戍東南。而東北入建安水。建安水又東北。有雉尾谷水。又東北。有太谷水。又北。有小祁山水。並出東溪。揚波西注。又北。左會胡谷水。水西出胡谷東。逕金盤歷城二軍北。軍在水南層山上。其水又東注建安水。建安水又東北逕寒峽。（在西和縣東。）元

嘉十九年宋太祖遣龍驤將軍裴方明伐楊難當。難當將妻子北奔安西。參軍魯尙期追出塞峽。卽是峽矣。左山側有石穴洞。人言潛通下辨。所未詳也。其水出峽。西北流注西漢水。西漢水北連山秀舉。羅峯競峙。祁山（在西和縣西北。）在疇冢之西七十許里。山上有城。極爲巖固。昔諸葛亮攻祁山。卽斯城也。西漢水逕其南。城南三里。有亮故壘。壘之左右。猶豐茂宿草。蓋亮所植也。在上邽西南二百四十里。開山圖曰。漢陽有祁山。蹊徑逶迤。山高巖險。九州之名阻。天下之奇峻。今此山於衆阜之中。亦非爲傑矣。西漢水又西南。與甲谷水合。水出西南甲谷。東北流注西漢水。西漢水又西逕南呀北呀中。上下有二城相對。左右墳壠低昂。互山被阜。古諺云。南呀北呀。萬有餘家。諸葛亮表言。祁山去沮縣（今略陽縣東。漢置。）五百里。有民萬戶。矚其丘墟。信爲殷矣。西漢水西南逕武植戍南。武植戍水（在禮縣東北。）發北山。二源奇發。合於安民戍南。又南逕武植戍西。而西南流注於西漢水。西漢水又西南逕平夷戍南。又西南入夷水（卽捭城河。在禮縣東。）注之。水出北山。（一名聖湫山。）南逕其戍。西南入西漢水。西漢水又西逕蘭倉城（今禮縣。北魏置縣。）南。又南。右會兩溪。俱出西山。東流。注於西漢水。張華博物志云。溫水出烏鼠山。（在渭源縣西。）下注西漢水。疑是此水。而非所詳也。西漢水又南入嘉陵道。（今禮縣。漢置。）而爲嘉陵水。世俗名之爲階陵水。（階陵。今成縣。北魏置縣。）非也。西漢水又東南。得北谷水。

又東南得武街水。又東南。得倉谷水。右三水並出西溪。東流注西漢水。西漢水又東南。逕瞿堆（卽仇池山。一名百頃山。在成縣西。）西。又屈逕瞿堆南。絕壁峭峙。孤險雲高。望之形若覆唾壺。高二十餘里。羊腸蟠道。三十六迴。開山圖謂之仇夷。所謂積石嵯峨。嶽岑隱阿者也。上有平田百頃。煮土成鹽。因以百頃爲號。山上豐水泉。所謂清泉湧沸。潤氣上流者也。漢武帝元鼎六年開以爲武都郡。天池大澤在西。故以都爲目矣。王莽更名樂平郡。縣曰循虜。常璩范曄云。郡河池。一名仇池。池方百頃。卽指此也。左右悉白馬氏矣。漢獻帝建安中。有天水氐楊騰者。世居隴右。爲氐大帥。子駒勇健多計。徙居仇池。魏拜爲百頃氐王。西漢水又東合洛谷水。（在成縣西北。）水有二源。同注一壑。逕神蛇戍西。左右山溪。多五色蛇。性馴良。不爲物毒。洛谷水又南逕虎牯戍東。又南逕仇池郡（在成縣西。宋書氏胡傳。楊定求割天水之西縣。武都之上祿。爲仇池郡。）西。瞿堆東。西南入西漢水。西漢水又東合洛溪水。（在成縣西北。）水北發洛谷。（洛谷城。在成縣西。）南逕威武戍南。又西南與龍門水合。水出西北龍門谷。東流與橫水會。東北窮溪。卽水源也。又南逕龍門戍（在成縣西南。）東。又東南入洛溪水。又東南逕上祿縣故城（在成縣西南。漢置。）西。修源濬導。逕引北溪。南總兩川。單流納漢。西漢水又東南。逕濁水城（一名濁水戍。在成縣西南。）南。又東南會平樂水。（在武都東北。）水出武街（卽下辨。在成縣西。）東北

四十五里。更馳南溪。導源東北流。山側有甘泉。涌波飛清。下注平樂水。又逕甘泉城南。又東逕平樂戍（在武都東北。）南。又東入西漢水。謂之會口。西漢水東南逕修城道（在略陽縣西北。漢置。）南。與修水合。水總二源。東北合西漢水。西漢水又東南。於槃頭郡（在略陽縣西北。北魏置。以水槃曲。故名。）南。與濁水合。濁水（卽白水江。在成縣南。）出濁水城北。東流與丁令溪水（卽東河。在成縣西北。）會。其水北出丁令谷。南逕武街城西。東南入濁水。濁水又東逕武街城南。故下辨縣治（在成縣西。後漢置。）也。李玲、李稚。以氏王楊難敵。妻死葬陰平。襲武街。爲氏所殺於此矣。今廣業郡治。（今成縣。北魏置。）濁水又東。宏休水注之。水出北溪。南逕武街城東。而南流注於濁水。濁水又東逕白石縣（今成縣。北魏置。）南。續漢書曰。虞詡爲武都太守。下辨東三十餘里有峽。峽中白水生大石。障塞水流。春夏輒潰溢。敗壞城郭。詡使燒石。以醯灌之。石皆碎裂。因鑄去焉。遂無泛溢之害。濁水。卽白水之異名也。濁水又東南。涇陽水（一名涇陽水。在成縣東。）北出涇谷。南逕白石縣東。而南入濁水。濁水東南與仇鳩水（在徽縣西。）合。水發鳩溪。南逕河池縣故城（在徽縣西。漢置。）西。王莽之平樂亭也。其水西南流注濁水。濁水又東南與河池水（卽永寧河。在徽縣東。）合。水出河池北谷。南逕河池戍東。西南入濁水。濁水又東南。兩當水注之。兩當水。（今名凍河。嘉陵江東源。）出陳倉縣（今寶雞縣。秦置。）之大散

嶺。(在寶雞縣西南。)西南流入故道川。(一名故道河。在鳳縣東。)謂之故道水。西南逕故道城。(在鳳縣西北。秦置縣。)東。魏征仇池。築以置戍。與馬鞍山水(今名安河。在鳳縣東。)合。水東出馬鞍山。(今名馬嶺山。在鳳縣西。)歷谷西流。至故道城東。西入故道水。西南流。北川水(今名小峪河。在鳳縣西。)注之。水出北洛櫛山南。南流逕唐倉城。(在鳳縣北。)下。南至困冢川。入故道水。故道水又西南歷廣香交。合廣香川水。(在兩當縣東。)水出南山縣利喬山。南流至廣香川。謂之廣香川水。又南注故道水。謂之廣香交。故道水又西南入秦岡山。(在兩當縣西南。)尙婆水(一名石槃水。在兩當縣西。)注之。山高入雲。遠望增狀。若嶺紆曦軒。峯駐月駕矣。懸崖之側。列壁之上。有神象若圖。指狀婦人之容。其形上赤下白。世名之曰聖女神。至於福應愆違。方俗是祈。水源北出利喬山。南逕尙婆川。謂之尙婆水。歷兩當縣之尙婆城。(在兩當縣西。)南。魏故道郡治也。西南至秦岡山。入故道水。故道水又右會黃盧山水。(在徽縣東南。)水出西北天水郡。(秦州記。郡前有湖。冬夏無增減。故有天水之名。)黃盧山腹。歷谷南流。交注故道水。故道水南入東益州(今略陽縣。北魏置。)之廣業郡(見前。)界。與沮水枝津合。謂之兩當溪。水上承武都沮縣之沮水濱。西南流。注於兩當溪。虞詡爲郡。漕穀布在沮。從沮縣至下辨。山道險絕。水中多石。舟車不通。驢馬負運。僦五致一。詡乃於沮受僦。直約自致之。卽將吏民按行。

皆燒行櫓木。開槽船道。水運通利。歲省萬計。以其儻屢與吏士。年四十餘萬也。又西南注於濁水。濁水南逕槃頭郡東。而南合鳳溪水。(今名清泥河。在略陽縣西北。)水承濁水於廣業郡。逕鳳溪。中有二石雙高。其形若闕。漢世有鳳凰止焉。故謂之鳳凰臺。(在成縣東南鳳凰山。)北去郡三里。水出臺下。東南流左注濁水。濁水又南注西漢水。西漢水又東南歷漢曲。(今略陽縣。西魏置縣。)逕挾崖。與挾崖水(今名橫現河。在略陽縣西。)合。水西出擔潭交。東流入西漢水。西漢水又東逕武興城(今略陽縣。北魏置縣。)南。又東南與北谷水(今名八渡河。在略陽縣東。)合。水出武興東北。而西南逕武興城北。謂之北谷水。南轉逕其城東。而南與一水合。水出東溪。(今名夾渠河。在略陽縣東。)西流注北谷水。又南流注西漢水。西漢水又西南逕關城(今名陽平關。即古陽安關。在寧強縣西北。)北。除水出西北除溪。東南流入於西漢水。西漢水又西南逕通谷。(在寧強縣東北。)通谷水(今名燕子河。在寧強北。)出東北通溪。上承漾水。西南流爲西漢水。西漢水又西南。寒水(今名西流河。在寧強縣南。)注之。水東出寒川。西流入西漢水。西漢水又西逕石亭戍。(在廣元縣北。)廣平水(即廣平河。在寧強縣西。)西出百頃川。東南流注西漢水。又有平阿水出東山。西流注西漢水。西漢水又逕晉壽城(在昭化縣南。晉改漢壽縣置。)西。而南合漢壽水。(即南河。在廣元縣南。)水源出東山。西逕東晉壽故城(今廣元縣。蕭齊置。)南。

而西南合於西漢水也。

○（漾水）又東南至廣魏白水縣西。又東南至葭萌縣東北。與羌水合。（卷二十）

白水（在甘肅文縣南。）西北出於臨洮縣（今岷縣。漢置。）西南西傾山。（在臨潭縣西。）水色白濁。東南流與黑水（出文縣素嶺山。）合。水出羌中。西南逕黑水城（在文縣西。）西。又西南入白水。白水又東逕洛和城南。洛和永（在文縣西南。）西南出和溪。東北流逕南黑水城西。而北注白水。白水又東南逕鄧至城（在文縣西。）南。又東南與大夷禰水（今名夷水。在文縣西南。）合。水至夷祝城西南窮溪。北注夷水。又東北合羊洪水。水出東南羊溪。西北逕夷祝城東。又西北流。屈而東北注於夷水。夷水又東北入白水。白水又東與安昌水（在文縣西北。）會。水源發衛大西溪。東南逕鄧至安昌郡（安昌城。在文縣西北。）南。又東南合無累水。無累水出東北近溪。西南入安昌水。安昌水又東南入白水。白水又東南入陰平。得東維水。（卽印維水。在文縣西北。）水出西北維谷。東南逕維城西。東南入白水。白水又東南。逕陰平道（在文縣西。漢置。）故城南。王莽更名摧虜矣。卽廣漢之北部也。廣漢屬國都尉治。漢安帝永初三年分廣漢蠻夷置。又有白馬水。（在文縣西南。）出長松縣（在文縣西南。）西南白馬溪。東北逕長松縣北。而東北注白水。白水又東逕陰平大城北。蓋其渠帥自故城徙居也。白水又東。偃溪水出西南偃溪。東北流逕偃城西。而東北流入白水。白水又東逕

偃城北。又東北逕橋頭。（卽陰平橋。在文縣南門外。）昔姜維之將還蜀也。雍州刺史諸葛緒邀之於此。後期不及。故維得保劍閣。（卽劍閣道。在今劍閣縣東北。）而鍾會不能入也。白水又與羌水合。自下羌水又得其通稱矣。白水又東逕郭公城（在文縣東。）南。昔郭淮之攻虜化於陰平也。築之。故因名焉。白水又東。雍川水（在文縣南。）出西南雍溪。東北注白水。白水又東合空洽水。傍溪西南窮谷。卽川源也。白水又東南。與南五部水會。水有二源。西源出五部溪。東南流。東源出郎谷。西南合注白水。白水又東南逕建昌郡（今文縣。）東。而北與一水合。二源同注。共成一溪。西南流入於白水。白水又東南。逕白水縣故城（今昭化縣西北。漢置。）東。卽白水郡治也。經云。漢水出其西。非也。白水又東南。與西谷水（卽靈寶河。一名牛頭河。在昭化縣北。）相得。水出西溪。東流逕白水城南。東南入白水。白水又南。左會東流水。東入極溪。便卽水源也。白水又南逕武興城東。又東南。左得刺稽水口。溪東北出。使水源矣。白水又東南。清水（卽清水江。一名黃沙河。在昭化縣西北。）左注之。庾仲雍曰。清水自祁山來合白水。斯爲孟浪也。水出於平湖郡東北。隴累互下。南逕平武城（在今平武縣東北。晉置。）東。屈逕其城南。又西歷平洛郡東南。屈而南。逕南陽僑郡東北。又東南逕新巴縣（在劍閣縣西北。晉置。）東北。又東南逕始平僑郡（在劍閣縣北。劉宋置。）南。又東南逕小劍戍（在昭化縣西南。）北。西去大劍（在劍閣縣

北。三十里。連山絕險。飛閣通衢。故謂之劍閣也。張載銘曰。一人守險。萬夫赴起。信然。故李特至劍閣而嘆曰。劉氏有如此地。而面縛於人。豈不奴才也。小劍水。一名小劍溪。在劍閣縣北。西南出劍谷。東北逕其戍下入清水。清水又東南注白水。白水又東南。於吐費城南。卽西晉壽（在昭化縣南。北魏置。）之東北也。東南流注西漢水。西晉壽。卽蜀王弟葭萌所封爲直侯邑。故遂名城爲葭萌（今昭化縣。漢置。）矣。劉備改曰漢壽。太康中又曰晉壽。水有津關。（在昭化縣東。）段元章善風角。弟子歸。元章封笏藥授之。曰。路有急難開之。生到葭萌。從者與津吏爭打傷。開笏得書。言其破頭者。可以此藥裹之。生乃嘆服。還卒業焉。亦廉叔度抱父楸白沈處也。

○羌水。出羌中參狼谷。（卷三十二）

彼俗謂之天池（在文縣西北。）白水矣。地理志曰。出隴西羌道。東南流。逕宕昌城（在岷縣南。）東。西北去天池五百餘里。羌水又東南。逕宕婆川城東。而東南注。昔姜維之寇隴右也。聞鍾會入漢中。引還。知雍州刺史諸葛緒屯橋頭。從孔函谷（在武都縣西。）將出北道。緒邀之此路。維更從北道渡橋頭。入劍閣。緒追之不及。羌水又東南。陽部水（在武都縣西。）注之。水發東北陽部溪。西南逕安民戍。又西南注羌水。又東南逕武階城（今武都縣。北魏置。）西南。又東南逕葭蘆城（在武都縣東南。）

西。洋湯水（卽五渡河。在文縣北。）入焉。水出西北陰平。北界湯溪。東南逕北部城（今武都縣。北魏置縣。）北。又東南逕五部城（今武都縣。北魏置縣。）南。東南右合妾水。傍西南出。卽水源所發也。羌水又逕葭蘆城南。逕餘城南。又東南。左會五部水。水有二源。出南北五部溪。西南流。合爲一水。屈而東南注羌水。羌水又東南流。至橋頭合白水。東南去白水縣故成九十里。

○（羌水）又東南至廣魏白水縣。與漢水合。又東南過巴郡閬中縣。（卷三十二）
○（漾水）又東南過巴郡閬中縣。（卷二十）

巴西。郡治也。劉璋之分三巴。此其一焉。闕駟曰。強水出陰平西北強山。一曰強川。姜維之還也。鄧艾遣天水太守王欣敗之於強川。卽是水也。其水東北逕武都、陰平、梓潼、南安。（今劍閣縣。蕭齊置。）入漢水。漢水又東南。逕津渠戍東。又南逕閬中縣東。閬水（在閬中縣西。）出閬陽縣。而東逕其縣南。又東注漢水。昔劉璋之攻霍峻於葭萌也。自此水上。張達范疆害張飛於此縣。漢水又東南。得東水口。水出巴嶺。（在南鄭縣南。）南歷嶺中。謂之東遊水。（卽宋江。一名東河。在蒼溪縣西南。）李壽之時。獠自牂牁北入。所在諸郡。布滿山谷。其水西南逕宋熙郡（在廣元縣東。劉宋置。）東。又東南逕始平城（在劍閣縣北。劉宋置。）東。又東南逕巴西郡（今閬中。後漢置。）東。又東入漢水。漢水又東與瀘溪水（卽苟溪河。在閬中縣東。）合。水

出嶺中。世亦謂之清水也。東南流。注漢水。漢水又東南。逕宕渠縣（在渠縣東北。漢置。）東。又東南合宕渠水。（卽渠江。在合川縣東北。）水西北出南鄭縣巴嶺。與槃余水（在城固縣西南。）同源。派注南流。謂之北水。（卽巴江。在達縣西。）東南流。與難江水（在南江縣東。）合。水出東北小巴山。（在南江縣東北。）西南注之。又東南流。逕宕渠縣謂之宕渠水。又東南入於漢。

○潛水。出巴郡宕渠縣。（卷二十九）

潛水。蓋漢水枝分潛出。故受其稱耳。今爰有大穴。潛水入焉。通岡山下。西南潛出。謂之伏水。或以爲古之潛水。鄭玄曰。漢別爲潛。其穴本小。水積成澤。流與漢合。大禹自導漢疏通。卽爲西漢水也。故書曰。沱潛旣道。劉澄之稱白水入潛。然白水與羌水合入漢。是猶漢水也。縣以延熙中分巴。立宕渠郡。蓋古賈國也。今有賈城縣（在渠縣東北。）有渝水夾水上下。皆賈民所居。漢祖入關。從定三秦。其人勇健好歌儷。高祖愛習之。今巴渝儷是也。縣西北有徐曹水。南逕其縣。下注潛水。縣有車騎將軍馮繼（漢宕渠人。）桂陽太守李溫（漢宕渠人。）家。（緄家在達縣西。）二子之靈。常以三月還鄉。漢水暴長。郡縣吏民。莫不於水上祭之。今所謂馮李也。

- （羌水）又南至墊江縣東南。入於江。（卷三十二）
○（潛水）又南入於江。（卷二十九）

庾仲雍云。墊江（今合川縣。漢置縣。）有別江。出晉壽縣。卽潛水也。其南源取道巴西。是西漢水也。

○（漾水）又東南過江州縣東。東南入於江。（卷二十）

潛水注之。庾仲雍所謂潛內水者也。

○潛水。出廣魏涪縣西北。（卷三十二）

涪水。出廣漢屬國剛氏道（今平武縣東。漢置。）徼外。東南流逕涪縣（在綿陽縣東。漢置。）西。王莽之統陸矣。臧宮進破涪城。斬公孫恢於涪。自此水上。縣有潺水（在綿陽縣東。）出潺山。（在羅江縣北。）水源有金銀礦。洗取火合之。以成金銀。潺水歷潺亭。（在羅江縣北。）而下注潛水。潛水又東南。逕綿竹縣（在德陽縣北。漢置。）北。臧宮溯涪至平陽。公孫述將王元降。遂拔綿竹。潛水又東南與建始水合。水發平洛郡西溪。西南流。屈而東南流入於涪。潛水又東南。逕江油戍（今江油縣。蜀漢置。）北。鄧艾自陰平景谷步道。（在昭化縣西北。）懸兵束馬入蜀。逕江油廣漢者也。潛水又東南。逕南安郡南。又南與金堂水會。水出廣漢新都縣。（今新都縣東。漢置。）東南流入涪。潛水又南。枝津出焉。西逕廣漢五城縣。（今中江縣東。蜀漢置。）爲五城水。（今名中江。在三台縣西南。）又西至成都入於江。

○（涪水）南至小廣魏。與梓潼水合。（卷三十二）

小廣魏。(在遂寧縣東北。因與郡同名。加小字別之。)卽廣漢縣地。王莽更名曰廣信也。

○梓澗水。出其縣北界。西南入於涪。(卷三十二)

故廣漢郡。公孫述改爲梓潼郡。(今梓潼縣。)劉備嘉霍峻守葭萌之功。又分廣漢以北。別爲梓潼郡。以峻爲守。縣有五女。蜀王遣五丁迎之。至此見大蛇入山穴。五丁引之。山崩壓。五丁及五女因氏山爲五婦山。(在梓潼縣北。)又曰五婦候。馳水(卽梓澗水。)所出。一曰五婦水。亦曰潼水也。其水道源山中。南逕梓潼縣。王莽改曰子同矣。自縣南逕涪城東。又南入於涪水。謂之五婦水口也。

○(梓澗水)又西南至小廣魏。南入於墊江。(卷三十二)

亦言涪水至此入漢水。亦謂之爲內水也。北逕墊江。昔岑彭與臧宮自江州(今重慶市。漢置縣。)從水上。公孫述令延岑彭盛兵於沈水。(在射洪縣東南。)官左步右騎。夾船而進。勢動山谷。大破岑軍。斬首溺水者萬餘人。水爲濁流。沈水出廣漢縣。(在遂寧縣東北。)下入涪水也。

○(江水)又東北至巴郡江州縣東。強水、涪水、漢水、白水、宕渠水五水合南流注之。(卷三十三)

強水。卽羌水也。宕渠水。卽潛水。渝水矣。巴水。出晉昌郡宣漢縣(今達縣。後漢

置。巴嶺山。即大巴山。在南江縣北。郡隸梁州。晉太康中立。治漢中縣。南去郡八百餘里。故屬巴渠。今達縣。劉宋置。西南流。歷巴中。逕巴郡故城。今重慶市。漢置郡。南。李嚴所築大城北。西南入江。庾仲雍所謂江州縣對二水口。右則涪內水。嘉陵江。左則蜀外水。長江。即是水也。江州縣。故巴子之都也。春秋桓公九年。巴子使韓服告楚。請與鄧好是也。及七國稱王。巴亦王焉。秦惠王遣張儀等救苴侯於巴。儀貪巴苴之富。因執其王以歸。而置巴郡焉。治江州。漢獻帝初平元年。分巴爲三郡。於江州則永寧郡治也。至建安六年。劉璋納蹇允之訟。復爲巴郡。以嚴顏爲守。顏見先主入蜀。嘆曰。獨坐窮山。放虎自衛。此卽拊心處也。漢世郡治江州。巴水北。北府城是也。後乃徙南城。劉備初以江夏費觀爲太守。領江州都督。後都護李嚴更城。周十六里。造蒼龍白虎門。求以五郡爲巴州治。丞相諸葛亮不許。竟不果。地勢側險。皆重屋累居。數有大害。又不相容。結舫水居者五百餘家。承二江之會。夏水增盛。壞散顛沒。死者無數。縣有官橋、官荔枝園。夏至則熟。二千石常設廚膳。命士大夫共會樹下食之。縣北有稻田。出御米也。縣下又有清水穴。輿地紀勝。在巴縣西三十步。巴人以此水爲粉。則皜曜鮮芳。貢粉京師。因名粉水。故世謂之爲江州墮林粉。粉水亦謂之爲粒水矣。江之北岸。有塗山。在重慶市南岸。南有夏禹廟。塗君祠。廟銘存焉。常璩庾仲雍並言禹娶於此。余按羣書咸言禹娶在壽春當塗。今安徽懷

遠縣。不於此也。

水道提綱（清齊召南）

嘉陵江。卽西漢水。下流合白水江而益大。

白龍江。出陝西岷州衛東南。楊滿城西北分水嶺墊江之北源也。俗曰岷江。經朝陽山西。西固所東南。有白水江西自邊外來會。白水江。卽古桓水。亦曰墊江。源出邊外洮源東南之西傾山。源曰裴雜塔拉。經武都關南。又東經西固所南。又東南與白龍江會。水勢始盛。又東南流。有清江西南自邊外來會。至階州西南。有東川水。西自邊外來會。又東經州城南。有北谷河。合赤水水。自北經城西來會。又南經文縣東境。俗曰黑水江。有乾溝水。自東北來注之。又南入四川界。經昭化縣北境之余山鋪西。又南有溪河自西北來注之。又東南數十里。至昭化縣城北。有黃沙江西北自摩天嶺合青川。及劍門水來。而嘉陵江合諸水。東北自朝天關來。並會。此江卽古葭萌水也。

西漢水。亦曰沔水。卽漢志誤指爲禹貢之嶓冢導漾者。源出秦州西南之嶓冢山。卽漢隴西郡西縣之嶓冢山也。在寧羌州漢源嶓冢之西北四百餘里。脈自白水江源山。曲曲而東。爲分水嶺。西南流曰漾水。有小水自東南來會。又西北曲曲流。曰鹽官水。稍北。有橫水嶺水。南自西和縣城東來會。又北。有水平水。東北自刑馬山來會。折西流。至禮縣東。有水西北自柏林青陽東南流。經縣城東北來注之。又西經縣城南。又西折。西

南流數十里。曰長道河。經西和縣西北境。折東南流。過仇池山西麓。有岷峨江。自西北岷峨山東麓來注之。其西麓水。卽流合白水江者。又東南流。曰犀牛江。經階州東北境。成縣西南境之祁山麓。有石碛關水。自西北來注之。又東南。有潭河。西南自階州北之米倉山。東北流。經甘泉驛來會。曰兩河口。西漢自發源西流。而南而東。至此流如旋規。又東至成縣南境、略陽縣西北境。有長家河自南來注之。又東。有黑峪江。北自秦州南山來會。黑峪江源出吳紫山南之九眼泉。又南經青泥嶺。仙人關西。又南經成縣城東南。有濁水自西來注之。又東南數十里入西漢水。又東有青泥嶺水。自北經仙人關東來注之。俗亦曰白水江。折東南流。有九龍池水。東北自徽州合三水來注之。又南流至略陽縣北之八渡山西。嘉陵江東北自鳳縣合諸水來會。

嘉陵江。出鳳縣東北之嘉陵谷。西九度四分。極三十四度三分。此山之東北。卽寶雞縣渭水也。西流經東河驛、橫牛堡、紅花鋪北。折西南流。經草涼驛、白家店西。又南。有大散水、斜谷水自東北來會。折西北。又西南流。經縣城西北。又西南。有魚河自北合紅犀單河二水來注之。又西南經兩當縣南境。有下邳水自城西南來注之。此水於永寧堡之東南入嘉陵江。又南流。有高橋河自西北合水寧河來會。高橋河出兩當縣西北山。東南流有永寧河自東北來會。又東南流。經太白池東南入嘉陵江。又南。有野羊北河合諸水東自鳳縣東南境來會。野羊北河出松林驛東南山。西北流經驛西。

又西南入嘉陵江。又西南。經徽州南境百餘里。至八渡山西北。西漢水自西來會。嘉陵江既會西漢水。南流稍西。折東南流。有橫壩河、紫混山水自西來各注之。又東南。經略陽縣城西。又東南。有八渡河自東北來注之。八渡河出紫柏山。西北流。曰中川。又南。有白石溝自東北來注之。又西南流。經寧羌州西北境之陽平關西。又西南有洛索河自西來注之。又南流百里。經四川廣元縣北界。有小水西北來注之。南經大小漫天嶺山麓。又南至朝天關西。有水東北自七盤嶺關南來注之。又西南九十里。經廣元縣城西。又西南。有稻壩河南北來經城南西注之。又西南。至昭化縣東北。白水江自西北來會。嘉陵江既會白水江於昭化城東北。南流經城東。又南稍西。曲流百五十里。有劍水西北自劍州來注之。大劍水出劍州西北山。東南流至州北。有小劍水自北來會。經州城東北。又東南百餘里入嘉陵江。又南八十里。經蒼溪縣西。稍南。折而東。經其南。稍東。又折而西。而西南。又東南。經保寧府城西。有北溪河自西北來注之。北溪出蒼溪縣西北山。東南流。入嘉陵江。稍南折而東。經府南境。稍東。有東河東北自陝西寧羌州界。西南經重山四百里來注之。東河源出寧羌州東七眼泉。南流。折而西南。入四川廣元縣東北界。行兩山中。曲曲數百里。曰東河。至百尺關西。又西南。至蒼溪縣東之雲臺山麓。又南流至府東境。入嘉陵江。又南。有苟溪東北合塘溪來注之。塘溪出觀音場北七十里山。南流至場北。折西南流。有苟溪自北來

會。西經廟閭樓北。又西南入嘉陵江。又南。稍西六十里。至南部縣西北。折東流。經縣城北。又東南流。有禹跡山水。自縣北境來注之。稍東。折南流數十里。有安居場水。自東北來注之。又南至蓬州西北。有西河自劍州西北來注之。西河上源曰武連河。出劍州西北境五子山。西南流九十里。折而東南。經武連驛南。又東南數十里。有柳池溝水自北來會。又東南。曲曲經保寧府治園中縣西境。又東南至南部縣南境。有袁家河自東來注之。又東南。折而東流。入嘉陵江。此水行四百餘里。又東南。經州城北。東南如缺。至州西南。折向南流。有清溪自東北來注之。又西南流百餘里。至順慶府治南充縣東北境。折南流。經府城東而南。有蠻子河西北自西充縣來注之。河出西充縣東北山。西南流。經縣東南。又西南流數十里。折東南流。經府城西南。又東南入嘉陵江。又南流。八十里。有曲水河自西來注之。折東流。有清水河自北來注之。又東南五十里。有西溪東北自岳池縣北境來注之。又西南。曲曲東南。至定遠縣城東北。有岳池水東北自城左右合西南流。又合一水來注之。經縣城東而西南。又東南。旋折如帶。有苦竹溪自西來注之。又東南流八十里。至合州東北。渠江自東北來會。曰嘉渠口。又南流。涪江自西來。經州城之西而東。來會於城之東南。曰三江口。西十度。極三十度二分。釣魚山在涪江之北。嘉陵江之南。嘉陵江自源至此。經一千七百餘里。渠江。卽古巴水。今日渠河。實巴渠二水之合也。

巴水。出陝西西鄉縣西南之大巴山。渠河三大源。最北曰後江。次曰中江。次曰前江。後江又有二源。最北者。出太平縣北。其東源曰白沙河。出縣東北華岳頂之萬頃池。中江源出太平縣東境之白支山、黃墩山。前江源出太平縣東。至合州東北之嘉渠口。嘉陵江西北自定遠來會。又西南經州城東南。涪江自西來會。曰三江口。

涪江。古涪水。出松潘衛東。稍北之分水嶺。

折東。稍北。流數十里。至合州西北境。折而南流。經州城西而南。有立石河西南自永川、璧山、銅梁來注之。東經城南。嘉陵江合渠河。自東北來會。涪江既會嘉陵江渠河。又東北流十餘里。折而南。曲曲流百里。至重慶府治巴縣西北境。有虎耳河自西來注之。又南有青水關河自西來。南合萬壽水。東流注之。又南。折東南流。經白巖北。過魚鹿峽。又東流。經府城北。稍東。入大江。

雲棧紀程（清張邦紳）

嘉陵江源有四。卽西漢水。一出甘肅秦州西南八十里。天水郡五泉山。卽漢西縣嶓冢山也。通典云。嶓冢山有二。一在天水。一在漢中。漢中之嶓冢。漢水所出。天水之嶓冢。則西漢水所出也。水自山腰五泉湧出。其下爲五泉寺。水經注。西縣嶓冢山。西漢水所導也。西流與馬池水合。又西南合楊廉川水。又西南逕始昌縣故城西。又西南逕宕備戍南。又西南逕祁山軍南。又西逕蘭倉城南。又南入嘉陵道爲嘉陵水。又東南逕瞿堆

西。又屈逕巽堆南。又東南逕濁水城南。又東南逕修城道南。又東南於槃頭城南。與濁水合。又東逕武興城南。又西南逕關城北。又西南逕迎谷。又西南寒水注之。又西逕石亭戍。又逕晉壽城西。又南合漢壽水。又東南逕葭萌縣東北。與白水合。又東南逕巴郡閬中縣。又東南逕宕渠縣。又東南合宕渠水。又東南逕江州縣東南入於江。以今輿地言之。自秦州發源。逕西和縣東北。至禮縣西南嘉陵道爲嘉陵江。又東南逕成縣西。又東南逕略陽縣城北槃頭郡。與故道水合。又東逕略陽縣城南。又西南歷陽平關。逕寧羌州西北。入廣元界朝天鎮。潛水入之。卽禹貢導江之潛也。又西逕廣元縣城西。又西南逕昭化城東北。與白水合。又南逕劍州東。又東南逕蒼溪縣城東。又東南逕閬中縣西南。名閬江。因其曲折三回。形如巴字。又謂之巴江。又東南逕南部縣北。又東南逕蓬州東。又西南逕南充縣城東。又南逕合州東北。合渠江。又十里。至州城東南合涪江。又南至巴縣東北入江。一出陝西鳳翔府寶雞縣南煎茶嶺。名故道水。水經注故道水出大散關。(水經注。兩當水出大散嶺。誤爲大散關。)西南流與馬鞍山水合。又西南流北川水注之。又西南歷廣香交。合廣香川水。又西南入秦岡山。尙婆水注之。又右會黃廬山水。又南入東益州之廣業郡界。與沮水枝津合。謂之兩當溪。又南注於濁水。又南逕槃頭郡南。注於西漢水。以今輿地言之。水出煎茶嶺。西南流逕鳳縣城北。又西南逕兩當縣南。又西至略陽東北。注於嘉陵江。一出甘肅洮州衛西南西傾山曰桓水。禹貢。西

傾因桓是來是也。桓水一名白水。西傾山。一名犛臺山。水經注。白水出臨洮縣西南西傾山。水色白濁。東南流與黑水合。又東逕洛和城南。又東南逕鄧至城南。又東南與大夷祝水合。又東與安昌水會。又東南入陰平得東維水。又東南逕陰平道故城南。又東逕陰平大城北。又東南逕偃城北。又東北逕橋頭與羌水合。以今輿地言之。自洮州衛東南流。經文縣。平武。劍州。至昭化縣東。入西漢水。一出西番參狼谷。曰羌水。水經注。羌水出羌中參狼谷。東南流逕宕昌城東。又東南逕宕婆川城東。而東南注。又東南。陽部水注之。又東南。逕武街城西南。又東南。逕葭廬城西。又東南。逕五部城南。又東南。至橋頭合白水。東南去白水縣故城九十里。以今輿地言之。水出西番界。東南流經青川所。歷平武縣、劍州。至文縣橋頭合白水。流入昭化縣界。

第二章 辨名

水經注謂漢水南入嘉陵道而爲嘉陵水。世俗名爲階陵水。階陵。故成縣。嘉陵道。漢隸武都郡。此嘉陵江名之所由也。元和志謂西漢水。一名嘉陵水。而九域志誤嘉陵谷爲嘉陵水所出。而有嘉陵江之名。略陽鄜州頌云。惟斯析里。處漢之右。故以漢水之名爲最古。而漢書地理志謂西縣嶓冢山。西漢水所出。而武都注云。東漢水受氏道水。一名沔。過江夏。謂之夏水。此漢志以漢水而別東西。夏水。猶今之漢水。由漢陽而入江者也。漢書地理志隴西郡氏道注云。禹貢養水所出。至武都爲漢。水經云。漢水出隴西氏道縣嶓冢山。是嘉陵江又名爲漾。漾。猶養也。然東源出自寶雞。名凍河。或易凍爲東。逕鳳縣。曰故道河。鳳縣。故秦故道縣。鳳縣志作大散河。以其源出大散嶺。逕兩當。爲兩當水。徽縣志稱爲鐵門川。而鞏昌府志謂水逕禮縣名長道河。至階州爲犀牛江。至成縣爲罽家河。此西源之稱也。略陽志名嘉陵江西源爲淮河。東源爲王家河。亦異已。水經謂潛水出巴郡宕渠縣。庾仲雍謂墊江之別江爲潛。括地志以廣元龍門水爲潛。龍門水。一名伏水。蒼溪志以嘉陵江會昭化之白水。不可溉田。而稱白河。逕閬中。曰閬水。亦曰閬江。寰宇記稱閬中水。亦名渝水。三巴記謂閬白二水。南流曲折三面如八字。亦稱巴水。逕張家灘。而岳池志稱張家灘河。合川志以水自廣元來。而稱保寧河。廣元。

故隸保寧府。猶廣元以水自略陽。而稱略陽河。庾仲雍謂江州縣對二水口。右涪內。左蜀外。江州。今重慶市。涪內爲嘉陵江。蜀外爲長江。雖隨地易名。要之皆嘉陵江也。

第三章 灘險

後漢書謂虞詡以石塞水流。春夏潰溢。壞城郭。燒石灌醢。以鑄去之。柳子厚江運記稱嚴礪山導江。焚火沃醢。摧其堅剛。化爲灰燼。徽縣志載武思信。楊三辰。以濬險使漕運。此皆治嘉陵江之上游者。而廣元志謂陳鵬鑿九井灘。合川志謂張兌和。強望泰。鑿鑿梁灘。雖其不若今之人。然無不思濬治矣。嘉陵江河牀。概爲砂石。岡巒環峙。水隨峯移。洚水則波濤湧。流疾如矢。水落則灘石俱現。淤阻其間。故洪水之患在險。枯水之患爲灘。磐石橫互。立中流。坡度陡峭。是爲石灘。急流雖奔騰下注。至河道寬衍。水勢亦緩。而所挾砂石。壅成灘。是爲砂灘。砂灘之成。多於河流彎曲之處。灘之上爲腦。而下名眼。水逕灘邊衝刷成者。謂之邊槽。逕灘中而衝成槽者。謂之中槽。一名爲濠。兩槽間之灘。名曰中包。及水低。兩槽之水。雖同宣洩。而中槽水流濡緩。中包之水。橫溢而成槽者。謂之橫槽。疏濬之。砂灘則斷截歧流。以增水勢。崖石之上。而築牆壩。石灘火醢有不能盡者。必鑄炸之而後。附灘險表。

自白水江至略陽縣城（此段水流窄谷。河牀滿布卵石。白水江以上。則不通航。以花籃、桃、燕子三灘最險。堤壩工程。經陝西水利局修築。）

燒門子（最險） 眞武灘（最險） 風窩子 龍懼子（險） 百箭石

娃娃灘 瓦窰灘 烈馬壩灘 手爬崖灘 董家灘 槐樹灘

匪人子灘 倒灣山灘 廟河壩灘 禪覺寺灘 枇杷樹灘 三家灘

無藏灘 磨鈎灘 六茅溜灘 小茅溜灘 鄭家灘 老鴉架灘

花籃灘（最險） 呂家灘 馬蹄灣灘 高家壩灘（險） 魚箭壩灘

駱駝項灘 黑沱灘 兩河口灘 馬連坡灘 私錢洞灘 塞家河灘

明水灘 瓦口壩灘 大燕子灘（險） 小燕子灘 老鶴沱灘（最險） 周家灘

白崖壩灘 大三官灘（極險） 小三官灘（極險） 橫現河灘 伍家溝灘

沙溝子灘（險）老貓灘 石壁子灘 馬馬灘 鉗毛灘（節錄略陽志）

石門灘（數處淺灘。合成綿互。枯水水流散漫。洪水多險。）

五藏灘（略陽志作無藏。淺灘。河而寬廣。水流散漫。）

元寶石灘（淺灘）

馬蹄灣灘（險灘。河道成鎌刀形。水流湍急。左岸灣處爲崖石。）

四坡灘（淺灘。水流緩散。）

雁子灘（略陽志作燕子。險灘。瀑跌甚劇。水流湍急。卵石布散河底。）（節錄陝西水

利季報）

石門子峽（略陽志作燒門子。兩山相距甚寬。孤山屏障。左高右低。洪水成爲島山。再
則又爲大山所阻。急阻而右。流勢峻急。）

娃娃灘（山勢至此縮狹）

鐵爐灘（現已平順）

槐樹灘（河底爲卵石積砂）

磨兒灘（枯水深二公寸）

王家灘（枯水深二公寸。大石阻礙。）

五臟灘（略陽志作無藏。枯水深三公寸。）

花浪灘（略陽志作花藍。枯水深二公寸。河底多亂石。）

大禹灘（水勢陡急）

四坡灘（枯水深三公寸）

核桃灘（略陽志作黑沱。枯水深三公寸。河底多亂石。）

雙樹灘（枯水深四公寸）

燕子灘（枯水深四公寸。河底多亂石。）

陷馬灘（略陽城北二里。河底砂礫。）（節錄經濟部嘉陵江水道查勘報告）

自略陽縣城至陽平關（此段兩岸環山。河牀多卵石。以青石背、陡張子二灘最險。堤壩工

程。經陝西水利局修築。

- 磨盤灘 女河灘 夾門子（極險） 荷葉壩灘 大數牛灘 列拐橈灘
- 木頭灘 青石背灘 杯杯石灘 白雀寺灘 泥窩子灘 鐵鑪灘
- 雙旋子灘 旋槽灘 樂素河灘 鸚哥石灘 馬陵溝灘 雷灘（最險）
- 鬼錯路灘 石甃子灘（險） 東沅撮灘 西沅撮灘 銅釘石灘 高灘子
- 剪刀背灘 羊肉灘 送潮灘（險） 簸箕子灘 焦石子灘 篾鬚子灘
- 流溪溝灘 茅壩子灘 黑水灘 鋤亭溝灘 皮條三灘 滅河灘
- 跳磴子灘 陡張子灘（險） 赤竹壩灘 桂花園灘 陽平關灘（節錄略陽志）
- 女合灘（略陽志作女河。險。） 荷葉壩灘（險） 大剝牛（略陽志作大數牛。險。）
- 白雀寺（險） 鐵鑪灘（略陽志作鐵鑪。陡。） 玄槽（略陽志作旋槽。險。）
- 蘿莎河（略陽志作樂素。險。） 鸚哥石（險） 娃娃灘（陡）
- 雷灘（險） 石甃灘 紅花灘（險） 羊肉灘（險） 宋槽灘（略陽志作送潮。陡。）
- 麥絮子（略陽志作篾鬚子） 流溪灘（險） 黑水灘（險） 琵琶三灘
- （略陽志作皮條三。險。） 青石背（險） 斗長子（略陽志作陡張子。陡。）
- （節錄廣元志稿）
- 玉豪灘（略陽志作女河。廣元志作女合。上流八渡夾渠兩河東來灌注。水量驟增。河面

狹窄。瀑湍流急。左岸山崖壁立。江心礁石羅列。最大爲將軍石。下行船至此。必須放弔。將軍石對岸。沙灘突出。河底滿布卵石。波濤洶湧。浪花濺飛。）

荷葉壩灘（上游爲散漫淺水）

玄朝灘（略陽志作旋槽。廣元志作玄槽。左岸山嘴突出。溝內砂石淤積。形成陡坡。）

思角石灘（略陽志、廣元志作鸚哥石。水流散漫。分爲數岔。）

剪刀架灘（略陽志作剪刀背。淺灘。）（節錄陝西水利季報）

柳樹壩灘（枯水深四公寸）

磨盤灘（枯水深四公寸）

淘湧。左岸有礁。枯水方現。）

女兒灘（略陽志作女河。廣元志作女合。枯水深四公寸。水急變陡。河底多亂石。波濤

崖寺灘（枯水深三公寸。河底粗砂。流緩砂淤。）

二郎廟灘（枯水深四公寸。左會夾門子溝水。溝中積石爲患。河底多亂石。）

荷葉壩灘（枯水深四公寸。荷葉壩溝自右岸來會。河身左彎。河底多亂石。）

大波牛灘（略陽志作大數牛。廣元志作大剝牛。枯水深四公寸。）

鑽嘴灘（枯水深四公寸。河身大轉。）

王家埭灘（枯水深五公寸）

響水亮灘（枯水深二公寸。河底砂礫。河槽彌定。）

大沙壩灘（枯水深四公寸。河底多亂石。）

瓦窰灘（枯水深五公寸）

雙先子灘（略陽志作雙旋子。枯水深四公寸。河底多亂石。）

玄朝灘（略陽志作旋槽。廣元志玄槽。枯水深四公寸。河心有砂洲。河底多亂石。）

侯家坡（枯水深三公寸。左岸淤砂。河底砂礫。）

思角石灘（略陽志。席元志作鸚哥石。枯水深三公寸。河底多亂石。）

菜子壩（枯水深三公寸。河底砂細槽淺。）

娃娃渡（廣元志作娃娃灘。枯水深四公寸。河底多亂石。）

雷灘（枯水深五公寸。河底多大石。）

紅苕喜（枯水深四公寸）

西邊西灘（枯水深四公寸。河底卵石。）

東河著灘（略陽志作東澗撮。枯水深三公寸。河底多亂石。）

紅花灘（枯水深四公寸。河底卵石。）

高灘子灘（枯水深四公寸）

剪刀架灘（略陽志作剪刀背。枯水深三公寸。）

羊肉灘（枯水深四公寸。河底多亂石。）

宋潮灘（略陽志作送潮。廣元志作宋槽。左右有山溝。衝積塊石。）

黑水河口（多積石）

皮條灘（略陽志作皮條三。廣元志作琵琶三。枯水深四公寸。河底多亂石。）

青石背灘（枯水深五公寸。河牀變窄。左來山溝。積石爲患。）

墨河灘（右來山溝。積石爲患。）

斗堂子灘（略陽志作陡長子。廣元志作斗長子。枯水深四公寸。左岸平坦。中爲砂洲。）

瓦窰灘（枯水深三公寸。左溝積砂。）（節錄經濟部嘉陵江水道查勘報告）

自陽平關至對溪子（此段河牀多卵石。溝口積有塊石。以觀音灘最險。）

竈門子（險） 龍門寺（險） 石龍船（險） 竹園子 金鋼背（險）

小河口（陡） 石橋（險） 觀音灘（陡） 木槽灘（險） 二郎灘（陡）

涼水井（險） 長梁子（陡） 清灘廟（陡）（節錄廣元志稿）

下關灘（陽平關下里許。枯水深三公寸。上口砂底。下口卵石。）

青邊河灘（枯水深三公寸。右爲小河口。河底多卵石。）

龍門子灘（廣元志作龍門寺。龍門寺溝左來。積石爲患。）

唐家渡灘（枯水深三公寸。河身爲山阻向右。河底多亂石。）

耐門灘（枯水深三公寸）

青鋼背（廣元志作金鋼背。枯水深三公寸。灘下水流甚急。）

石溝里灘（枯水深三公寸。河底卵石。）

亂葬墳灘（枯水深三公寸。河底卵石。）

高覺龍門（河牀變窄。河底卵石。）

石雀會灘（廣元志作石橋。左山右灘。河身突東。）

觀音灘（枯水深五公寸。河身彎曲。中爲砂洲。河底大石。波高溜急。）

二郎灘（枯水深四公寸。河身急彎。洪水溜急。）

景水井灘（廣元志作涼水井。枯水深二公寸。水溜急。河底卵石。）

對鴨子灘（枯水深四公寸）（節錄經濟部嘉陵江水道查勘報告）

白對溪子至廣元縣城（此段兩岸山勢逼仄。峯巒層疊。水位漲落迅速。急流如矢。以大灘、橫梁子、愁背三灘最險。）

蔡伯灘（陡）大灘（惡）橫梁子（陡）黑崖子（陡）砂磧子（陡）立石子

籌筆灘（陡） 三灘（險） 苟家灘（險） 安樂灘 穿眼石灘 俞家灘

大壩灘 樓房灘 青桐灘 飛仙灘 冉家灘 磁磬灘

李子灘 北門灘 金堆石 梁家坎 五里堽 塔子灣

炭坪子（節錄廣元志稿）

對溪子（山溪積砂成灘。枯水淺阻。）

蔡百灘（廣元志作蔡伯。洪水水流不暢。砂石漸澱。積而成灘。枯水水落歸槽。中生砂

羊角礪（塊石淤塞。跌水急劇。）

大灘（水流湍急。勢如決口。）

橫樑子（廣元志作橫梁子。水流迅急。砂石形成漩渦。）

鉤藤子（山溪橫衝。砂灘平淺。）

沙溪子（廣元志作沙磧子。槽底塊石羅列。形同石椿。）

愁背（礁石多阻）

三灘（巨礁阻道。名癩肚子石。）

油房口（廣元志作樓房。砂灘連互。）

周家坪（砂灘連互）

青杠灘（廣元志作青桐。砂灘橫互。）

上下飛仙（廣元志作飛仙灘。石壁阻礙。成爲巨險。）

磁窰鋪（廣元志作磁窰。砂石沉積。）

千佛巖（砂石沉積。致成淺灘。）

李子灘（砂灘羅列。水分歧流。）

炭坪子（砂石沉積。著名淺灘。）（節錄經濟部嘉陵江上游報告）

蔡伯灘（河牀亂石。激溜成浪。）

羊角壩（河槽淺窄。水流激急。河底多亂石。）

大灘（河槽極淺。河底有門坎口。）

九井灘（近年險勢大減）

橫樑子（廣元志作橫梁子。上寬下狹。狀如漏斗。）

黑崖子（河寬水陡）

沙溪子（廣元志作砂磧子。河道淺險。底多亂石。）

鎌刀背（水流陡急）

立石子（河槽上寬下狹。水勢突高。下注急激。）

愁背（河漕最窄。洪水流勢變直。枯水水流彎曲。鄉諺云。愁背三灘不種田。桃木李瓜喫半年。還有半年沒得喫。就靠河灘打爛船。）

三灘（硬石成灘。水陡齊坎。）

癩肚子石（槽中巨石羅列。岸無緯道。）

狗家灘（廣元志作苟家。槽中巨石。名狗腦殼。）（節錄經濟部嘉陵江水道查勘報告）
自廣元縣城至昭化（此段山勢漸開。溜勢寬緩。以塔山灣、河灣、趙橋鋪、五佛崖、河口五灘最險。）

河灣灘 三清廟 石包灘 皂角鋪 毛壩灘 火炎灘 犁援灘 五佛崖

榆錢樹 油房灘 河口灘（節錄廣元志稿）

塔山灣（淺槽。左岸山麓。崖石橫陳。）

河灣灘（灣曲過陡。亂石砰磷。）

趙橋鋪（洪水砂石沉積過急。河道彌定。）

五佛崖（河道兩端狹隘。而中過寬。）

小河口（廣元志作河口灘。河道由狹轉寬。砂石沉積。）（節錄經濟部嘉陵江水道查勘報告）

自昭化至蒼溪（此段山巖環曲。亂石縱橫。氣壓倏變。風向彌定。以來佛、龍爪、散錢、挂溪、田子墓、哪叱、羣豬、青牛廟、竹灘、香溪、石碇口、葡萄壩十二灘最險。）

來佛灘 陷馬池 龍爪灘 簸箕灘 散錢灘 張匯灘

射箭河 立溪港 窄渡灘 蕭家灘 福興灘 平林壩

孤舟灘 斗漲灘 挂溪灘 紅崖寺 百花灘 田子墓

大仄灘 磨盤灘 張王廟 馬蹄灘 柳樹河 哪叱灘（險）

黃金口（險） 陶匯灘（險） 羣豬灘（險） 老君廟 浮金灘 邢家灘

磴子灘 三官灘 虎跳灘（險） 冬灘 青牛廟 玄口河

難留灘 竹灘 香溪 楊家灘 背風灘 釣兒嘴

散渡灘 龍門 陽溪灘 廂子石 焦崖子 鴛溪口

龍會灘 牛角壩 雜木灘 石鑼鍋 亭子口 乾溪子

小站河（即小浙河） 雙線子 葡萄壩 筲箕灘 槐樹壩

坐觀音灘 鶴子崖（節錄廣元志稿）

來佛寺（廣元志作來佛灘。當嘉陵江、白水。會流。回旋擊激。寺前峭壁。且多亂石。）

龍爪灣（廣元志作龍爪灘。崖高水狹。巨石排列。牛頭山陡轉橫阻。）

算錢灘（廣元志作散錢。灘上河道寬直。灘下狹曲。洪水時宣洩不暢。）

掛溪河（廣元志作挂溪灘。河道太陡。且多亂石。）

天子墓（廣元志作田子墓。急灣處山麓崖石突出。河道上寬下狹。）

哪叱灘（岸凹。巨石縱橫。且有淺灘。）

羣豬灘（右岸凹處。亂石縱橫。迫向左移。急溜亂流。）

青牛廟灘（下游山逼水窄。上游山開水闊。砂灘縱橫。水分歧流。橫流迴激。波浪特

八。枯水河道極淺。）

竹灘（彎曲過甚。水流擁拒。山麓亂石堆積。近年溜勢外移。危險較減。）

香溪（河彎過曲。左岸上首。山坡較緩。峭石一溜。勢成迴旋。下首又多亂石。）

石碓口（轉彎處。江中巨石屹立。水大溜急。）

葡萄礪（廣元志作葡萄埭。河面驟寬。砂石壅旋。）（節錄經濟部嘉陵江水道查勘報

告）

自蒼溪至閬中縣城（此段河道寬深。極不勻整。以柳林子、具崖子、較場壩、王壩、白溪、西門六灘最險。）

柳林子

青桐灘

孫家林

竹根灘

淘金灘

鵝石渡

北崖灘

瓦子灘

沙溝子

較場壩

王壩灘

白溪濠

西門灘（節錄廣元志稿）

柳林子（下首槽狹。上首特寬。）

具崖子（岸有亂石。波浪特大。）

較場壩灘（河面過寬。曲折太甚。）

忘八灘（廣元志作王壩。險與較場壩灘同。）

白溪浩（廣元志作白溪濠。彎勢陡轉。緊逼峭壁。山麓多亂石。）

西門灘（河面較寬。枯水槽淺。）（節錄經濟部嘉陵江水道查勘報告）

自閬中縣城至南部（此段河道寬深。極不勻整。以瑪瑙、華家壩、烏木、乾樹子、倒牽牛、老鴉六灘最險。）

李子灘

東河口

瑪瑙崖

二江寺

毛子灘

河溪關

磨兒灘

雙龍場

南津口

烏木灘

倒牽牛

鎮子石灘

貓兒井

銅關灘

老鴉灘（節錄廣元志稿）

馬羅崖灘（廣元志作瑪瑙崖。上寬下狹。砂灘沉積。）

華家壩（河面驟寬。河心砂灘高厚。逼水曲折。）

汚木灘（廣元志作烏木。險與華家壩同。）

乾樹子（險同）

倒牽牛（險同）

老鴉灘（陡轉處。山崖壁立。亂石縱橫。流急勢阻。溜逼峭壁。）（節錄經濟部嘉陵江水道查勘報告）

自南部至蓬安（此段河道寬深。極不勻整。以枇杷、豬尾掃、打鼓、小石鴨子、大石鴨子、深溝子、古墳、白頭、陡崖子、石梁沱十灘最險。）

枇杷灘

倒疲灘

謝家河

石板灘

盤龍驛

黃連灘

回龍寺

紅花集

蘆溪場

豬尾掃灘

打鼓灘

新鎮壩

犁頭觀（即離堆）馬矢孔

張家觀

石鴨子

深溝子

鼓捶灘

富利場

西江寺

白頭灘

王家場

陡崖子

石梁沱

簸箕灘

李子灘

金賢場

桐樹嶺

白鶴灘

沈家灘

牛毛灘（節錄廣元志稿）

琵琶灘（廣元志作枇杷。陡彎處。左岸漩渦急劇。右岸峭壁。）

豬泥哨（廣元志作豬尾掃。彎曲過陡。山下有鯉魚石。潛伏水底。）

打鼓灘（砂灘過厚。山麓多亂石。）

小石崖子（廣元志作石鴨子。河道乍寬。）

大石崖子（槽中亂石突起。中爲窄槽。）

深溝子（河道彎曲。砂石壅積。）

古墳灘（險同）

白頭灘（河道寬衍。流勢迴漩。）

陡崖子（峭壁崖石。左岸凹進過驟。河中砂灘。水分歧流。枯水船行中槽。陡降急轉。）

石樑沱（廣元志作石梁沱。中爲石梁所束。洪水波浪特大。）（節錄經濟部嘉陵江水道

查勘報告）

自蓬安至南充（此段河道寬深。極不勻整。以石驢子、楊家崖二灘最險。）

竹林溪

桌子角

罈子口

高峯寺

黎溪

金竹庵

楠木園

滿天星

望樹壩

獅子縫灘

石驢子灘

羅家場

藍家嘴

楊家崖

棺材灘

風儀場

磨壩場

蝦蟆石灘

喬家墳灘

龍門灘

老關廟灘

丁家岸

麻柳林

稀飯店

雙流石

小龍門

馬家灘（節錄廣元志稿）

石驢子（槽中亂石橫列。清咸豐間曾另鑿一槽。險象未減。）

楊家崖（山忽開展。河面寬衍。河道變易最速。）（節錄經濟部嘉陵江水道查勘報告）

自南充至武勝（此段水流平緩。河道彎曲。以私娃、牛腦殼、陸師磧、桑樹林、黃貓、白沙、內石坡、石馬脚、車朝停、上觀音、下觀音、連山灣、土地、張家、四眼照、螃蟹夾、伯灘、黃瓜園十八灘最險。）

私娃灘（河槽寬衍。水流紆曲。砂石沉積。）

牛腦殼（河道寬衍彎曲）

陸師磧（河槽乍寬，砂石沉積。）

桑樹林（河道寬衍。水流紆曲。）

黃貓灘（河道彎曲。上游槽寬。）

白沙灘（險同）

內石坡（河道寬衍。砂石沉積。枯水船沿右岸山麓行。甚爲淺險。）

石馬脚（中爲砂灘。水分歧流。甚爲急曲。中槽寬淺。邊槽窄深。河底有潛石烏木。）

車朝停（河槽驟寬。中爲砂洲沉積。水沿左岸。岸多潛石。）

上觀音（枯水水流逼岸下曲。槽窄有潛石。洪水槽內砂石。易損船底。）

下觀音（河槽曾積巨木爲患）

連山灣（河道彎曲。上游砂石沉積。）

土地灘（險同）

張家灘（河道寬衍。枯水流逼邊行。岸多亂石。）

四眼照（險同）

鱗蟹夾（左岸磐石伸入江中。形成曲槽。底有潛石。溜勢洶湧。）

伯灘（險同）

黃瓜園（河道彎曲。左岸爲磐石。）（節錄經濟部嘉陵江水道查勘報告）

自武勝至合川（此段水流平緩。河道彎曲。且多磐石。以犀牛子、蕭門、石門、楊柳磧四灘最險。）

犀牛子（河道彎曲。中爲砂灘。水分歧流。左岸邊槽極窄。亂石排列。）

蕭門（險與犀牛子同。中槽平淺。枯水斷流。邊槽甚窄。有巨石攔阻如門。）

石門（河向右轉。槽中磐石交錯。水流急曲。長一公里。枯水奔騰急轉。洪水磐石淹沒。波濤澎湃。）

楊柳磧（當嘉陵江、渠江會流。水流迴環。砂石沉積。砂水尤險。）（節錄經濟部嘉陵江水道查勘報告）

自合川至重慶市（此段河道寬衍。水流平緩。三峽多風。）

捲耳子

照鏡灘

鏗梁灘

駝門灘

二郎灘

大沱口

礎石灘

厲灘

飛纜子

北碛梁

大雞冠

紅砂磧（節錄巴縣舊志）

毛背沱

小雞冠

秤桿磧

蹇家梁

爛泥灣

黑羊石

撻靶石

豬兒石

第四章 航運

漢書地理志謂西漢水過郡四。行二千七百六十里。古今律度量衡不同。未可據也。南充志謂江之長爲千七百里。通航者千四百五十里。而漢中府志謂白水江至廣元長爲五百七十八里。今長江航政局謂廣元至重慶航線爲九百十有九里。計之爲千四百九十七里。而陝西水利季報謂白水江至對溪子長一百四十餘公里。嘉陵江工程處謂對溪子至重慶長八百又四公里。計之爲九百四十四公里。對溪子。川陝兩省分界處也。陝西水利局謂白水江至陽平關爲一百七十公里。陽平關至廣元爲一百六十公里。經濟部水道查勘報告謂江行川北。長達七百七十三公里。計之則爲千一百又三公里。數皆不吻合。蓋未實測耳。嘉陵江東源自略陽會白水江後。始通舟楫。合西源而水益暢。迨至合川。會渠涪之水。能航小汽船。水盛則汽船可上達南充。南充而上。不易行也。故多用木船。木船有扒尾、滾筒、燕尾、毛板、當歸、東河、渠河、中元棒、老鴉鑿之別。船之大者。長爲二四·三公尺。寬三·三公尺。載重七三公噸。喫水一六公寸。次者長一〇公尺。寬二公尺。載重八公噸。喫水七公寸。夏秋水泛。下行日二三百里。上行日三四十里。春冬水涸。下行日航百里。上行日四五十里。船無帆。上行以繆。繆爲竹製。貫入桅之鐵環。而人挽負之。視水流緩急。而別其巨細。以岸之遠近高下。而鐵環爲之升降。駕長軌

鼓。號令行止。下行則解桅爲前梢。置之船首。而伸於水。端附以木。木狀如刀。前後均衡。以梢端左右撥水。而定其所向。船後置橈。名曰後托。以助其舵。所謂上水看舵。下水看梢。停泊則以插竿。竿端爲鐵。植船首穴中。而下注於江。再以繩而繫於岸。以江多砂石。錨碇不易也。然廣元之上。峯迴水激。下行必放弔。一名弔灘。將船首逆上。隨水勢徐下。而以絳挽之。遇淺灘。則盤灘。一名搬灘。起船之所載。而以空舟下。過灘則重載以行。或水淺則分載數船。名曰提駁。至昭化會白水而後無阻。白水。古之羌水也。而白水江至廣元水位高低之差爲四公尺至七公尺。廣元至昭化高低之差。亦七公尺。昭化至蒼溪水高爲一二公尺。蒼溪至南充爲一一公尺。南充至合川。相差爲一四公尺至二〇公尺。水位相差既殊。故以中水爲最適。而巴舊志論航行之弊五。曰溜子。僞飾客人。以爲局騙。曰放礮。行至險灘。故撞船損。曰鑽槍。乘客熟眠。越貨而逸。曰擣頭。假名欠債。向客硬索。曰放飛。船泊荒灘。橈夫遁走。而其弊今猶未革也。附船式。

扒尾式（船腹大。頭寬。而尾狹小。突起尺許。）

滾筒式（船身闊狹。前後相等。尾有方形巨穴。）

燕尾式（船頭腹闊狹相等。尾稍狹。無穴。舵後尾部加篷。以作居室。故又名舵籠。）

毛板船（船身似扒尾。而尾似滾筒。）

當歸船（船頭尾闊狹相等。板用竹釘。以側板作橈。編草爲篷。以運甘肅碧口藥材得

名。)

東河船(船腹膨大。尾狹窄。且高三尺許。無舵。後用二橈。由東河駛出。故名。)

渠河船(船身闊。而尾漸狹。爲渠河一帶製。故名。)

中元棒(船身狹。而尾更狹。爲瀘縣製。)

老鴉鑿。(船身堅厚略狹。腹膨大。尾斜出水面。爲涪江一帶製。)

第五章 名勝

【石龍峽】一名夾龍江。在兩當縣南二里。兩山對峙。亭午見日。崖半有石昂出。狀如龍頭。故道水曲流其中。

【琵琶洲】一名枉渚。在兩當縣南三十里。嘉陵江中。洲渚紆回。人跡罕到。杜甫江上宅詩。「鷓鴣號枉渚。日色傍阡陌。」詩詳下編兩當章。

【魚關】宋改爲虞關。在徽縣鐵山西南麓。清一統志云。「在縣南五十里」。嘉陵江自魚關始通舟楫。唐置魚關驛。爲蜀口要道。

【新關白水路記】在略陽縣白水峽。路因白水江名。記爲宋雷簡夫撰。鑄山崖石壁。記云。「至和（仁宗）二年冬。利州路轉運使主客郎中李虞卿。以蜀道青泥嶺舊路高峻。請開白水路。自鳳州河池驛至長舉驛五十里有半。以便公私之行。嘉祐（仁宗）二年記。」畢氏關中金石記作雷簡安。稱「摩崖高一丈七寸。廣七尺二寸。二十六行。行三十七字。正書篆額。」

【鄜關頌】原刻在略陽縣西北二十五里臨江崖。俗名白崖。兩崖屹立。嘉陵江流經其左。漢建寧（靈帝）三年。太守李翕以水溢路阻。鑿石架木。爲鄜關棧道。以濟行旅。鑄碑以記厥功。今關廢。碑字爲舟子繚繚所毀。多不可識。頌云。「惟斯析里。處漢之右。谿源漂疾。橫

柱乎（清統志作于）道。涉秋霖漉。益溢滔涌。（清統志作深溝）濤波滂沛。激揚絕道。漢水逆壤。（清統志作瀼）稽滯商旅。路當二州。經用訖（借作佇）沮。沮縣（今略陽）士民。或給州府。休謁往還。恆失日晷。行理（通李）咨嗟。郡縣所苦。斯谿旣然。鄙陋尤甚。緣崖鑿石。處隱定柱。臨深長淵。三百餘丈。接木相連。號曰萬柱。過者慄慄。載乘而下。常車迎布。歲數千兩。遭遇隕納。人物俱墜。（通隋）沈復洪淵。酷烈爲禍。自古迄今。莫不創楚。於是太守漢陽阿陽（今靜寧）李君諱翁。字伯郡。以建寧三年二月辛巳到官。思惟惠利。有以綏濟。聞此爲難。其日久矣。嘉念高帝之開石門。元功不朽。乃俾（清統志作命）衡官椽下辨（今略陽）仇審。改解危殆。即便求隱。析里大橋。於今乃造。校致攻堅。結構工巧。雖昔魯斑。亦其儼象。又醇（古釋字）散關（古關字）之嶮潔。徙高陽之平燠。滅西〇之高閣。就安寧之石道。禹導江河。以靖四海。經記厥績。（通續）艾康萬里。臣〇〇勒石示後。乃作頌曰。上帝綏〇。降此惠君。克明俊德。允武允文。躬儉尙約。化流若神。愛氓如子。遐邇平均。精通皓穹。三納苻銀。所歷垂勳。香風有隣。仍致瑞應。豐稔年登。屬〇以樂。行人夷欣。慕君靡已。乃詠新詩曰。析里〇〇。川兌之間。高山崔嵬兮。水流蕩蕩。地旣培塿兮。與寇爲隣。西隴鼎峙兮。東〇析分。或失緒業兮。至於困貧。危危累卵兮。聖朝閔憐兮。〇析嶮兮。乃命是君。扶危救傾兮。全育子遺。劬勞日稷（釋文云晷）兮。惟惠勤勤。拯溺亨屯兮。瘡痍始起。閭閻充羸兮。百姓歡欣。僉曰太平兮。文翁復存。略陽志云。「碑修五尺一寸。

廣三尺五寸。文十二行。頌三行。詩四行。行二十七字。文第六行。第十二行。行十一字。頌第三行。行十八字。共四百七十二字。左下角缺四十字。右上角缺五十三字。中缺四字。清顯者二百四十餘字。」王氏金石萃編云。「李翕析里橋鄜閣頌。摩崖高七尺六寸。廣五尺五寸。二十行。行二十七字。隸書。」趙氏石墨鐫華云。「此碑相傳蔡邕書。碑中太守諱翕。今板本集古錄。皆作李會。或傳寫之誤。鄭樵略曰。李翕。與碑合。」朱氏雍州金石記云。「鄜閣舊在棧道中。頌摩崖石。在橋旁。今棧已徙他處。」又云。「集古錄作太守阿陽李君。今碑稱太守漢陽阿陽李君。當是集古錄脫漢陽二字耳。」宋理宗時。太守田克仁復重刻於靈崖寺石壁。修廣行數。概依舊式。

【靈崖寺】一名藥水巖。在略陽縣南七里。嘉陵江左岸。唐玄宗開元時建。元一統志云。「靈巖兩洞之間。有一泉西流入嘉陵江。上山約五里。又有一洞。謂之石乳洞。」方輿勝覽云。「南有二石洞。洞門有泉。能療疾。」寺內有司馬溫公忠清粹德碑額。靈崖敍別記。田克仁摹刻鄜閣頌三石。

【司馬溫公忠清粹德碑額】在略陽縣南靈崖寺。碑連額高四尺八寸。廣二尺八寸。額題哲宗皇帝御書六字。分書。字徑三寸。中六字。篆書。小字三行。中印御書之寶。畢氏關中金石記云。「忠清粹德之碑額。係元祐戊辰。哲宗於崇慶殿篆書。蓋司馬光神道碑也。詳見宋史本傳。李悉摹刻於沔州公麻耳。篆法精整。宋時所少見者。」

【靈崖敘別記】在略陽縣南靈崖寺。係克金兵紀功碑。李蒼壽撰。並真書。記云。「嘉定（寧宗）丁丑十二月二十有三日。金兵入寇關表。明年正月四川制置使寶謨閣學士臨川董公居誼進益昌（今昭化）督師。利州路安撫使節制軍馬。直徹猷閣古泮楊公九鼎。進屯河北。以三月十七日斬其元帥一。統軍七。俘獲甚衆。十日後。金以忿兵。自天水犯西河。董公進沔陽。不戰而退。尋犯大散關。舊山民州。皆以敗去。由是關表安堵如故。楊公還駐沔陽。董公復駐益昌。以六月十有四日。敘別於靈巖寺。」

【陽平關】在寧強縣西北九十里。清一統志云。「在寧光州西北一百里」。元和志云。「在金牛縣西三十八里」。關城東西徑二里。南倚雞公山。北傍嘉陵江。蜀漢景耀六年姜維聞鍾會治兵關中。表後主。並遣張翼廖化督諸軍。分護陽安、關口、陰平、橋頭。以防未然。關口。卽陽平關。北魏爲關城。古陽平關。卽白馬城。在今沔縣西。

【九井灘】一名空船灘。在廣元縣北籌筆驛下。清一統志云。「在廣元縣北一百八十里。舊有巨石。爲行舟患。」宋元祐五年轉運使陳鵬悉鑿平之。其記云。「九井灘有大石三。其名魚梁、龜堆、芒鞋嘴。危險參差。相望於波間。操舟之人。力不勝舟。輒爲石所觸。故底於敗。誠令絕江爲長堤。度其南。別爲河道。以分河水勢。則此流水益減。而石出矣。以火鍊醃沃。金鎚隨擊之。宜可去。如其言治之。明年三大石不復見。而九井遂平。」

【明月峽】一名朝天峽。在廣元縣朝天嶺下。清一統志云。「在廣元縣北八十里。江流所

」。

【飛仙閣】在廣元縣北飛仙嶺上。三面環江。峭壁千仞。清一統志云。「飛仙閣在廣元縣四十里。下臨碧潭。懸棧而行。若飛仙然。」明皇雜錄云。「唐玄宗在御苑射白鶴。一帶箭。斯時徐道士住此觀。持箭一枝。插於殿壁曰。俟箭主至此還之。後明皇幸蜀過此。見壁間。取視之。乃前御苑鶴所帶去者。故名其閣曰飛仙。」神異錄云。「天寶中。玄宗獵於沙。射孤鶴。鶴中箭西南而逝。益州有道觀道士徐佐卿自州來。謂弟子曰。吾爲飛矢所中。以掛於壁。俟箭主到此付之。後祿山之亂。明皇幸蜀。遊於觀。識其箭曰。此吾沙苑中射鶴箭。」杜甫詩云。「土門山行窄。微徑緣秋豪。棧雲闌干峻。梯石結構牢。萬壑欹疏林。積陰奔濤。寒日外淡泊。長風中怒號。歇鞍在海底。始覺所歷高。往來雜坐臥。人馬同疲勞。浮有定分。飢飽豈可逃。歎息謂妻子。我何隨汝曹。」楊慎詩云。「飛仙閣上元珠侶。千佛崖巴字水。夜來取水滌元珠。劍舞幽關鶴鳴壘。我家本是乘虛人。芒鞋初試杖藜春。振衣忽到風館。不傍桃花空問津。」鳳縣志謂閣在仙人關。寧羌志謂在寧羌西南三十里。土門道中。二統志又謂在劍州北。劍關半里許。俱誤。

【飛仙觀】清一統志云。「在廣元縣北二十五里江中。一山如筍。周圍浪湧。中通一線。達於觀。」

【千佛巖】嘉廣元縣北十里。嘉陵江北岸。清一統志云。「千佛巖。在江東岸。石崖陡

巖。其形如門。先是懸崖架木。作棧而行。唐時韋抗鑿石爲佛。遂成通衢。」韋抗。杜陵人。開元中刑部尚書。時官益州長史。居職清儉。不治產。及終。無資以葬。玄宗特給轎車。巖側有大雲寺。基址剝落。刻像猶存。廣元志稿云。「巖有唐碑二十七。五代碑五。宋碑二十六。元碑二十六。明碑八。無年號四十一。」今爲川陝公路所經。碑刻佛像。毀去幾半。

【石櫃閣】在廣元縣北千佛巖南。清一統志云。「在廣元縣北二十五里。」石壁峭拔。立閣如櫃。故名。宋真宗大中祥符九年嘉陵江漲。漂棧閣萬二千八百間。杜甫詩云。「季冬日已長。山晚半天赤。蜀道多早花。江間饒奇石。石櫃曾波上。臨虛蕩高壁。清暉回羣鷗。暝色帶遠客。羈棲負幽意。感歎向絕跡。信甘孱懦嬰。不獨凍餒迫。優游謝康樂。放浪陶彭澤。吾衰未自安。謝爾性所適。」

【皇澤寺】在廣元縣城西烏奴山巖下。清一統志云。「在廣元縣西。嘉陵江岸。」輿地紀勝云。「在州西告成門外。」寺刻武后石像。狀比邱尼。九域志云。「利州皇澤寺。有唐武后真容殿。武士驪爲利州都督。生后於此。」新唐書云。「武后之幼。袁天綱見其母曰。夫人。法當生貴子。乃見二子慶元爽。曰。官三品。保家主也。見韓國夫人。曰。此爲貴而不利夫。后最幼。姆抱以見。給以男。天綱視其步與目。驚曰。龍瞳鳳頸。極貴驗也。若爲女。當作天子。」

【桔柏渡】在昭化縣城東。清一統舊志云。「在縣東北三里。卽嘉陵白水二江合流處。」

方輿勝覽云。「度在昭化縣。今昭化驛有古柏。士人呼爲桔柏。」唐書云。「玄宗天寶十五年幸蜀。次益昌縣。（今昭化）渡桔柏江。雙魚夾舟而躍。從臣以爲龍。」又云。「廣明二年僖宗幸蜀。張惡子神見於利州桔柏津。」搜神記云。「僖宗封張亞子爲濟順王。親幸其廟。解劍贈神。」張亞子。卽張惡子。明崇禎十年流寇張獻忠命部將張虎徇廣昭之地。取男婦千餘人。殺於桔柏渡。每風雨夜。輒聞鬼哭。杜甫桔柏渡詩云。「青冥寒江渡。駕竹爲長橋。竿溼煙漠漠。江永風蕭蕭。連竿動嫋娜。征衣颯飄飄。急流鴛鴦散。絕岸龜鼈驕。西轅自茲異。東逝不可要。高通荆門路。闊會滄海潮。孤光隱顧盼。遊子悵寂寥。無以洗心胸。前登但山椒。」

【渡口關】在昭化縣城東。清一統志云。「在桔柏渡北。」入川關隘。皆依山爲險。惟此關恃嘉陵江。昭化志稱葭萌關。在昭化縣東桔柏津戰勝壩。疑卽渡口關。

【小錦屏山】一名少屏山。在蒼溪縣城南。嘉陵江岸。清一統志云。「在縣南一里。」臨江高峙。與閬中錦屏山相似。

【放船亭】在蒼溪縣西南。臨江渡右。清一統志云。「在縣東。臨嘉陵江。」杜甫自梓至閬。寓蒼溪。作放船詩。故名。詩云。「送客蒼溪縣。山寒雨不開。直騎愁馬滑。故作泛舟迴。青惜峯巒過。黃知橘柚來。江流大自在。坐穩興悠哉。」

【慈雲閣】在蒼溪縣西南。臨江渡。石閣巍然。左有大觀亭。

【華光樓】爲古鎮江樓。在閬中縣城東南江岸。建築壯麗。爲諸樓冠。

【錦屏山】卽閩山。在閩中縣南。嘉陵江南岸。輿地紀勝云。「又名寶案山。在縣南三里。」清一統志作「閩中山。在閩中縣南。」清一統舊志云。「在江南岸。兩峯連互。壁立如屏。」寰宇記云。「其山四合於郡。故曰閩中。」瀕江石壁斗絕。諸峯環繞。秀絕寰區。杜甫閩山歌云。「閩州城東靈山白。閩州城北玉臺碧。松浮欲盡不盡雲。江動將崩未崩石。那知根無鬼神會。已覺氣與嵩華敵。中原格鬪且未歸。應結茅齋看青壁。」陸游錦屏山謁少陵祠詩云。「城中飛閣連危亭。處處軒窗對錦屏。涉江親到錦屏上。卻望城郭如丹青。虛堂奉祠子杜子。眉宇高寒照江水。古來磨滅知幾人。此老至今元不死。山川寂寞客子迷。草木搖落壯士悲。文章垂世自一串。忠義懷懷令人思。夜歸沙頭雨如注。北風吹船橫半渡。亦知此老憤未平。萬竅爭號泄悲怒。」舊有祠。祀杜甫。陸游。今圯。

【龍爪灘】清一統志云。「在閩中縣南。嘉陵江中。」輿地紀勝云。「雍熙中。閩中光聖院山下。江中有龍爪灘出焉。未幾陳氏二元繼出。元豐中。大像山東北。江中又有灘生。里人亦以龍爪名之。元祐六年。馬涓果擢第一。」陳氏二元。爲陳堯叟昆季。

【離堆山】在南部縣東南八十里。新政壩對岸。明一統志云。「在縣東五十里」。清一統志云。「在縣東南。」輿地紀勝云。「離堆巖。在新政縣東。鑿腹爲巖。唐鮮于仲通與弟叔明潛修於此。」通志略云。「鮮于氏離堆記。在閩州。顏真卿書。」記云。「閩州之東百餘里。有縣曰新政。之南數十步。有山曰離堆。斗入嘉陵江。直上數百尺。形勝縮盡。欹壁峻巖。上

嶮而下迴淤。不與衆山相連屬。是之謂離堆。東面有石堂焉。卽故京兆尹鮮于君之所開鑿。堂有室。廣輪袤丈。蕭洞豁敞。虛聞江聲。徹見人羣。象人村川壩。若指諸掌。堂北盤石上。有九曲流杯池焉。懸源蟻猶噉噴鶴味。醜渠股引。迺坐環溜。若有良朋以傾醇酎。堂南茅齋焉。遊於斯。息於斯。聚賓友於斯。虛而來者實而歸。其齋壁間有詩焉。皆君舅著作郎從君。甥殿中侍御史嚴侁之等。美君考槃之所作也。其右有小石廬焉。亦可蔭而踐據焉。其竹桂柏冬青雜樹。皆徙他山而栽蒔焉。其上方有男宮觀焉。署之曰景福。君弟京兆尹叔明德一年十月。嘗在尙書司勳員外郎之所奉置也。君諱向。字仲通。以字行。漁陽人。卓爾堅毅。毅然抗直。易有之曰。篤實輝光。書不云乎。沈潛剛克。自高曾以降。世以雄才招徠賢。施舍不倦。至君繼緒。其流益光。弱冠以任俠自喜。尙未知名。乃慷慨發憤。於焉卜築。蒙學文。忘寢與食。不四載。展也大成。著作奇之。勗以賓薦。無何。以進士高第。驟登臺。天寶九載。以益州大都督府長史。兼御史中丞。持節劍南節度副大使。知節度事。劍南山西道探方處置使。入爲司農少卿。遂作京兆尹。以忤楊國忠。貶邵陽郡司馬。十二年秋八月。漢陽郡太守。冬十有一月。終於任所官舍。悲夫。雄圖未展。志業已空。葬於縣北。表耐先禮也。君之薨也。冢子光祿寺丞昱。匍匐迎喪。星夜泣血。自沔沔峽。湍險萬重。肩槁足。攀筇引舳。凡今幾年。轍塚在目。因心則至。豈無僮僕。曩昱之季。曰尙書都官員外郎。克篤前烈。永言孝思。懇承先志。及葬於茲。行道之人孰不跋。而眞卿猶子曰紘。從父兄。

故偃師丞春卿之子也。嘗尉閩中。君故舊不遺。與之有忘年之契。叔明、昱、昺。亦篤世親之歡。眞卿因之。又忝憲司之僚。亟與濟南蹇昂。奉以周旋。益著通家之好。君兄允南。以司封二郎中。弟允臧。以院御史。偕與叔明首末聯事。我是用飽君之故。乾元改號上元之歲。秋八月。哉生魄。猥自刑部侍郎。以言事忤旨。聖恩宥。貶貳於蓬州。(今蓬安)沿嘉陵而路出新政。適會某以兵曹取急歸親。遭我乎貴州之○。留游緝歡。信宿陘峴。感懷今昔。遂援翰而誌之。叔明時刺商州。昺又申掾京兆。不同躋陟。有恨何如。」記列山巖石壁。字徑三寸。歲久剝落。不堪摹揚。今可識者。僅數十字。巖有碑亭。已圯。碑目考云。「碑在廢新政縣離堆山下。歐陽集古錄云。碑以寶慶(肅宗)元年立於閩州。」又云。「碑傍有佛、老子、孔子像及二小記。大曆(代宗)中建。」

【顏魯公祠】清一統志云。「在南部縣離堆山。」宋元符三年縣令馬強叔慕公忠節。作祠堂於山側。唐庚爲之記。記云。「唐上元(肅宗)中顏魯公爲蓬州長史。過新政。作離堆記四百餘言。書而刻之石壁上。字徑三寸。雖崩壞剝裂之餘。而典型具在。使人見之懷然也。元符(哲宗)三年余友馬強叔來尹是邑。始爲公作祠堂於其側。而求文以爲記。」庚。字子西。眉州人。徽宗崇寧間知閩州。強叔。名存。字幼安。碑已剝蝕。強叔之上。遺一馬字。沒其姓氏。或誤爲強叔自作。

【石門】在蓬安縣。元一統志云。「蓬州東。江岸上。有石門石觜。橫截江心。長約百

丈。」今失。

【龍門峽】在南充縣龍門山。與西岸馮家寺龐家寨山絡銜接。砉然中斷。屹立如門。闊六七丈。石壁高十餘丈。嘉陵江經其中。風景清絕。楊慎詩云。「江干新雨晴。江纜新流上。缸頭轉雲峯。缸尾疊花浪。」云云。

【龍門寺】原名安福寺。在南充縣龍門鎮。宋代舊刹。楊慎戊寅九日龍門登高詩云。「江山盤踞千年地。風雨崔嵬八尺臺。搖落霜林秋籟發。參差雲蝶曉光開。四秋多阻張衡望。九辨堪興宋玉哀。望遠登高聊自遣。芳萸野菊漫相催。」

【青居山】一名黛玉山。在南充縣東三十里。清一統志作清居山。在南充縣南三十五里。輿地紀勝云。「在南充縣南四十里。上有三峯。下瞰四水。」巍然傑峙。宋淳祐中余玠嘗移順慶府治於此。余玠事詳下篇合川章。

【青居寺】即慈雲寺。在南充縣青居山。唐開元八年建。

【青居關】在南充縣青居山。嘉陵江濱。江水由前津至後津。凡三十餘里。兩關相距。不過百丈。

【江樓】一名會江樓。在合川縣城。清一統志云。「在合州治前。」輿地紀勝云。「下臨漢水。」范成大詩云。「井陘東山縣。山河古合州。木根擎斷岸。急雨洗江流。關下嘉陵水。沙頭杜老舟。江花應有在。無計會江樓。」

【照鏡石】在合川縣南龍洞沱。江中有負石。大小相負。如鏡在臺。輿地紀勝云。「有石屹立水心。正圓如月。其下嶄巖如雲氣。俗謂石鏡。」有字云。「大唐大曆十年三月三日。此石出時。兵甲息。黎庶歸。六氣調。五穀熟。」

【瀝鼻峽】原名謝女峽。一名牛鼻峽。在合川縣東嘉陵江濱。長約五里許。水流湍急。峽中有石洞似鼻。故名。

【鏤梁灘】在合川縣東瀝鼻峽口。江面闊六十餘丈。巨石橫亙江中。清知州張兌和、強望泰、張熙穀等。鑿平之。

【溫湯峽】原名東陽峽。一名溫泉峽。在北碚澄江鎮。距瀝鼻峽五十里。兩巖山巒。幽深秀削。古松虬蟠。

【溫泉寺】原名崇勝院。在北碚寶峯山溫湯峽。泉清澗。無磺氣。流繞方丈。至大雄殿前。匯爲大池。復轉迴廊。至山門而出。輿地紀勝云。「上有溫泉。自懸崖下湧出。騰沸如湯。」宋元豐時建。周敦頤詩云。「公程無暇日。暫得宿清幽。始覺空門客。不生浮世愁。溫泉噴古洞。晚磬度危樓。徹宵都忘寐。心疑在沃州。」寺側山麓有石佛十四尊。刻工栩栩如生。

【溫泉瀑布】在北碚溫泉公園內。乳花洞側。泉水四濺。

【觀音峽】在北碚東南。距溫湯峽十五里。兩巖石壁數仞。左有龍洞。高二丈許。深不可測。洞中泉水瀑瀉。三道分流。濺玉飛雪。直注江湍。三峽之中。此爲最險。蜀漢時鑿有扁

【觀音閣】在北碚觀音峽旁。憑欄俯視。風檣雲帆。過眼迷離。

【佛圖關】今名復興關。在重慶市西。清一統志云。「在巴縣西十里。卽李嚴欲鑿通汝濟江處。爲重慶要津。上有佛像。故名。」重慶三面抱江。陸路惟佛圖關一線。岷江自西南。嘉陵江自西北來。俱趨關下。登山脊而左右之。宛如束帶。誠爲咽喉也。壁間青石。雖亢經月。侵晨視之。猶津津涵潤。

【巖陰石】俗名沙帽石。在重慶市西牛角沱沙濱中。巨石斜竦。明天啓中。奢崇明陷重

。合州董盡倫帥鄉兵殉節。石上刻董公死難處五字。合川志稱董盡倫先世爲皖合肥人。

【豐年碑石刻】一名雍熙碑。亦名靈石。在重慶市朝天門嘉陵江水底石盤上。碑形天成。晉以來。皆有題刻。水涸極。始可得見。其宋刻分書云。「昭德晁公武休沐日。率單父張存、璧山馮時行、通泉李尙書、普慈馮樽。同觀晉唐金石刻。唯唐張孟所稱。光武時題識。不復見矣。惜哉。」晁公武事詳下編合川章。

第六章 文藝

【柳宗元江運記】唐憲宗元和時。興州（今略陽）刺史嚴礪。疏嘉陵江二百里。以通漕

運。宗元作江運記。記云。「御史大夫嚴公。牧於梁五年。嗣天子用周漢進律增秩之典。以親諸侯。謂公有功德理行。就加禮部尚書。於是西鄙之人。密以刊山導江之事。願刻崖石。曰。維梁之西。其蔽曰某山。其守曰興州。興州之西爲寇居。歲備亭障。實以精卒。以道之險隘。兵困於食。守用不固。公患之。曰。吾嘗爲興州。凡其土人之故。吾能知之。自長舉（今略陽）北至於青泥山。又西抵於成州。（今成縣）過栗亭川。踰寶井堡。崖谷峻險。十里百折。負重而上。若蹈利刃。盛秋水潦。窮冬雨雪。深泥積水。相輔爲害。顛踣騰藉。血流棧道。糗糧芻蕘。填谷委山。牛馬羣畜。相藉物故。連夫畢力。守卒延頸。嗷嗷之聲。其可哀也。若是綿三百里而餘。自長舉而西。可以導江而下。二百里而至。昔之人莫得知也。吾受命於君。而育斯人。其可已乎。乃出軍府之幣。以備器用。卽山斲工。由是轉巨石。仆大木。焚以炎火。沃以食醢。摧其堅剛。化爲灰燼。畚鍤之下。易甚朽壤。乃闢乃墾。乃宣乃理。隨山之曲直。以休人力。順地之高下。以殺湍悍。厥功旣成。咸如其素。於是決去壅土。疏導江濤。萬夫呼咻。莫不如志。雷騰雲奔。百里一瞬。旣會旣遠。談爲安流。烝徒謳歌。枕臥而至。戍人無

興。專力待寇。惟我公之功。曠可侔也。」

【楊三辰江河紀略】三辰。清徽州（今徽縣）知州。歷任隴右道。兼攝學政。治徽時。親歷嘉陵江上游。而作是紀。文云。「余躬歷河干。督船戶商販。獎勤儉惰。以考其成。起天門山（今屬兩當）下。乃嘉陵江源。絕壁北向。有石門如城門狀。卽俗稱鐵門後川云。山之陽。有黑水縣舊跡。四圍多大木。船料於此取辦焉。稍下。爲瓦窰溝。轉西爲屯田坪。山麓間土田。平衍可耕。有宋二吳將軍（吳玠吳璘）屯田舊跡。下爲五隻窰。關峽險隘。又下爲睡佛寺。梵刹莊麗。摺轉再四。始爲丁家堡。有居民數十家。往來祭江登舟處也。向北爲嚴洞灘。灘側山腰一洞。迺嚴姓修以避難者。溯流前進。爲合河口。河從北來。驟與江會。兩水合鬪。波濤洶湧。北河上流。徽東之永寧河也。發源於秦。一自新店窰。經百納峽。入永寧。是爲中股。一自狼娘壩。經關柴廟。歸入永寧。是爲左股。一自王家樓。透出墨山。經高橋下河。注於永寧。是爲右股。三水總匯永寧。浸成大河。迺克載空舟。下至合河口。益以嘉陵江水。厥勢雖大。暗石碁多。僅可載半重舟。稍前。河西有水。老官廟舊跡。因名老官灘。南爲渡口。水深而穩。兩岸之陰。多空隙。可壘窰。鵠鳥密集。是爲老鵠窩。對河北岸。爲雷神壩。淵澄水安。靠西兩。下交田家河口。一源發徽城東長峪溝。由東關偏斜射直西。與北來水合流一處。是謂左河襟。一發源頁水河。併凍青峽口銀杏鋪。射直西。與東峪水會。是謂右河襟。迨過石家峽。樓子崖。達於田家河。其間流疾多石。至此地平水寬。皆細沙矣。沙黃流濁。爲黃沙灘。行二

里許。亂石半埋半露。中央僅一窄溜。澎湃湍激。舟子一步不敢放鬆。至此重載盡卸。人皆岸行。謂之搬灘。其船又一行法。必轉頭向上。用纜扯綴。擦崖徐放。直至對河緩水。從頭再裝前進。沿江西岸。名倉頭坪者。坪在山巔。地坦而廣。宋吳將軍曾因坪建倉。對峙於南者。爲雀嘴崖。山峯孤削。形同雀嘴。蜿蜒綿互。爲巾子山。迺州城之縣山也。形類巾子。羣山仰承。如百體之載元首。山陰有廢縣。名長舉者。遺址尙存。山巔古跡元帝廟。明禮部尙書胡濙奉使訪張三丰。曾登其上。留有題咏。又名鐵山。詳載州志。東爲姚家灣。水頗平。岸多腴地。上著多姚姓。因以名灣。連村有小河。住有顯姓人。因名顯家河。而金竹林灣。許家壩。又皆就中錯處之灘場也。洊至剪子渠水。兩岔合來。緊窄多漩灘。惡石當門。復有巨石蹲踞似虎。少疏。則船不保。下此爲猴子灘。亂石碁布。狀類羣猴。舵師略不如意。舟每開架致漏。近前名響灘子。水淺多石。激撞之聲。彷彿雷吼。又有雙龍崖。傳昔雙龍鬪於上。土人就石壁刊龍以祀。至此俱舍船。從石棚扁磴。扳援牽扭而過。出澗。水平登舟。進爲蒸餅崖。其形孤圓轟聳。狀似蒸籠。其石層層如餅。下爲四方灘。各出細流。有四歸此。故名。西南爲大虞關。明初設駐巡檢衙舍廨宇猶存。挨關周圍。腴田宜棉。計百畝餘。昔爲巡檢贍地。因官缺居民多侵焉。轉角多山。緊束無路。爲下關門。西岸有山。折旋而上。爲羅漢洞。門邊有石。高可數丈。若從洞內掣出者。三寶莊嚴。兩排六尊。石像古甚。左右石壁。羅漢小像千計。內貯藏經全板。今櫃雖存。板僅十存五六耳。關門迤下。驚濤微殺。其灘爲泥窩子。多泥少石。舟

坦易。下達鷹嘴窰。窰上山形。灣曲下鉤。狀如鷹嘴。過此爲鐵爐灘。近灘山產鐵砂。距數
。爲仙人關峽。宋將吳玠吳璘破敵處也。東巖石壁高闊。排仙人三面。非塑非鑿。眉目鬚
。疏秀可數。有天然飄動之致。江流迅湍。舟之難行。更無踰於此者。前爲墨磊。石在江
。其色黑如墨。疑堆疑砌。遇有積雨衝突。石輒變更無定。諳水性者。因勢巧避。方保無
。若拘故道。每爲所懼。進爲鶉鴿崖。崖高無際。野鴿依棲。灘水較前易行。傍江石岸有斷
。知爲長舉縣故縣舊基。相連爲撥馬灘。昔長舉撥差馬於此地焉。出口。山勢稍展。西南半
。有洞。有泉。有聖像。相傳爲藥水龍王經文。列其別號。有疾者。禱取其水。飲之卽愈。
祈雨取水多應云。靠南山湖洄北向。爲大沙壩。流水積沙。進前則汪洋浩瀚。白水江也。經
佑侯廟前。北會小河口。合流西下。英佑侯。卽老官神也。江流漸平。亦漸深。糧船重載。
得大行焉。西經馬蹄灣。下歷置口。直灌略陽城右。置口上流。來自西流者。源出蟠家山。
長道川。合岷水由六港至小川子。達置口。來自階州者。派始白龍江。歷陽崖。合犀牛江。
交置口。總注略陽。又前白水江所稱小河口者。源發徽境西北。一自老白山。經立斗峪。包
峽。伏家鎮。卽在河池縣（今徽縣）有碑記。唐杜甫寓有祠在焉。河沂上下栗亭川。東南山
。注歸徽南之打火店。一自麋渚關經江洛鎮、鄭家峽、泥陽川、透橫川鎮折過山寨坡下。併
來河總匯。而入打火店。兩水既合。流亦甚巨。灘險者。舟不可行。」

【白居易嘉陵夜有懷詩】

「露溼牆花春意深。西廊月上半牀陰。憐君獨臥無言語。惟我知

君此夜心。不明不暗朦朧月。非暖非寒慢慢風。獨臥空牀好天氣。平明閒事到心中。」

【劉滄春日遊嘉陵江詩】

「獨泛扁舟映綠楊。嘉陵江水色蒼蒼。行看芳草故鄉遠。坐對落花春日長。曲岸迴橋移渡影。暮天栖鳥入山光。今來誰識春歸意。把酒閑吟思洛陽。」

【韋應物夜聽嘉陵江水寄深上人詩】

「鑿崖泄奔湍。稱古神禹迹。夜噴山門店。獨宿不安席。水性自云靜。石中本無聲。如何兩相激。雷轉空山驚。貽之道門舊。了此物我情。」

【薛逢嘉陵江詩】

「借問嘉陵江水湄。百川東去爾西之。但教清淺源流在。一路朝宗會有期。」

【楊慎出嘉陵江詩】

「嘉陵駛且長。千里如投梭。洋洋者綠水。觸石揚白波。逶迤似有情。相送出褒斜。雲氣接江腦。日色破浪花。冥冥下無極。疑是神龍家。垂藤飲猿猱。淵淪棲

陽阿。中有南行舟。遙遙通三巴。惜哉不可往。巨石劇狼牙。我欲饒安流。手中無莫邪。長歌

行路難。日暮猶天涯。」

【吳道子嘉陵江山水圖】

唐天寶中。道子奉敕馳驛繪寫嘉陵山水。寓南部縣羅積寺。明皇雜錄云。「天寶中。明皇思蜀道嘉陵江山水。假吳道子驛傳。令往寫貌。及回。帝問狀。奏曰。臣無粉本。並記在心。即令於大同殿圖之。嘉陵江三百餘里。一日而就。時李將軍山水擅名。亦畫大同殿。累月方就。帝曰。李思訓數月之功。吳道玄一日之力。各極其妙。」

下編

第一章 寶雞縣

第一節 沿革

秦置陳倉縣。魏縣。屬內史地。漢屬右扶風。後漢省魏縣。晉置蒯成縣。旋廢。後秦改置苑川縣。西魏廢苑川。復爲陳倉。隋因之。唐至德二載改陳倉爲寶雞縣。元和郡縣志謂陳倉山有寶雞之瑞。故名。屬關內道。宋屬鳳翔府。明清因之。民國初年屬陝西省關中道。今隸陝西省第九行政督察區。

第二節 疆域

【境界】東界岐山縣。西界甘肅天水縣。南界留壩縣。北界汧陽縣。東北界鳳翔縣。東南界佛坪縣。西北界隴縣。西南界鳳縣。

【縣城】唐至德間築。門三。東曰迎恩。西曰來遠。南曰解阜。清乾隆時增內外門六。

【鄉鎮】四鎮。一七鄉。一九九保。（縣城鎮。新市鎮。魏鎮。陽平鎮。硤石鄉。陳寶鄉。

長春鄉。蜀倉鄉。釣渭鄉。礮溪鄉。終南鄉。雞峯鄉。神農鄉。雲棧鄉。佛若鄉。金陵鄉。礮龍鄉。西坪鄉。馬跡鄉。泝水鄉。周原鄉。）

第三節 山川

【山谷】【益門山】 在縣南十五里。由此入益州。故曰益門。雍勝略云。「卽秦嶺北麓之峪山。」

【諸葛山】 在縣南十八里。爲諸葛亮屯兵處。形勢類五丈原。嘗掘得銅碑。刻風雨篆文。有武鄉侯諸葛亮製字。諸葛亮事詳下編劍閣章。

【石鼓山】 在縣東南十五里。明一統志云。「在縣東南二十里」。元和志云。「石形如鼓。其數有十。紀周宣王田獵之事。其文卽史籀之跡。」張懷瓘書斷云。「籀文者。周太史籀所作。與古文大篆小異。其跡有石鼓文。蓋諷宣王田獵之作。今在陳倉。李斯小篆。兼采其意。」朱彝尊云。「石鼓凡十。爲字四百六十有四。石鼓籀文。雖與大篆小異。然離鐘鼎款識未遠。其爲三代之物信矣。而諸家或疑之。十鼓尙缺一。皇祐間始得之。歐陽永叔見之最早。」石鼓原在陳倉。唐移鳳翔。宋徙開封。南渡後。金人昇至燕地。元置北平文廟戟門下。【陳倉山】 一名寶雞山。在縣東南七十里。明一統志云。「在縣南四十里」。元和志云。「在縣南十里。接梁鳳二州界。」三峯如削。陟巔必援鐵索而上。有石雞大如羊。

【秦嶺】 卽終南山脊。橫互縣南。西自秦鳳入界。東止岐山桃川。綿延一百九十里。三秦云。「秦嶺東起商洛。西盡汧隴。東西八百里。」魏略云。「諸葛亮於南鄭與羣下計議。魏曰。今假延精兵五千。負糧五千。直從褒中。出循秦嶺而東。當子午而北。不過十日。可到安。亮以懸危。故不用。」

【分水嶺】 在縣東南一百五十里。桃號二川交界。水從秦嶺分流。諸葛亮出師斜谷。曾駐於此。

【大散嶺】 在縣西南五十二里。胡三省通鑑注云。「嶺在梁泉縣松嶺堡南。」北魏改故道爲梁泉。卽今鳳縣。

【煎茶坪】 在縣西南六十五里。清一統志云。「在縣西南六十里」。清一統舊志云。「俗漢高帝由故道出。駐馬煎茶於此。」

【和尚原】 在縣南六十里。大散關之東。明一統志云。「在縣西南三十五里。」邊仰中。廣袤約有千畝。通考云。「和尚原。在大散關之東。距寶雞兩驛。過此則路徑散漫。無所隔。」中興四朝志云。「和尚原。鳳之東境。抵鳳翔不能百里。自兩當縣直出鳳州。取大散。距原縱咫尺。」宋史云。「紹興元年冬十月。金兀朮攻和尚原。吳玠及弟璘力戰。大敗。兀朮僅以身免。亟剔其鬚遁。」吳玠事詳下編鳳縣章。

【陳倉峪】 在縣東十五里。北阪中。前凸後凹。上倚高原。下臨峻坡。實天然營壘。傳韓

信屯兵於此。

【混元洞】在縣東七十里磨性山。爲邱處機丹房。

【飛昇洞】在縣東金臺觀。爲張三丰修真處。洞口有明成祖訪張三丰制書。並敕封碑。

【河流】嘉陵江 卽凍河。水經注稱兩當水。爲嘉陵江東源。源出秦嶺煎茶坪西南。逕爛泥池、長坪、大南溝、小南溝、東峪口、蔡家園、東河橋、黃牛堡。入鳳縣界。爛泥池。距東河橋約六十里。東河橋在川陝公路三五公里。黃牛堡在川陝公路四五公里。寶雞志云。「凍河發源麥澗谷南。谷在縣西七十里。明洪武初瑞麥出。劉基有瑞麥頌並序。」水經注云。「兩當水出陳倉縣之大散嶺。西南流入故道川。」方輿勝覽云。「嘉陵江源出大散關之西」。九域志云。「大散關西南有嘉陵谷。卽嘉陵水所出。自是方有嘉陵江之名。」按寶雞鳳縣。均無嘉陵谷。

【渭水】發源甘肅渭源縣鳥鼠山。西自仙靈峪流入縣境。東至朱家灘出縣界。

【清水河】一名陳倉水。在縣東南三十里。清一統志云。「在縣東南二十里。」流入渭水。

【磻溪河】在縣東南五十里。明一統志云。「在縣東南八十里。」通典云。「號縣有磻溪。太公釣處。」水經注云。「水出南山茲谷。東高激流。注於溪中。溪中有泉。謂之茲泉。泉水潭積。自成淵渚。卽呂氏春秋所謂太公釣茲泉也。今人謂之几谷。石壁深高。幽隍蓬密。

林障秀阻。人跡罕交。東南隅有一石室。蓋太公所居也。水次平石釣處。卽太公垂釣之所也。其投竿踞餌。兩鄰遺跡猶存。是有磻溪之稱也。其水清冷神異。北流十二里。注於渭。「太公之釣臺有三。一在河南新安城東。今去水數丈許。一在咸陽城西。土屹然不崩。一卽寶雞磻溪。太公之遇文王者。磻溪也。」

【號川】在縣東一百五十里。源出奧山。北流又折而西。逕進口關。流入鳳縣界。

【九龍泉】在縣南。姜氏城東。清一統志云。「在縣南六十里。泉出九眼。其水清冽。」

第四節 物產

小麥。(本草拾遺云。「小麥秋種夏熟。出關中者爲上品。」)花生。胡桃。天麻。(名醫錄云。「赤箭生陳倉川谷。」夢溪筆談云。「赤箭。卽今天麻苗。」)獨活。(金史地理志云。「鳳翔路產獨活。」通志云。「今寶雞貢。」)羌活。芎藭。升麻。秦艸。骨碎補。荆芥。薄荷。防風。蒼朮。柴胡。括樓。葛根。苦參。黨參。山藥。遠志。棉。燈草。席。藍靛。漆。蠟。菸。雉。兔。炭。煤。鐵。

第五節 交通

【鐵道】隴海路。東自江蘇連雲市。西迄甘肅蘭州。今車經寶雞。達甘肅天水。

【公路】一、川陝路。由成都達西安。自縣城至黃牛堡。計長五五公里。一、寶平路。由寶雞達甘肅平涼。自縣城至金陵鄉。計長一五公里。一、寶岐路。由寶雞至岐山。計長六三公里。一、號鳳路。由號鎮至鳳翔。計長二三公里。

【關梁】【大散關】一名散關。在大散嶺。元和志云。「散關在縣南五十二里。」章懷太子云。「散關故城。在今陳倉縣南十里。有散谷水。因取名焉。」唐書地理志云。「寶雞西南。有大散關。」通典云。「散關故城。在寶雞南。」方輿勝覽云。「關在梁泉極邊。爲秦蜀要路。」中興四朝志云。「大散關。屬梁泉縣。在寶雞縣南。爲秦蜀往來要道。兩山關控斗絕。出可以攻。入可以守。實表裏之形勢。」關面臨神岔。橫扼棧道。爲秦蜀咽喉。南山自藍田而西。至此方盡。又西則隴首特起。汧渭縈流。當山川之會。南北之交。北不得此。無以啓梁。南不得此。無以圖關中。後漢建武二年。延岑自河池下辨。引兵北入散關。至陳倉。漢中王嘉追擊。破之。蜀漢建興六年冬。諸葛亮復出散關。圍陳倉。糧盡退。魏將王雙率軍追亮。亮與戰。破之。斬雙。宋高宗建炎二年正月己酉。禁諸將引潰兵入蜀。置大散關使。以審驗之。紹興十二年八月。棄和尚原、方山原。（在隴縣西南）以大散關爲界。嘉定元年六月庚午。金人歸大散關。按關在漢唐時。屬寶雞縣。南宋與金人分界。屬鳳縣。元仍屬寶雞。今在川陝公路觀音堂下。一八、一九公里間。關已拆卸。僅山巖石壁。新鐫古大散關四字。李商隱

【二里關】在縣西南高嶺上。明史地理志云。「寶雞西南。有二里散關。」清一統志云。盤折互二里。故名。乃連雲棧往來必由之道。」

【黃牛堡】一作黃牛鋪。在縣西南一百里。清一統志云。「在縣西南一百八十里。」金徒合喜兵拒大散關。遊騎侵黃牛堡卽此。

【神岔】在縣西南三十五里。有上下神岔。宋紹興元年金人攻和尚原。吳玠設伏於神岔敗。

【凍河橋】一作東河橋。在縣西南煎茶坪南。

第六節 勝蹟

【陳倉故城】括地志云。「在縣東二十里。」元和志云。「有上下二城相連。上城秦文公下城魏將郝昭築。」

【石鼻城】在縣東四十里。諸葛亮築。以圍郝昭。方輿勝覽云。「寶雞有石鼻寨。行人自入蜀者。至此漸入山。自蜀趨洛者。至此漸出山。」唐僖宗光啓二年。田令孜劫上幸寶雞。禁兵守石鼻爲後拒。邠寧帥朱玫等引兵追乘輿。敗神策將楊晟於潘氏堡。鉦鼓聞於行宮。

【羽陽宮】清一統志云。「在縣東。」灑水燕談錄云。「秦武公作羽陽宮。在寶雞縣界。久不可究知其處。元祐六年正月直門縣之東權氏濬地。得古銅瓦。面上隱起四字。曰羽陽千

。篆字隨勢爲之。不取方正。始知爲羽陽舊址。其地北負高原。南臨渭水。前對羣峯。形勢壯。眞勝地也。」

【賈酒樓】在陳倉故城。清一統志云。「在縣東」。自唐至宋。屢罹兵燹。而此樓猶存。

【武成樓】清一統志云。「在縣東三十里武成鎮。宋時建。」

【祀雞臺】在縣東十七里官道北。清一統志云。「在縣東二十里。」明一統志云。「秦文立寶雞祠。築此臺祀之。」

【清風臺】清一統志云。「在縣南六十里。元邱處機築。」

【射箭臺】清一統志云。「在縣西南十里。元憲宗入蜀。嘗駐師於此較射。碑刻猶存。」

【陳寶祠】在縣東十五里。清一統志云。「在縣東二十里。久廢。」韋昭云。「祠在陳倉。寶而祀之。故曰陳寶。」史記云。「秦文公十九年得陳寶封禪書。作鄜時。後九年。文公若石云。於陳倉北阪城祠之。其神或歲不至。或歲數來也。」晉太康地志云。「秦文公時。倉人獵得獸若菴。不知名。牽以獻之。逢二童子。童子曰。此名爲媼。常在地中食死人腦。欲殺之。拍捶其首。媼亦語曰。二童子。名陳寶。得雄者王。得雌者霸。陳倉人乃逐二童。化爲雌雉。止陳倉北阪爲石。秦祀之。」

【太公廟】在磻溪。新唐書禮樂志云。「開元十九年。置太公尙父廟。以留侯張良配。」

【北興國寺】在縣東三十里。傳唐太宗爲秦王時。於此禱雨有應。因建寺。

【臥龍寺】在縣東二十一里。傳唐玄宗幸蜀宿此。唐書云。「玄宗天寶十五載六月丙申西。辛丑次陳倉。」

【大帳寺】在陽平鎮東二里。唐時建。

【佛巖寺】在縣西四十里。唐時巖裂出佛。遂建爲寺。

【東鐘樓寺】在陽平鎮街東。有宋太平興國五年碑。

【廣濟寺】在縣東南二十里馬營鎮。有宋熙寧八年牒。

【竹林寺】在縣東南一百里。宋政和乙未建。

【瓦峪寺】在縣南六里。宋時建。

【慶壽寺】在縣城西北一里。元大德五年建。

【然燈寺】在縣東南三十里。元至大時建。

【壽峯寺】在縣東一百里。元泰定四年建。

【青峯萬壽二禪院】一在青峯山上。一在青峯山下。後唐清泰中建。下院有宋建隆牒。

【佑德觀】原名天慶觀。金改今名。在縣城內。中有七星碑。宋時建。

【啓靈觀】在縣東南四十五里。爲邱處機避暑處。

【磻溪觀】元詔改成道宮。在縣東南五十里。清一統志云。「在縣東南六十里。」有天真

霞二洞。

【金臺觀】清一統志云。「在縣東北二里。」爲張三丰修道處。

【天主教堂】天主教會在城關。

【基督教堂】三。福音堂。真耶穌教堂。中華基督教會。俱在城關。

【清真寺】二。俱在城關龍泉巷。民國時建。

第七節 紀聞

【呂尙】周東海上人。其先爲四岳。佐禹平水土有功。後封於呂。姓姜氏。今從其封。故曰呂尙。釣於磻溪。而遇文王。

【徐敖】漢虢人。受尙書於胡常少子。受毛詩於解延年。敖後以授九江陳俠。由是言毛詩者。本之徐敖。

【薛景僊】唐陳倉令。後官戶部尙書。馬嵬之變。楊國忠妻子。及虢國夫人。走陳倉。景僊誅之。唐書后妃傳云。「馬嵬之難。虢國與楊國忠妻裴柔。奔陳倉。縣令率吏追之。棄馬走林。虢國先殺其子。並柔與其女。刺殺之。自剄不殊。」

【邱處機】元登州棲霞人。自號長春子。遊秦隴。戢志磻溪。日乞一食。行則一簑。人謂之一簑先生。及元太祖召問。答以節慾保躬。天道好生惡殺。

還。修煉金臺觀。洪武初復來。

【楊畏知】明寶雞人。唐王聞畏知抗賊。進授右僉都御史。巡撫雲南。孫可望以同鄉重之。畏知拒戰敗。投水不死。可望下馬慰之。畏知曰。當從我三事。一不得仍用僞西年號。二不得殺人。三不得焚廬舍、淫婦女。可望皆許諾。後與可望不協。除頭上冠。擊可望。遂被殺。明贈文淵閣大學士。諡忠烈。

第二章 鳳縣

第一節 沿革

秦置故道縣。屬隴西郡。漢屬武都郡。北魏改故道爲涼泉縣。尋改爲梁泉。復置南岐州。西魏改南岐州爲鳳州。隋廢鳳州。屬河池郡。唐復爲鳳州。析置黃花縣。後省。屬山南西道。宋屬秦鳳路。元屬興元路。省梁泉。明初屬鳳翔府。旋屬漢中府。洪武七年降州爲縣。清因之。民國初年屬陝西省漢中道。今隸陝西省第六行政督察區。

第二節 疆域

【境界】 東界寶雞縣。西界甘肅兩當縣。南界留壩縣。北界甘肅天水縣。西南界沔縣。
【縣城】 明嘉靖時。甃以磚石。門四。東曰拱辰。西曰秩成。南曰南岐。北曰望江。
【鄉鎮】 二鎮。五鄉。三六保。(鳳州鎮。雙石鎮。進口鄉。河口鄉。酒奠鄉。草涼鄉。唐藏鄉。)

第三節 山川

【山谷】【鳳凰山】一名鷲鷲山。在縣東三里。傳有鳳棲其上。

【御愛山】在縣東三十里。清一統志云。「在縣東北三十里。」方輿勝覽云。「在松陵堡側。」唐韋莊入蜀記云。「唐僖宗巡幸歷山下。愛翫不能去。因名。」

【馬嶺山】在縣西四十五里。清一統志云。「在縣西四十里。」交甘肅兩當縣界。故道水繞其下。

【豐禾山】在縣西方石鋪。孤峯獨峙。山西南隅爲故道小峪二河合流。

【南岐山】在縣南十里。上多長松。類數百年物。下有湫池。鳳縣與鳳翔爲鄰。周興。鳳鳴於岐。翺翔至南而集。方輿勝覽云。「西岐曰鳳翔。南岐曰鳳州。」

【豆積山】一名遜跡山。亦名虎腦巖。在縣北二里。方輿勝覽云。「在梁泉縣北一里。」唐張通玄奕棋處。鐵棋子尙存。

【黃牛寨山】在縣東北一百十里。宋吳玠部將楊從義。與金人撒離喝大戰於此。

【鳳嶺】在縣南二十里。連峯排列。如鳳舒翼。東接太白山老林。爲棧道最高險處。

【興趙原】清一統志云。「在縣東北。」方輿勝覽云。「紹興十二年。與金人分畫。乃割秦商之半。又棄和尚原、方山原。以大散關爲界。於關內則興趙原爲控扼之所。」大散關詳下

編寶雞章。

【酒奠凹】在縣西南四十里。傳漢高帝經此。以酒奠故名。

【河流】【嘉陵江】 卽故道水。一名故道河。亦名大散河。發源寶雞縣秦嶺煎茶坪西南。逕黃牛堡流入縣境。三岔河、黃花川注之。至縣城東。安河注之。流至方石鋪。小峪河注之。至甘肅兩當縣單河鋪。野羊東溝等河併注之。清一統志云。「故道水。在鳳縣北。自寶雞縣流入。又西南入甘肅秦州兩當縣界。」通志云。「故道水。源出大散嶺之陽。西南流鳳縣東。合黃花川。安河水。又西逕縣北一里。又西合紅崖水。入兩當界。」九域志云。「梁泉縣有嘉陵江。」方輿勝覽云。「嘉陵江去鳳州九十里。」

【三岔河】 一名三岔溝。源出縣北廟子梁。至黃牛堡。流入故道河。

【黃花川】 在縣東北。明一統志云。「在縣東北十里。」流入故道河。唐置黃花縣。因此川名。

【安河】 卽馬鞍水。在縣東。清一統志云。「在縣東二里。」源出夫子嶺。又西流。至縣城東。流入故道河。

【小峪河】 卽北川水。在縣西三十里。西南流。至方石鋪流入故道河。清一統志云。「小峪河。西南流合紅崖河。」

【紅崖河】 發源天水縣。南流至唐藏。合小峪河。流入故道河。

【野羊河】 發源留壩縣紫柏山。北流爲北野羊河。至廢邱關與東溝河合。西流入故道河。

【東溝河】 在縣南六十里。源出三岔驛。收東南各山水。逕廢邱關。合北野羊河。西北流

至甘肅兩當縣單河鋪。流入故道河。

【上下小河】在縣西南八十里。野羊東溝兩河在廢邱關合流後。又收酒奠溝水。至東岔溝。合三道河。至下小河合麻峪河、蜜蜂溝等水。至兩當縣流入故道河。

【香泉】清一統志云。「在縣北十五里。水自石孔中出。甘冽宜釀酒。」

【涼泉】清一統志云。「在縣西十里。西流入故道水。後魏以此名縣。」

第四節 物產

嘉魚。(山有石穴。口如巨甕。每歲春。魚自穴躍出。)胡桃。梨。花椒。黨參。石斛(寰宇記云。「鳳州產石斛。葛根。蓬累子。」)鹿茸。麝香。(寰宇記云。「鳳州出」。)油蠟子。(狀如蠟燭。取合接骨藥。)麻。(元和志云。「鳳州賦麻布」。)氈。漆。蠟。蜜。皮紙。菸。酒。桐油。柳。(方輿勝覽云。「鳳州出金絲柳。宋元豐時。有旨取百株。植禁中。」)府志云。「鳳州有柳手酒三絕名世。蓋唐時地近京畿。冠蓋往還。境內金絲柳最佳。手皆纖白。市多美醞。」)炭。煤。鐵。鹹。

第五節 交通

【公路】一、川陝路。自黃牛堡至駟馬橋。計長八二公里。一、華雙路。由雙石鋪達華

家嶺。自雙石鋪至何家坪。計長一〇公里。

【關梁】石門關 在縣東二十五里。有險要可守。

【清風關】 一名北星。在縣東一百里。唐僖宗曾駐蹕於此。

【廢邱關】 一名費邱關。清一統志云。「在縣南六十里。」

【棧道】 顏師古云。「棧道卽閣道。架木爲之。」輿程記云。「陝西棧道長四百二十里。

自鳳縣東北草涼驛爲入棧之始。南至褒城開山驛。路始平。爲出棧道之始。」明洪武二十五年因故址增修。約爲棧閣二千二百七十五間。統名曰連雲棧。自褒城東北十里。入連雲棧。直抵鳳縣斜谷七百里。昔張良燒絕所過棧道。曹操遮要以臨漢中。諸葛亮由斜谷取郿。皆此道也。古之陳倉道。自鳳縣西南百里。桑坪入口。至沔縣百丈坡出口。延亙二百餘里。荒寒難通。卽韓信所暗度者。雍大記云。「秦入蜀。有三谷四道。西南曰褒谷。南曰略谷。從洋入。東南曰斜谷。從郿入。從成、和、階、文出者。爲沓中陰平道。鄧艾伐蜀由之。從兩當出者。爲故道。漢高攻陳倉由之。從褒、鳳出者。爲今連雲棧道。漢王之南鄭由之。從城固、洋縣出者。爲斜略道。武侯屯渭上由之。此四道爲關南之險要。四道所出。鳳有其三。東南白雲進口關一帶。卽古之斜谷道。西南沔略交界鐵爐川一帶。卽古之陳倉道。東至黃牛堡。西南至南星。凡一百九十里。卽古之褒谷。」由寶雞經鳳縣至褒城爲連雲棧。一名北棧。由沔縣經寧強至劍關。爲入蜀棧道。一名南棧。楊慎出連雲棧詩云。「入關秦地盡。出棧蜀山長。樹迥風隨

馬。溪迴石作梁。鶯花春未老。湖海路初償。不盡平生意。先看是廟廊。」

第六節 勝蹟

【故道故城】清一統志云。「在縣西北。接兩當縣境。」蜀輜日記云。在草涼驛。方輿紀要謂卽今治城。漢書高帝紀云。「漢王引兵從故道出襲雍。」卽此。

【草涼樓】在縣東北七十里。清一統志云。「在縣東北六十里。」唐玄宗曾駐驛於此。

【思計臺】在縣南五里。蜀鑑云。「在城南。諸葛武侯登臺籌畫。因名。」

【雙石】在方石鋪。一石雙峯。故方石鋪一名雙石鋪。

【洪利寺】在縣城太白廟後。唐大曆十三年建。明洪武間修。今廢。

【聖德寺】在縣東六里。唐貞元中建。有梁肅書碑。今失。

【基督教堂】福音堂在縣城內。

【清真寺】三。一在縣城太白廟巷。清康熙十三年建。嘉慶間續修。一在唐藏。光緒三十年建。一在進口關。民國時建。

第七節 紀聞

【張果】唐時人。冬居鸞鷲。夏居豆積。潛確類書稱果隱中條山。

【邵康節】名雍。宋范陽人。徙居河南。嘗客鳳三月。賦詩云。「鳳州十二大峯崇。峙立嵯峨宇宙中。不與巫山高下論。敢同四嶽列羣雄。」

【程响】宋河南人。明道先生父。仁宗時。知鳳州。任政慈恕。鳳當蜀漢之衝。輶傳旁午。守者相承。務豐廚傳。主吏多破產。公裁減幾半。曰。是足以爲禮。未爲薄也。會漢中不稔。饑民自褒斜谷出。公於路口爲米粥待之。所濟甚衆。

【吳玠】字晉卿。宋隴干人。少沈毅有志節。知兵善騎射。建炎中。任鳳州制置使。紹興三年。授秦鳳路經略安撫使。時兵火之餘。玠勞來安集。民賴以生。金兀朮會諸道兵十餘萬。造浮梁跨渭。自寶鷄結連珠營。攻和尚原。玠命諸將選勁弓強弩。分番迭射。以奇兵絕其糧道。設伏縱擊。大敗之。四年。敵復大入。攻仙人關。玠又敗之。金人自是不敢動。玠善讀史。凡往事可師者。錄置左右。用兵本孫吳。務遠略。不求近利。故能保必勝。御下嚴而有恩。故士樂爲之死。卒贈少師。謚武安。追封涪王。

【吳璘】玠之弟。字唐卿。秦鳳路經略。西路安撫使。時和議方堅。璘治軍經武。常如敵至。璘專守原。及兀朮大入。以死守之。敵陣分合三十餘。璘隨機而應。至神岔伏發。兀朮中流矢遁。紹興四年。金兵十萬至仙人關下。璘血戰連日。金兵大敗。自是不敢窺蜀。卒。追封信王。

【楊政】字直夫。宋原州臨涇人。父忠戰沒。政甫七歲。哀毀如成人。由隴州團練使。選

知鳳州。紹興初。大破金兵於箭筈關。拒金人於仙人關。連日百餘戰。敵遂遁去。會金人淪盟。政爲都統制。凡大戰七。斬獲甚多。累拜太尉。卒諡襄毅。政守漢中十八年。凡利於民者。不敢以軍旅廢。故爲吳璘裨將。及與璘分道建帥。執門下之禮益恭。世頗賢之。母賢。留敵境。間遣人省視。惟勉以忠義。和議成。始得迎歸。詔封感義郡夫人。

【張珪】字尹玉。宋鳳州人。年十八。從軍釣魚山。以戰功。累官中軍都統制。號虜將。賈祐末。元兵圍合州。珪與王堅協力戰守。攻九月不能下。饗典赤提兵出合州城。珪礎毋斷江中爲水城。元兵數萬。攻之不克。遂引去。珪外以兵護耕。內教民墾田積粟。再期公私兼足。德祐初。升四川制置使。加少保。徵兵入衛。蜀道斷不能達。明年復瀘州。趙定應迎珪。入會軍慶爲置制使。珪聞二王立廣中。遣兵數百人。趨王所求援。不至。遣張萬入夔。連忠涪。拔石門。及巴巫十八砦。獲將士百餘人。解大寧圍。至元間。元兵破紹慶。(今彭水縣)執守將。珪兵大潰。城中糧盡。或說珪降。不聽。率兵巷戰。不支。求死不得。與萬戶特本爾遇。被執。至安西趙老庵。解弓自縊。從者焚其骨。以瓦缶葬之死所。珪魁雄有謀。善用兵。出奇設伏。算無遺策。士卒必練。器械必精。治部曲有法。有功雖奴隸必賞。有過雖至親必罰。以故人人用命。餘詳下編合川章。

第三章 兩當縣

第一節 沿革

漢爲故道縣。屬武都郡。北魏置兩當縣。屬兩當郡。隋屬河池郡。唐屬鳳州。宋因之。元屬徽州。明洪武十年省入徽州。旋復置。屬徽州。清屬秦州。民國初年屬甘肅省渭川道。今隸甘肅省第四行政督察區。

第二節 疆域

【境界】 東界陝西鳳縣。西界徽縣。南界陝西沔縣。北界天水縣。西南界陝西略陽縣。
【縣城】 明洪武初築土城。建東西二門。成化時。增南北二門。隆慶初。修築月城。
【鄉鎮】 二鎮。四鄉。三九保。（廣鄉鎮。故道鎮。顯龍鄉。龍潭鄉。吳郁鄉。雲峽鄉。）

第三節 山川

【山谷】【鷲鷲山】 一名鳳凰山。在縣東十五里。元和志云。「在縣西二十里。」兩峯聳

秀。一名南岐。一名來儀。

【石鏡山】 在縣東二十里。峯石晶瑩。日出光彩照人。上透大孔。望之空明若鏡。

【紅崖山】 在縣東三十里。寰宇記作「燧崖山。在黃花故縣西北四十五里。」崖色純赤。故名。

【天門山】 在縣南六十里。清一統志云。「在縣南五十里。」懸崖有石如門。宛具開闔。

【故道山】 在縣東南二十里。

【秦岡山】 在縣西南六十里。山高入雲。懸崖列壁。

【魚洞】 在縣東四十里馮家寨。每歲暮春。有魚自洞湧出。

【河流】【嘉陵江】 卽兩當水。一名故道水。在縣南三十里。自陝西鳳縣流入縣境。尙婆水

兩注之。磬水南注之。野羊河會東溝河注之。上下小河注之。又西南入徽縣界。清一統志云。「故道水在兩當縣南。自漢中府鳳縣流經縣南。」

【尙婆水】 在縣西。元和志云。「今名石磬水。水多磬石。因名。俗語音訛。故名尙婆。

以中有烏羣飛。二月從北向南。八月從南還北。音如簫管。俗云伎兒鳥。春來則種麥。秋去則種麥。人常以爲農候。」西南至秦岡山。流入嘉陵江。

【磬水】 在縣南七里。南流入嘉陵江。

【野羊河】 卽斜陽河。在縣東北六十里。自陝西鳳縣。逕青扛峽。西流合東溝河。流入嘉

陵江。

【東溝河】即重石河。在縣東南六十里。自陝西鳳縣廢邱關。合野羊河。入縣境。流入嘉

陵江。

【上下小水】發源於陝西鳳縣。逕縣境流入嘉陵江。

【靈應泉】俗名旱澇泉。在縣南七里。出山坳石眼中。旱澇祈禱輒應。宋時邑令有碑記。

碑石光瑩照物。

【石龍峽】在縣南二里。詳上編名勝章。

【琵琶洲】在縣南三十里。詳上編名勝章。

第四節 物產

嘉魚。胡桃。黨參。秦椒。茜草。芍藥。括樓。蒼朮。豬苓。棉。漆。蠟。蜜。紙。煤。砂金。銀。(唐書地理志云。「兩當有銀。」寰宇記云。「兩當有銀冶。」)鐵。硝。

第五節 交通

【公路】華雙路。自馬陵關橋至西塘。計長七〇公里。

【關梁】【黃花驛】廣輿記云。「兩當縣有黃花驛」。薛逢詩云。「孤戍迢迢蜀路長。鳥鳴

館客思鄉。更看絕頂煙霞外。數樹巖花照夕陽。」

第六節 勝蹟

【兩當故城】在縣東三十里。元和志云。「本漢故道縣地。因縣界兩當水爲名。或云。縣界有兩山相當。因名。」方輿勝覽云。「縣有兩當驛。東抵汴京。西抵益州。皆三十六程。曰兩當。」

【紅崖寺】在縣東三十里紅崖山。

【集休觀】清一統志云。「在縣東二十里。登真洞旁。宋時建。」

【基督教堂】中華基督教會。在縣城內。

【清真寺】二。一在縣城西關外。清光緒初年建。一在顯龍鄉。民國時建。

第七節 紀聞

【杜甫】字子美。唐襄陽人。膳部郎審言孫。至德乾元間。以拾遺出爲華州司功。屬關輔。輒棄官去秦州。卜居西枝村。已而去之。寓同谷縣。隨復去之。道兩當嘉陵江上。寓吳侍宅。侍御名郁。兩當人。善書法。字體綿密。不謝當時。以直言被謫長沙。子美懷之。作江宅詩。「寒城朝煙淡。山谷落葉赤。陰風千里來。吹汝江上宅。鷓鴣號枉渚。日色傍阡陌。」

佷間持斧翁。幾年長沙客。哀哀失木狢。矯矯避弓鬪。亦如故鄉樂。未敢思宿昔。昔在鳳翔邨。共通金閨籍。天子猶蒙塵。東郊暗長戟。兵家忌間牒。此輩常接跡。臺中領舉劾。君必慎剖析。不忍殺無辜。所以分白黑。上官權許與。失意見遷斥。仲尼甘旅人。向子識損益。朝廷非不知。閉口休歎息。余時忝諍臣。丹陛實咫尺。相看受狼狽。至死難寒責。行邁心多違。出門無與適。於公負明義。惆悵頭更白。一餘詳下編閩中章。

【文彥博】字寬夫。宋時人。徽時寓兩當。設教郇氏家。

【趙鼎】宋聞喜人。徽宗時爲兩當尉。自筮仕時。立志遠大。後入相。

【羅世錦】字煥宇。明兩當人。天啓進士。授臨淄令。調蓬萊。治行卓卓。擢監察御史。代巡山右。興利除弊。崇禎甲申及難。

【楊生祿】清兩當回教人。家貧。事母至孝。同治元年。洪楊部屬郭三綱陷兩當。居民多逼屠殺。生祿負母避匿。爲郭追及。詢其爲孝子。釋之。并令其部曲。不得侵犯。

第四章 徽縣

第一節 沿革

漢置河池縣。屬武都郡。晉因之。北魏改河池爲廣化縣。西魏置思安縣。隋仍改廣化爲河池。省思安。唐屬鳳州。宋因之。元初屬南鳳州。又置永寧縣。旋省。至元元年改爲徽州。屬鞏昌路。明屬鞏昌府。清雍正七年。降州爲縣。屬秦州。民國初年屬甘肅省渭川道。今隸甘肅省第四行政督察區。

第二節 疆域

【境界】 東界兩當縣。西界成縣。南界陝西略陽縣。北界天水縣。西北界西和縣、禮縣。
【縣城】 明嘉靖間。以磚甃。門四。東曰羣峯聳秀。西曰河池古治。南曰鐵山棧道。北曰襜連秦鳳。

【鄉鎮】 九鎮。八鄉。一七四保。(一民鎮。永寧鎮。硤門鎮。榆樹鎮。伏家鎮。泥陽鎮。江洛鎮。麻沿鎮。大門鎮。泰山鄉。嘉陵鄉。大河鄉。石柱鄉。栗亭鄉。協和鄉。天成鄉。龍

池鄉。)

第三節 山川

【山谷】【兌山】一名朝陽山。在縣西四十里。上有朝陽洞。

【鐵山】一名巾子山。在縣南四十里。清一統志云。「在縣南三十里」。雙峯卓起。懸壁萬仞。時出雲雨。石色似鐵。宋吳玠吳玘曾築壘於此。金人鑿石開道而下。不能攻。劉子羽稱蜀口有鐵山棧道之隘。卽此。吳玠吳玘事詳下編鳳縣章。

【鐘樓山】一名吳山。在縣城東北。清一統志云。「在縣城內」。宋吳玠墓在山巔。玠墓爲清嘉慶時徵縣知縣訪得。碑臨巖上。命石工修復。並將原碑改鑿。

【天池山】在縣東北九十里。清一統志云。「在縣東七十里」。上有天池。

【雞冠山】在縣東南六十里。清一統志云。「在縣西北五十里」。岡巒峻險。綿亙十餘里。土宜陶冶。

【方山】在縣西北一百十里。清一統志云。「在縣西北四十里」。黃洛關下。東聯江洛諸峯。縣志誤爲方山原。

【地壩山】一名蘭山。在縣西南六十里。突兀高峯。雲煙萬疊。爲西南屏障。

【青泥嶺】在縣東南二十五里。清一統志云。「在縣南」。其南最高峯。爲巾子嶺支山。

元和志云。「在接溪山東。懸崖萬仞。上多雲雨。唐時爲入蜀要路。行者屢逢泥淖。故名。」
李太白經此。以房琯杜甫在嚴武幕。爲之危懼。作蜀道難詩。以狀險峻。詩云。「噫吁戲。危乎高哉。蜀道之難。難於上青天。蠶叢及魚鳧。開國何茫然。爾來四萬八千歲。不與秦塞通人煙。西當太白有鳥道。可以橫絕峨眉巔。地崩山摧壯士死。然後天梯石棧相鉤連。上有六龍迴日之高標。下有衝波逆折之回川。黃鶴之飛。尙不得過。猿猱欲度愁攀援。青泥何盤盤。百步九折縈巖巒。捫參仰脅息。以手撫膺坐長嘆。問君西遊何時還。畏途巖巖不可攀。但見悲鳥號古木。雄飛雌從繞林間。又聞子規啼。夜月愁空山。蜀道之難。難於上青天。使人聽此凋朱顏。連峯去天不盈尺。枯松倒挂倚絕壁。飛湍瀑流爭喧豗。砢崖轉石萬壑雷。其險也如此。嗟爾遠道之人。胡爲乎來哉。劍閣崢嶸而崔嵬。一夫當關。萬夫莫開。所守或非親。化爲狼與豺。朝避猛虎。夕避長蛇。磨牙吮血。殺人如麻。錦城雖云樂。不如早還家。蜀道之難。難於上青天。側身西望長咨嗟。」方孝孺反其意。作蜀道易詩云。「至險不在山與水。只在國政與人心。」云云。

【木皮嶺】一名柳樹崖。在縣西南三十里。方輿勝覽云。「在河池縣西十里。杜甫發同谷。取路栗亭。南入郡界。歷當房村。度木皮嶺。」杜甫詩云。「首路栗亭西。尙想鳳凰村。季冬搆童稚。辛苦赴蜀門。南登木皮嶺。艱險不易論。汗流被我體。祁寒爲之暄。遠岫爭輔佐。千巖自崩奔。始知五嶽外。別有他山尊。仰干塞大明。俯入裂厚坤。再聞虎豹鬪。屢踞風

水昏。高有廢閣道。攓折如短轅。下有冬青林。石上走長根。西崖特秀發。煥若靈芝繁。潤聚金碧氣。清無沙土痕。憶觀崑崙圖。目擊玄圃存。對此欲何適。默傷垂老魂。」

【勝金坪】 一名殺金坪。在魚關西七里。清一統志云。「在縣東南六十里。上有仙人關。」金人犯仙人關。吳玠豫爲關壘。曰勝金坪。嚴陣以待。

【羅漢洞】 在縣南五十里。魚關西山。自青泥嶺盤折西南。至此崖壁臨江。有棧道攀援而上。洞幽深宏敞。左右壁有大小羅漢五百餘尊。

【真空洞】 在縣東北六十五里。江口川北。山石嶒峻。茂樹鬱葱。洞中藏鐵佛三十有二。今失其一。懸崖佛像。殆以百數。

【金蓮洞】 在縣西南七十里。崖高數十丈。明胡濙奉命訪張三丰於此。

【河流】【嘉陵江】 在縣南五十里。自兩當縣南逾天門山。流入縣境。折西行。至合河口。會北來永寧河。又西會田家河。逕魚關、仙人關。折而南流。入陝西路陽縣界。清一統舊志云。「嘉陵江在徽州南七十里。」輿地紀勝圖經云。「嘉陵江至魚關始通舟楫。」

【永寧河】 卽河池水。在縣東四十里。有三源。一自天池山逕新店窰。白納峽。西南流。一自天水娘娘壩逕蘭柴廟東南流。一自王家樓逕高橋下河。至韓家灣三源始會流。又合甘溝、香山溝、細流入江口川。南流逕銀春崖。繞永寧故城。又南流三十里。至合河口。流入嘉陵江。

【田家河】在縣東南三十里。有二源。一自長峪溝。由縣東關與北來水會。爲縣東河。一自水河合凍青峽、銀杏樹細流。至縣西關。與東來水合流。爲縣西河。會流後。又折東南。逕石家峽、樓子崖。南流入嘉陵江。

【白水江】卽濁水。在縣西南五十里。發源成縣。至下店西。栗亭橫川兩水合流。東行里折而南。達李家河、石渚峪。有細流注之。入山口。逕木皮嶺、地壩山左麓。繞大河堡。折東南。流入陝西略陽縣界。清一統志云。「濁水在徽縣西南。自成縣流入。又東南入略陽界。卽今白水江也。」又云。「濁水。在成縣東。東南流入徽縣界。亦謂之白水。」清一統志云。「成縣南河在縣南。一名下排水。源出青渠堡。東流會東河入龍峽。又東南至徽縣。卽濁水也。」

【栗亭川】清一統志作栗亭河。九域志云。「栗亭川。卽濁水。」在縣西三十里。源出延子。至立斗峪。有松樹盤細流注之。逕包家峽、剡家關。有東北細流注之。環繞伏家鎮東。南二十里。至下店鎮西南。與橫川河合。逕大河堡。流入白水江。

【橫川】在縣西四十里。發源天水谷。北流入縣境西北聚渚關。逕麻沿鎮、鄧家峽、泥陽。又南逕成縣四條嶺。始折而東。至橫川鎮。又東入縣境。過山寨坡。與北來栗亭川合。逕河堡。流入白水江。

【思義川】卽泉街水。在縣東南六十里。嘉陵江南。其流甚微。由石關峽流入沮水。

第四節 物產

玉蜀麥。(一名御麥。亦名番米。)椒。芍藥。豬苓。茜草。金銀花。括樓。當歸。柴胡。紅花。棉。布。絲。麻。氈。靛。蠟。蜜。紙。枸紙。酒。酒精。皮革。煤。紫銅。鉛。鐵。鐵鍋。

第五節 交通

【公路】一、華雙路。自杏樹壩至田家壩。計長一四二公里。一、雙白路。由縣城至白水江。計長三六公里。

【關梁】【魚關】在鐵山西南麓。詳上編名勝章。

【仙人關】在魚關西十里東崖。清一統志云。「在縣東南六十里。接陝西漢中府鳳縣界。」明一統志云。「關外分左右道。自成州經天水出阜郊堡。直抵秦州。其地皆平衍。此左出之路。自兩當趨鳳州。直出鳳翔大散關。至和尚原。此右出之路。」中興四朝志云。「和尚原。鳳之東境。抵鳳翔不百里。仙人關。興之東境。距利州纔七驛。自利抵劍閣。百里而贏。倘棄和尚原。而退守仙人關。則蜀之險要。所失過半。敵得和尚原。或自梁、洋經棗倉山入巴、閬。或自均、房由達州山路入夔峽。或直攻仙人關。勢分形散。所備皆急。一處破壞。則

在處震動矣。」宋紹興三年吳玠棄和尚原。別於仙人關右。創築一壘。移兵守之。四年金兀朮自鐵山來攻仙人關。玠力戰敗之。自是金人不復窺蜀。石壁高關。關門鑄建自紹興二十二年數字。略陽志誤爲紹熙。紹熙爲宋光宗年號。在位僅五年。

【雞關隘】在雞冠山之陽。宋曹友聞兄弟戍兵於此。

【青泥驛】在青泥嶺下。唐與魚關同置驛。宋廢。元稹詩云。「昔游蜀關下。有驛名青泥。問名意悽愴。若墮牢與狴。」

第六節 勝蹟

【河池故城】在縣西十五里銀杏鎮。後改爲河池驛。前漢書地理志云。「武帝元鼎六年置武都郡。領縣九。武都。（清爲階州。今爲武都縣。）上祿。（今成縣）故道。（今鳳縣。兩當縣。）河池。（今徽縣）平樂道。（今武都縣）沮。（今略陽縣）嘉陵道。（今禮縣）循成道。（今成縣）下辨道。（今成縣）」

【杜甫釣臺】在縣西三十里。山砦坡元觀峽內。唐乾元中。甫居同谷。過栗亭。垂釣於此。逾河五里。有杜公祠。

【忠烈祠】在縣城北集。宋紹興十二年爲吳玠吳玠建立生祠。

【玉皇閣】在鐵山。宋淳化時建。

【永昌寺】即北禪院。在縣西北三十里伏家鎮。清一統志云。「在縣北三十里。」宋淳熙中重修。元文宗封僧人張姓爲眞慧國師。掌國師印於此。明初曾貯天下僧籍。

【慶壽寺】在縣北二十里凍青鋪。門前有銀杏一株。約四十餘圍。

【白塔寺】在縣西四十里。紅渠鋪邵家莊。塔甚古。八方十二級。高六丈。廣一丈五尺。清光緒間地震。僅存九級。

【聖善院】在縣東南三十里。陳家山。石佛甚古。碑記云。唐以前古刹。

【聖壽院】一名粟亭南鎮院。宋端拱中建。熙寧元年。敕賜寺額。有碑題褒功崇德四字。

【天主教堂】二。一在縣城南關。一在永寧鎮王家河。

【清真寺】五。一在縣城東關外。明成化時建。有萬曆年碑記。民國元年。遭過軍焚燬。今爲新葺。一在縣城東街。一在梁家壩。一在江洛鎮。一在永寧鎮。俱民國時建。萬曆重修禮拜寺記云。「夫教門之設。其來遠矣。盛於勝國。明興因之。雖不事法象天。祇以敬天祝君。○主修心養性爲事也。我皇朝金陵有三山街寺。長安有花靴巷寺。皆奉命以爲敦禮地也。寺遍寰宇。惟徽未之建耳。成化年○有何楚英、金容、馬倫、馬聰輩。關陝人也。商販於○。爲山水之美。遂家焉。以爲禮拜無所。或失在褻陋。○如敬天何。如祝君何。如修心養性何哉。遂卜吉於東郊三元宮之左。僉施金費。置而創立焉。然歲久易湮。至嘉靖中紀。寺宇復圯。鄉耆馬文禮、金歲、高廷美、何清、丁文章、王臣、馬萬江、馬霄相顧嘆曰。清淨齋肅之地。使

至是。乃吾儕咎也。卽出金○工庸材。因廢拓新。宮牆巖巖。齋室翼翼。不數月而功用告。酒請記於予。予曰。寺之修復如此。而諸子之心。可已至矣。故以之敬天。則萬物資始之可報焉。報天則地可知矣。以之祝君。則萬年天子之壽可讚焉。讚君則親可知矣。以之修心性。則萬境俱融之貞可寧矣。寧貞則踐形可知矣。且敦仁尙義。周急軫○。○生助瘞。厚德般。此其興起。而科第縉紳。聲名文物。禮樂衣冠。悉由此出。其教豈偏小○哉。遂識其○以爲記。岢萬曆歲次丙戌。孟夏朔日。郡進士義臺馬負圖撰。」右徽縣重建禮拜寺碑記。碑東關清真寺南壁。隴南片石。彌可珍貴。惜經火後。已多毀裂。碑高市尺五尺一寸。廣二尺寸。圓首。碑額皇明二字。橫列楷書。重修禮拜寺記六字。並行篆書。碑文眞書。文凡三百十有七字。計十行。行四十字。有跳行。已損九字。不可辨識。第六行第三十七字。庸字。爲_疒字之誤。金陵三山街寺。原名淨覺寺。明洪武間敕建。長安化覺巷清修寺。誤作花靴。萬曆丙戌。爲明神宗十四年。距今已六甲子。碑記爲馬負圖撰。負圖。字義臺。嘉靖戊午進士。曾任曲垣縣令。然於回教敬禮主宰。尙多曲解。先君子介泉公遺著回教考略書後有。「回教謂主宰爲至尊無對。非天地之天。」碑記謂報天則地可知。固知義臺爲非回教人。

第七節 紀聞

【劉子羽】字彥修。宋崇安人。張浚宣撫川陝。辟子羽參議軍事。浚移治閬州。子羽請獨留河池。調護諸將。以通內外聲援。嗣爲利州路經略。兼知興元府川陝宣撫使。吏部郎朱松。曾以其子晦庵先生。託子羽及其弟子輩篤教之。

【曹友聞】字允叔。宋栗亭人。彬十二世孫。登寶慶二年進士。授天水教授。元兵大至。制置使趙彥呐檄友聞控制大安。以保蜀口。友聞馳書曰。沔陽蜀之險要。吾重兵在此。敵有後顧憂。必不能越沔陽入蜀。大安無險可守。豈可以平地控禦。彥呐不從。友聞與弟萬各率所部。取間道戰於白水江中流。俱戰死。友聞諡節。萬贈武翼大夫。大安。今屬陝西寧強縣。

【武思信】元隴西人。以都總帥提兵陝西。舊納糧。輸之魚關。轉漕寶峯。以給軍食。諸船運艱難。思信督夫匠疏導嘉陵江上游險灘。以便漕運。

【楊三辰】清遼東恩貢。順治時。徽州知州。濬治嘉陵江險阻。著江河紀略。文詳上編文藝章。

【袁明德】字小馨。清徽縣回教人。敦品力學。人爭師之。

【張瑤娃】清趙氏養媳。年十七。猶未合卺。爲白蓮首楊開甲掠去。屢欲犯之。賴楊婦救以免。一夕。楊屯徽縣東鄉柳林鋪。醉後無禮。瑤娃力拒。楊怒。將殺之。婦陰予童子鈍矛。囑勿過創。而以已殺告。次日。村婦得瑤娃。醫藥之。將畜爲子婦。適隸運糧過門。使告縣。時李受曾爲徽縣令。牒召其夫來成婚。並題艱貞獨葆四字旌之。

【馬秉良】·清徽縣回教人。秉良沒。妻蘇氏年少。痛絕復蘇。遺兩孤俱幼。撫之成立。

第五章 略陽縣

第一節 沿革

漢置沮縣。屬武都郡。晉因之。北魏爲東益州。並置武興縣。屬武興郡。西魏改東益州爲興州。屬順政郡。復置葭舉縣。隋改葭舉爲長舉。武興爲順政縣。廢興州。唐復爲興州。屬山南西道。宋改興州爲沔州。屬利州路。開禧三年改順政爲略陽縣。元因之。省長舉。廢沔州。明因之。屬寧羌州。崇禎間。屬漢中府。清因之。民國初年。屬陝西省漢中道。今隸陝西省第六行政督察區。

第二節 疆域

【境界】 東界沔縣。西界甘肅康縣。南界寧強縣。北界甘肅成縣。東北界甘肅徽縣。

【縣城】 明正德間。築土城。門五。東曰永濟。西曰鎮江。南曰定羌。北曰拱極。西南曰通濟。清道光七年。嘉陵江泛溢。次年。遷築城東三里許文家坪。建門三。東曰迎旭。西曰安江。南曰玉帶。同治二年。洪楊兵燹。新城焚燬。復還舊城。江水爲患。自古已然。宋光宗紹

三年七月。嘉陵江暴溢。興州城圯。郡獄官舍。漂沒凡十七所。毀民居三千四百九十餘戶。
【鄉鎮】二鎮。七鄉。七三保。（武興鎮。郭鎮。紫竹鄉。沮水鄉。青白鄉。鄱閣鄉。明
不鄉。白水鄉。仙臺鄉。）

第三節 山川

【山谷】【武興山】在縣東里許。方輿勝覽云。「在州西一里。古興州城治此。」元和志
一。「在順政縣北百里。」寰宇記云。「其山峯巒秀出。竹柏參差。特爲蔚茂。」

【象山】在縣西一里許。東環八渡河。西繞嘉陵江。

【大內山】在縣南三十里。清一統志云。「在縣東南。」寰宇記云。「大景小景二山。景
本爲內。唐諱改。其山峻崖。南北相對。高百餘丈。山衣石髮。被於崖陰。」

【寒蓬山】清一統志作寒山。在縣南一百里。山極高聳。巔有三峯。

【玉屏山】在縣北八十里。與石門相對。

【獅山】清一統志作師子山。在縣東北里許。元一統志云。「在縣北五里。屈曲盤伏。狀
狻猊。」

【八渡山】在縣東北。清一統志云。「在縣北十五里。四面險阻。上下四十里。路分三
。山谿交錯。林木茂盛。」

【青野原】清一統志云。「在縣北。宋紹興三年。金人扼大散關。游騎攻黃牛堡。吳璘自河池馳至。駐青野原。分兵赴援。卽此。」吳璘事詳下編鳳縣章。

【丙穴】卽夾門溝渠。在大丙山下。方圓二丈。有水潛流。清明前後。嘉魚湧出。通典云。「順政縣有丙山丙穴。」益部方物贊云。「丙穴在興州。魚出石穴。」蜀都賦丙穴注云。「丙。地名也。」周地輿記云。「興州有丙山。山有穴。卽丙穴。其口向丙。因以爲名。」

【河流】【嘉陵江】在縣西五十里。自甘肅徽縣魚關。流入縣境。至大石碑南。合白水江。漕泥河西注之。至兩河口。合西漢水。爲嘉陵江東西兩源會流。又南。相公河、橫現河注之。又南。逕縣城西南。入渡河、夾渠河注之。又南。青白石河、樂素河注之。又西南入寧強縣界。元和志云。「嘉陵水。經長舉縣南十里。又逕順政縣南百步。」

【白水江】卽濁水。在縣北一百二十里。通志云。「在縣西北一百二十里。」自甘肅徽縣下店鎮。逕大石碑。流入縣境。至小八渡山北麓。迂迴與嘉陵江合流。略陽志誤白水江爲嘉陵江東源。

【青泥河】卽鳳溪水。一名清泥江。在縣西北一百五十里。發源甘肅成縣。至石門。流入嘉陵江。隋書地理志云。「長舉縣有鳳溪水。」水經注云。「濁水南合鳳溪水。中有二石雙高。其形若闕。」徽縣志誤鳳谿水爲嘉陵江。

【西漢水】卽犀牛江。一名漾水。亦名淮河。在縣西一百二十里。爲嘉陵江西源。發源甘

肅西和縣蟠冢山。逆流百里。至禮縣會蟠冢水。逕成縣單冢河。至大南峪。流入縣境。逕縣西兩河口。合嘉陵江。爲兩源會流。水經云。「漾水出隴西氐道縣蟠冢山。東至武都沮縣爲漢水。」通典。禹貢指錐云。「秦州上邽縣蟠冢山。西漢水所出。經嘉陵。曰嘉陵江。」明一統志云。「犀牛江。在縣西北一百二十里。自階州東流入。」清一統志云。「西漢水。卽漾水。源自秦州西南蟠冢山。西南流經鞏昌府西和縣。至禮縣南。又南經階州之成縣。又東經徽縣南。入略陽縣界。」又云。「西漢水。在略陽縣西。自甘肅階州成縣流入。」通志云。「嘉陵江。今俗名犀牛江。自略陽縣北與白水江合。又南逕略陽縣城西。有八渡河入之。又西落索河入之。又西南逕寧羌州。」鞏昌府志云。「漾水自蟠冢南流。經西和縣。至禮縣東南。名長道河。又南至階州界。名犀牛江。至成縣。名鐔冢河。又東至徽縣界。匯於嘉陵江。」

【石門河】 在縣西八十里。源出白馬關。至江口。流入西漢水。

【和公山河】 在縣西六十里。源出木嶺。東流入嘉陵江。

【橫現河】 在縣西十五里。東南流入嘉陵江。

【八渡河】 卽北谷水。在縣北。源出三川。東北逕一百八渡。至三河壩會夾渠水。流入嘉陵江。清一統志云。「八渡水。在縣東。」通志云。「在縣東八十步。源出退水。自徽縣界來。逕八渡山下。遶城東南。會夾渠水。入嘉陵江。自源徂流。渡者凡一百八處。又名一百八渡河。」

【夾渠河】 卽東溪水。一名玉帶河。在縣東。清一統志云。「在縣東二里。」源出飛仙嶺。至三河壩會八渡河。流入嘉陵江。

【青白石河】 在縣西南。由甘肅武都縣流入縣境。東流入嘉陵江。

【樂索河】 俗名洛索河。在縣南八十里。發源甘肅武都縣。自現壩流入縣境。東流一百六十餘里。流入嘉陵江。

【沮水】 卽鐸水河。一名黑河。在縣東一百二十里。發源紫柏山。至沔縣合東漢水。以其初出沮洳然故曰沮水。元和志云。「沮水在順政縣東北八十里。」

第四節 物產

嘉魚。胡桃。木耳。花椒。五倍子。杜仲。姜卜。黨參。當歸。黃蘗。(元和志云。「順政縣多黃蘗。」) 棉。麻。漆。(元和志云。「順政縣多漆。」) 蠟。枸紙。桐油。熊。麝。水獺。皮革。炭。煤。砂金。銅。鐵。(元和志云。「縣出鐵。」) 雲母。略陽石。(可製印章。)

第五節 交通

【水運】 自嘉陵江東西兩源會流。已通舟楫。自略陽縣城下抵四川廣元縣。計長五七八

○
【公路】 沔路路。由縣城至沔縣茶店鎮。計長四〇公里。
【關梁】【置口關】 清一統志云。「在縣西北三十里。」宋開禧二年金人陷大散關。吳曦退置口。卽此。」

第六節 勝蹟

【長舉故城】 在縣北。清一統志云。「在縣西北。」

【烏龍石】 石橫蟠城底。首露郭東。尾見郭西。

【郝開頌石刻】 在縣西北臨江崖。一名白崖。詳上編名勝章。

【翠峯亭記石刻】 在縣東十五里。紗帽灣大石崖。石壁刻天寶八載太守房渙亭記。宋太守震銘。

【歐陽詹棧道銘石刻】 在縣北玉屏山石壁。

【新關白水路記石刻】 在縣北白水峽。詳上編名勝章。

【司馬溫公碑額】 在縣南靈崖寺。詳上編名勝章。

【靈崖絳別記石刻】 在縣南靈崖寺。詳上編名勝章。

【靈崖寺】 在縣南七里。嘉陵江岸。詳上編名勝章。

【正覺寺】在縣城東關外里許。宋淳熙三年建。

【天主教堂】二。一在縣城東關。一在紫竹鄉。

【清真寺】四。一在縣城北關。清同治九年建。一在何家崖。一在白水鄉。一在金池院。俱民國時建。

第七節 紀聞

【虞詡】漢武平人。安帝時。羌寇武都。以詡有將帥之略。遷武都太守。時羌寇分散。詡因其兵散。日夜進道。兼行百餘里。令吏士各作兩竈。日增倍之。羌不敢逼。明日悉陳其兵衆。令從東郭門出。西郭門入。貿易衣服。日轉數周。羌不知其數。詡多設方略。掩擊大敗之。先是運道艱險。舟車不通。詡乃自將吏士。按行川谷間。由沮至下辨數十里。皆燒石剪木。開漕船道。由是水運通利。歲省四千餘萬。

【巖礪】唐鹽亭人。元和時與州刺史。後官興元節度使。自長舉縣而西。疏嘉陵江二百里。通漕以饋成州戍兵。柳宗元作江運記。故後。元禎奏其賊酷。詔加惡諡。江運記詳上編文藝章。

【邵伯溫】字子文。康節先生子。宋興州提刑。時寇入蜀。伯溫遣兵扼險。賊乃遁去。州賴以安。餘詳下編廣元章。

【劉明彥】 明略陽人。性至孝。天啓元年以恩選授平谷縣令。遭流寇李自成之亂。間關歸里。隱居山中。迄清兵入關。徵逸才。有薦之者。不起。作詩謝之曰。「十畝伴雲鉏。閑閑桑柘車。此心浮海去。重上疊山書。」竟守志以終。

【李鳳】 清略陽回教人。乾隆時。輸銀建孤老院。邑令高理獎之。爲撰創建養濟院記。

【普喜懷】 清略陽回教人。妻王氏。同治三年遭寇亂。與弟喜春妻馬氏。乘舟逃難。賊驟至。姊婦馬氏曰。事急奈何。王氏曰。吾寧就死。義不受辱。遂俱投水死。喜懷亦一慟而絕。喜懷。略陽志作懷喜。

【哈成恩】 清略陽回教人。黃壩驛把總。妻張氏。遭同治寇亂。行至江邊。語成恩曰。此我死處也。遂投水死。

第六章 寧強縣

第一節 沿革

秦爲葭萌縣羊鹿坪。漢爲沮縣。晉爲晉壽縣。北魏爲蟠冢縣。隋爲西縣。唐置金牛、三泉等縣。宋爲大安軍。元初降爲大安州。旋降爲縣。省三泉。明洪武三十年置寧羌衛。成化二十二年升爲寧羌州。崇禎時屬漢中府。清因之。民國二年改爲寧羌縣。三十一年改寧羌爲寧強。民國初年屬陝西省漢中道。今隸陝西省第六行政督察區。

第二節 疆域

【境界】 東界褒城縣。西界甘肅文縣。南界四川廣元縣。北界略陽縣。東北界沔縣。東南界南鄭縣。四川南江縣、旺蒼縣。西北界甘肅康縣、武都縣。西南界四川昭化縣、平武縣。

【縣城】 明成化二十三年築。門四。東曰陽和。西曰永連。南曰南薰。北曰通濟。

【鄉鎮】 七鎮。六鄉。一一〇保。(玉帶鎮。鐵鎖鎮。天池鎮。大安鎮。蟠冢鎮。陽平鎮。燕子鎮。天台鄉。漢源鄉。白雀鄉。光明鄉。鳳凰鄉。青龍鄉。)

第三節 山川

【山谷】【蟠家山】 在縣北九十里。烈金壩西。元和志云。「在金牛縣東二十八里。」山勢崔嵬。峯巒迴合。蔚然深秀。山內有洞。寬數丈。深里許。爲東漢水源。聲砰砰然。天將雨。聲愈宏。洞外有石臺數丈。爲昔祭漢王之所。禹貢云。「岷蟠既藝。又導蟠家。至於荆山。」魏書地形志云。「蟠家山。漢水出焉。」蟠家山有二。一在甘肅西和縣。西漢水所出。爲嘉陵江西源。一卽寧強蟠家山。東漢水所出。下流爲漢水。

【五丁山】 在縣東北四十五里。清一統志云。「在州東北四十里。」山有峽。名五丁峽。亦名金牛峽。峽口懸崖萬仞。峽南兩岸峙立。水自峽中噴薄而出。

【玉簪山】 在縣東北六十里。輿地紀勝云。「上有要領亭。爲一郡登覽之要。其後最高處。曰雞冠山。」

【天池山】 在縣東北七十里。重巒複嶂。迥出羣峯。上有池。四時不涸。寒氣襲人。莫敢近逼。

【蓮屏山】 在縣東北八十里。與蟠家山相對。山勢排列如屏。羣峯環拱。

【擊鼓山】 在縣西北陽平關。與雞鳴山並峙。傳漢高帝屯兵於此。

【魚山】 在縣西北。嘉陵江北。巋然獨峙。頂平而闊。傳諸葛亮屯兵於此。

【洞坪山】 在縣西北。大安北五里仙洞溝。山半有坪。坪有洞。水從石巖噴出。

【龍門山】 在縣西北一百里。

【龍洞山】 在縣西南四十里。山中有泉。冷氣襲人。

【壺子臺山】 在縣西南四十五里。輿地紀勝云。「水出巖下成潭。潭口湍流成溪。下流五

里。平地突出一峯。猶浮圖狀。上干雲霄。謂之壺子臺。」

【風洞】 在唐家壩。幽深無際。中有佛像三尊。

【嘉魚洞】 在縣南七十里。西流河巖畔。春夏魚自洞出。味美如鱒。

【白崖洞】 在縣東北九十里。輿地紀勝云。「在大安軍東北八十里。」洞中宏敞。能容數

千人。上有石櫺。下有溪水。

【龍門洞】 在縣西北龍門山。深七十餘步。廣半之。洞中有草。紫葉細花。隆冬不枯。兩旁石壁嵌空。狀若髯龍。鼻口鱗角皆具。蘇元老龍洞記云。「自蜀至京。行四千餘里。幾半天下。山水之可喜者。莫如利（今廣元縣）三泉（今寧強縣）興。（今略陽縣）自利至興。行五百里。幾半蜀道。巖洞之可喜者。莫如龍洞。自三泉西行大道。不能二里。又自大道南行支徑。不能百步。山舒水湧無他異。少焉。突有若觀闕者當其前。迫而視之。則洞也。其深七十步。廣半之。其兩旁石壁之嵌空突怒者。若耳目鼻口鱗甲跟肘甚具。其下皆平石爲底。水行其上。若鋪筵簟。石墮其間。若設俎豆。其兩顏皆瘦木翠蔓。附石草生。葳蕤下覆。若綴纓

絡。木蔓之間。布水十道。先後交映。若垂冕旒。水落石底。其勢跳瀉。與石相鬪。若濺踏雪。其聲鏘鳴。與洞相應。若響琴筑。寒清邃幽。殆非人境。予不能盡名其狀。蓋造物者專爲是瑰詭以聳昧世俗。天地間一尤物也。循洞南升。石斷而土分。棄奇爲平。有土田甚沃。有竹箭檜柏松栝。雜他卉木甚茂。野人或居焉。若世所謂桃花源者。少西而升。不能百步。泉湧地中。清冷滑甘。委蛇東下。及洞之頰而落。向之爲布水者。此也。洞不知本所出。相傳以爲往有蟄龍騰去。壁巖掀麓而爲此也。故以云。淳化中。縣令錢侯泳。始闢爲遊宴之所。水自洞出。北合嘉陵大江。深不可涉。橋於洞北。閣於洞下。館於洞東。又橋於洞南。亭榭臺閣於洞西。以便遊者。又南而升。不能三里。路益巖。山水益秀。復得洞焉。若重簷夏屋。深不可窮。有石牀甚古。水自洞中。既冽且清。然以道險路絕。無居人。歲大旱。取湫水輒應。疑龍之所家。以前洞爲門閭。而此其堂奧也。予蜀人。去鄉里而長道路。往來京蜀。凡十數過其下。過未嘗不遊。遊未嘗不飲酒賦詩而去。洞中水石草木。若皆舊識。雖使子自有。而賞之不若是數也。予同年友李侯自父。爲令於此。子弟蒙父。又爲尉於此。書來告曰。願有記也。予聞之。山水之無知也。以人爲榮辱。故峴山雖卑。以叔子而顯。染溪雖秀。以子厚而愚。今茲洞之奇冠天下。非得奇文無以稱之。且文人之過其下者。相躡也。而獨以屬予。何哉。嗟夫。靈壁之石。天下奇翫也。蓋僅有巖穴處耳。徒以其近於中郟。故取重當世。甚者一拳之微。價累千金。而彌不可得。其亦巧於效技矣。今此洞豈特百倍於靈壁。惟蒼然獨秀於遠方。不效技於王

公貴人之前。而獨爲田夫漁父之所簡賤。高人逸士之所耽翫。蓋其拙有類予者。而予又與洞舊識。則雖辱之以予文可也。予之拙滋甚。終若洞之不可變遷。當再至於故山。過洞而留。益飲酒賦詩。將水石草木。一一而辱之。不知山靈尙許之乎。宣和四年十二月十二日眉山蘇元老在廷記。」元老。字在廷。轍之族孫。宋時官太常卿。宣和爲徽宗第六改元。未四年遭靖康之恥。而北宋亡。今碑移置洞旁龍門寺廡下。字多剝蝕。不善搨者。以鐵器損之。州志所錄。脫落甚多。

【河流】【嘉陵江】 在縣西北九十里。有略陽縣南流入縣境。至陽平關。上下清河、燕子河、西流河注之。南流入四川廣元縣界。元和志云。「嘉陵江又經金牛縣西。去縣三十里。」寰宇記云。「在三泉縣西半里。」清一統志云。「西漢水又南經寧羌州西。入四川廣元縣界。亦曰嘉陵江。」通志云。「嘉陵江。經寧羌州西北百里。又西南合黑水、燕子、廣平等河。入蜀之廣元界。」按黑水。卽沮水。在沔縣合東漢水。不入嘉陵江。寧羌州志誤於燕子河西合西漢水。不知西漢水爲嘉陵江西源。逕略陽縣已兩源曾流。

【上下清河】 在縣西北一百里。並流入嘉陵江。

【燕子河】 在縣西一百三十里。清一統志云。「在州北一百二十里。」流入嘉陵江。

【西流河】 卽寒水。一名韓溪。在縣南六十里。清一統志云。「寒水在州西南。」寰宇記云。「大寒水。在三泉故縣南十五里。西流至龍門山大石穴。」流入嘉陵江。

【黃壩河】清一統志云。「在州南一百里。源出牢固關。西南流四十里。入四川保寧府廣元縣界。」

【廣平河】在縣西一百九十里。南流逕四川廣元縣。入嘉陵江。

【安樂河】在縣西一百七十里。南流逕四川廣元縣。入嘉陵江。

【漾水】即漢水。通典云。「漢中金牛縣嶓冢山。禹貢導漾。至此爲漢水。亦曰沔水。」地理今釋云。「漾水出寧羌州北嶓冢山。東至南鄭縣南爲漢水。亦名東漢水。」源出縣北嶓冢山。東流受五丁峽水。又東流。大安河南注之。灝倉河自鐵佛鋪注之。又東至金堆鋪南。入沔縣界。逕南鄭、安康、白河等縣。入湖北鄖縣。逕光化、襄陽、漢陽等縣。流入長江。計長一千五百餘公里。航程可分四段。寧強至南鄭。水小不通舟楫。自南鄭至安康爲一段。可通輕舟。安康至白河爲一段。間多險灘。白河至湖北光化縣老河口爲一段。老河口至漢陽。又爲一段。水盛時。老河口至漢陽段。可通小輪船。水小僅上抵湖北鍾祥縣沙洋。

【大安河】在縣北九十里。發源略陽縣。清一統志云。「源出普明山」。逕縣境。南流入沔水。

【玉帶河】清一統志云。「在州城北。」源出西南箭竹嶺。從南山北流。繞城西而北而東。復南流。若圍帶然。流入漾水。

【迴水河】在縣西南三十里。源出牢固關。環繞城郭。合玉帶河。流入漾水。

【三泉】寰宇記云。「三泉故城北二十里。山下有三泉縣。以此名。」

第四節 物產

香穀稻。嘉魚。蝦。胡桃。柿餅。栗。花椒。香蕈。木耳。杏仁。五加皮。細辛。杜仲。柴胡。泡參。栝樓。金銀花。五倍子。葛根。前胡。桔梗。布。漆。蠟。桐油。白鸚。雉。鹿。熊。炭。煤。砂金。銀。銅。鋁。鐵。硫黃。石棉。

第五節 交通

【公路】一、川陝路。自青陽驛至七盤關。計長七四公里。一、烈陽路。由烈金壩至陽平關。計長二六公里。

【關梁】【鐵鎖關】在縣東五十里。清一統志云。「在州東六十里。」後倚峻嶺。前臨深澗。爲通沔要路。

【鹽茶關】在縣西一百七十五里。山徑縈紆。羣峯圍繞。扼甘肅要路。

【五丁關】在縣東北五丁山。山巖陡峻。石壁峭立。中關一線。高接雲霄。誠屬天險。今爲川陝公路所經。

【陽平關】在縣西北九十里。詳上編名勝章。

【牢固關】在縣西南四十里。爲入蜀要道。

【石牛道】卽縣東北五丁關道。史記云。「秦欲伐蜀。尙不知道。乃作五石牛。以金置牛尾下。言能糞金。以遺蜀。蜀負力而貪。使五丁開道。引之。秦因使張儀、司馬錯。尋路滅蜀。」華陽國志云。「秦惠王謀伐蜀。乃作石牛五頭。朝瀉金其後。曰牛便金。蜀人悅之。有養卒百人。使之請石牛。惠王許之。乃遣五丁迎石牛入蜀。至周慎覲王五年。秦大夫張儀、司馬錯。都尉墨等。從石牛道伐蜀。蜀王於葭萌拒之。敗績。遁走。至武陽爲秦軍所害。」

【天生橋】清一統志云。「在州西南八十里。山高數十仞。河水自山下入川。石勢天成如橋。」

【大安驛】清一統志云。「原名金牛驛」。在縣北九十里。倚山傍水。爲縣巨鎮。宋設大安軍於此。光宗紹熙二年七月癸亥。嘉陵江暴溢。大安軍皆水。

第六節 勝蹟

【三泉故城】清一統志云。「在州西北。」輿地紀勝云。「宋紹興三年金人自繞風關。入漢中。吳玠遣劉子羽統諸軍屯三泉以護蜀口。」吳玠事詳下瀘鳳縣章。

【禹碑】在縣東北白崖灣。字跡奇誕。頗難辨識。

【華嚴寺】一名鐵佛寺。在縣北一百三十里。有鐵佛三尊。爲唐古刹。

【龍門寺】在陽平關龍洞溝外。

【妙相觀】在縣北大安驛。元至大四年建。

【天主教堂】二。一在縣城內。一在燕子鎮。

【基督教堂】在縣城內。

【清真寺】在縣西北陽平關哈家山。清道光二十三年建。

第七節 紀聞

【劉榮】清諸城人。知寧羌州。州產櫟葉。民不知蠶。募善蠶者教之。民賴其利。稱劉公繭。

【金玉麟】清巴州人。同治二年任寧羌州牧。適洪楊竄擾。與同城文武分門守禦。衆寡不敵。城陷。死於南門。賊得其屍。爲具棺斂。且張檄文櫬上。稱玉麟爲陝西好官。士民應護送其柩回籍。

第七章 廣元縣

第一節 沿革

秦爲葭萌縣。蜀漢爲漢壽縣。晉爲晉壽縣。並置興安縣。屬晉壽郡。劉宋置華陽縣、興樂。蕭齊分爲利州東晉壽郡。梁爲黎州。北魏改興樂爲嘉川縣。僑置益州。亦曰西益州。西魏爲利州。省華陽。置義城縣。隋爲智州。改興安爲綿谷縣。唐復爲利州。置通平縣。改義城爲利州。屬山南道。旋屬山南西道。宋初屬西川路。省通平、裔山。眞宗時。置利州路。元爲廣元路。省嘉川。明省綿谷。改爲廣元府。旋降爲州。洪武二十二年又降爲縣。屬保寧。清因之。民國三十一年將縣屬第二區郭家鄉。及第三第四兩區。劃屬旺蒼縣。民國初年屬川省嘉陵道。今隸四川省第十四行政督察區。

第二節 疆域

【境界】 東界旺蒼縣。西界昭化縣。南界蒼溪縣。北界陝西南鄭縣。西北界陝西寧強縣。
【縣城】 明洪武三十一年以石砌。門五。東曰賓陽。西曰臨清。南曰鎮川。北曰懷羌。西

北曰清遠。又曰奠嘉。

【鄉鎮】一鎮。一五鄉。二三一保。(漢壽鎮。河西鄉。龍潭鄉。大石鄉。元壩鄉。張壩鄉。王家鄉。柏龍鄉。李家鄉。曾家鄉。中子鄉。大灘鄉。陳家鄉。羊菜鄉。沙河鄉。朝天鄉。)

第三節 山川

【山谷】【鳳凰山】俗名東山。在縣城內。清一統志云。「在縣東。盤旋起伏。勢若翺翔。」縣城繞山脊。與烏龍山對峙。

【烏奴山】一名烏龍山。在縣西。方輿勝覽云。「在綿谷縣西六七里。以李烏奴得名。峭壁如削。」明流寇張獻忠渡嘉陵江西岸。架礮烏奴山腰。乘高斜射臨清門。城遂陷。磨刀以入。搜殺無遺。於廣元僭號大順。民之犯令者。剝皮而實以草。著衣冠於道旁。或抽膝筋。不順者斷手。先伸右手者斷一手。伸左手者兩手俱斷。罹慘以千計。不准交頭接耳。犯者全家立斬。道路以目。屍積如山。血流水赤。遺籍關帝廟。計殺十萬有奇。常曰。人命在我。我命在天。四方有路。在劫難逃。清順治二年復屠城而去。房舍一炬。惟東溝趙應昇。忿賊殘酷。結溝中諸族。同盟捍禦。執獵銃樵斧守要隘。賊至輒遭覆沒。

【潭毒山】在縣北。輿地紀勝云。「在綿谷縣北九十里。下瞰大江。路皆滑石。登陟頗

。其下深潭。有一鐵索。見則兵動。」

【北雲霧山】在縣北一百二十里。由陰平蜿蜒而東。長三百餘里。廣袤五十餘里。山勢峻。三面懸崖。

【龍門山】在縣東北。元和志云。「龍門山。在綿谷縣東北八十二里。出好鍾乳。」

【石燕山】一名玉女山。在縣西北八十里。山勢巍峨。高出雲表。

【古城山】在縣西北。接陝西境。山洞如城門。上有廟宇。殿前有石。四壁皆虛。以手之。搖搖欲動。掀之則不能移。

【朝天嶺】在縣北。輿地紀勝云。「在利州北五十里。路徑絕險。其後卽朝天程。」

【七盤嶺】一名五盤嶺。在縣北七十里。清一統志云。「在縣北一百七十里。」與陝西寧縣接界。自昔爲秦蜀分界處。石磴七盤而上。因名。杜甫五盤詩云。「五盤雖云險。山色佳餘。仰凌棧道細。俯映江水疏。地僻無網罟。水清反多魚。好鳥不妄飛。野人半巢居。喜見朴俗。坦然心神舒。東郊尙格鬪。巨猾何時除。故鄉有弟妹。流落隨丘墟。成都萬事好。豈歸吾廬。」岑參早上五盤詩云「平旦驅駟馬。曠然出五盤。江迴兩岸鬪。日出羣峯攢。蒼翠景曙。深沈雲樹寒。松疏露孤驛。花密藏迴灘。棧道溪雨滑。畚田原草乾。此行爲知己。不蜀道難。」

【漫天嶺】一名藁本山。在縣東北三十五里。有大小漫天二嶺。卽大小光坡。清一統舊志

云。「小漫天在大漫天北。」二嶺相連。爲蜀道之險。自昔縣多患猛風。起則拔屋折木。漫天爲最。故蜀諺云。「利州風。雅州雨。」高駢詩云。「萬水千山音信稀。空勞魂夢到京畿。漫天嶺上頻回首。不見虞封淚溼衣。」

【千佛巖】在縣北十里。詳上編名勝章。

【老君洞】在縣北籌筆驛西岸。有石刻唐明皇幸蜀見老君於此。

【龍門洞】在龍門山。輿地紀勝云。「洞在綿谷縣北。凡有三洞。水自第三洞發源。貫通二洞。」

【羊模洞】清一統志作陽模洞。在縣北。府志云。「在縣北六十里。」輿地紀勝云。「在綿谷縣北六十里。有山萬仞。峭壁如削。中有關洞門。高不可上。」羊模水環其下。文同利州綿谷縣羊模谷仙洞記云。「相傳五代時。有王姓者種山下。盡室斂穫於此。因遣婦取水。婦汲還。路有病僧。瘡穢甚。滿身腥腐。不可近。輒前索飲。婦惡之且懼。弛擔走。僧遽就飲。殆半。遂去。婦不能易之。隱其事。置水田上。其家人無少長。一來飲盡之。婦以故。獨不沾口。晚又俾婦致饑。既致其所。得僧飲餘水者。盡飛入此洞。婦既不見。但號哭奔走。忽聞在洞口呼婦者。仰應不得去。」

【丙穴】清一統志云。「在縣北二十五里。出魚肥美。」

【河流】嘉陵江。在縣北。自陝西寧強縣陽平關燕子壩南流入縣境。東至大灘場。受黃壩

水。由青邊河出注之。西受橫梁子小河水。由切刀嶺出注之。又西受八廟口水由寧強縣天津出注之。東至朝天鎮。受神宣驛龍門閣潯水。西受寧強縣安樂河水。小安河注之。又西至大口。受羊模河水。至沙河驛。東受沙河。繞飛仙嶺麓下注。逕千佛巖下。又逕縣城西南。漢壽水、稻壩河。西南流入昭化縣界。清一統舊志云。「嘉陵江自寧羌州入廣元縣境。流一二十里。至縣西南又三十里。達昭化縣界。」

【青邊河】發源甘肅文縣。由青邊峽。流入嘉陵江。

【橫梁子河】源出切刀嶺。直出橫梁。流入嘉陵江。

【天津河】寧強志作廣平河。發源寧強縣鮮家山。逕官碑。由八廟溝出口。流入嘉陵江。

【潛水】括地志云。「一名復水。今名龍門水。源出綿谷縣東龍門山大石穴下。」元和志

。「源出縣北龍門山。」逕神宣驛。又南二十里。逕龍洞口。至朝天驛北。穿穴而出。流入陵江。

【安樂河】發源甘肅武都縣太平川。逕陝西寧強縣羊壩入縣境。逕安樂堡至朝天上峽流入陵江。

【小安河】有二源。一出石竹張家溝龍洞嘴。一出石竹王家溝。逕朝天峽流入嘉陵江。

【羊模河】有二源。一出樓房山。一出波羅玉。至饒壩會流。逕寧強縣三顆石入縣境。逕桐院大壩口流入嘉陵江。

【南河】一名漢壽水。在縣南門外。卽唐利州南渡。源出棗本山閻王壩。逕縣城南。流入嘉陵江。水經注云。「漢壽水源出東山。西逕東晉壽故城南。而西南合於漢。」

【稻壩河】有二源。大稻壩源出金龍洞。至曾家河合漢壽水。小稻壩源出觀山。至大石場。合漢壽水。流入嘉陵江。

【黑龍潭】清一統志云。「在縣南三十里。三山屹立。林木鬱秀。」

【明月峽】一名朝天峽。詳上編名勝章。

【九井灘】在縣北。詳上編名勝章。

第四節 物產

梁米。(唐書地理志云。「利州土貢。」)豆。魚。(唐書地理志云。「利州貢鱖魚。」)寰宇記云。「利州貢鱖子。」爾雅云。「貝小曰鱖。」木耳。(廣元志稿云。「以樸木細皮莖。供煨木炭。粗皮莖供製木耳。甜菜亦稱作葉。以飼山蠶。供新炭者稱材山。製木耳者稱耳山。已砍者爲紅山。未砍者爲青山。冬日先擇粗皮青桐。徑約二寸左右。連枝葉砍下。留其根株。隨置原地。以斷處皮帶赤色者爲佳。謂之砍山。復將枝葉剔去。斷爲三尺許短棒。謂之耳棒。再將地面清潔。平鋪地上。謂之困山。次年二三月間。視雨水適宜時。擇崖邊或半坡淺草地。以陰溼能見陽光。且晨霧濃厚者爲佳。搭低架。謂之抽山。耳棒抽好。隨將雜草芟除。謂之薅山。木耳卽

生耳棒表皮裂痕處。至晚秋。生長始畢。次春仍可生長。惟收穫較遲。第一年謂之新山。次謂之陳山。檢耳之時。則在夏季。故稱伏耳。秋生者次之。」銀耳。粟。石榴。橙。（寰宇云。「利州產柑子、枇杷。」）泡參。柴胡。車前。杜仲。厚朴。牛旁子。附子。（寰宇記。「利州產附子、天雄、烏頭、黃連。」）天門冬。（唐書地理志云。「利州貢天門冬、芎、麝香。」）布、絲、（唐書地理志云。「利州貢絲布。」）絹。（寰宇記云。「利州產繭。」）蠟。蠟。白蠟蟲。（多寄生烏柏木。以櫻包之。幼蟲生白色粉質。即可製白蠟。水蠟蟲則水蠟樹。較白蠟少。唐書地理志云。「利州土貢。」寰宇記云。「利州產蠟。」）茶。酒。油。炭。煤。麝。狐。金。砂金。（唐書地理志云。「利州貢金。」）鐵。（唐書地理志。「綿谷縣有鐵。」）硫黃。硝。珊瑚石。（可製硯、皿。）石棉。盜土。

第五節 交通

【水運】 自廣元縣城抵南充縣。計長五二〇公里。

【公路】 川陝路。自七盤關至走馬嶺。計長七三公里。

【關梁】【朝天關】 在縣北八十里。朝天嶺上。九域志云。「綿谷縣有朝天嘉川兩鎮。崖各丈。壁削如關。左右屹立。壁上巨峒。足容萬人。傍水壁竇鱗鱗。深五六寸。皆昔人緣崖架之所。屢經水激。跡仍匡然。」

【潭毒關】卽石堽棧。在縣北八十里。清一統志云。「在縣北九十里。」爲入蜀故道。山下有潭。廣袤數十畝。靜深莫測。形似有毒。人莫敢近。故曰潭毒。舊志云。「先朝曾敕禁兵屯此。以捍衝蜀口。」

【七盤關】清一統志云。「在縣北一百六十里。七盤嶺上。」

【龍門閣】在龍門山。元和志云。「在利州綿谷縣東北八十二里」。輿地紀勝云。「自城

北至大安軍（今寧強）界。營橋欄閣。共一萬五千三百一十六間。其著名者。爲龍洞閣。」方輿勝覽云。「此閣石壁斗立。虛鑿石竅。而架木其上。尤爲險絕。」杜甫詩云。「清江下龍門。絕壁無尺土。長風駕高浪。浩浩自太古。危途中縈盤。仰望垂線縷。滑石欹誰鑿。浮梁曩相拄。目眩暈雜花。頭風吹過雨。百年不敢料。一墜那得取。飽聞經瞿塘。足見度大庾。終身歷艱險。恐懼從此數。」岑參詩云。「側徑轉青壁。危梁透滄波。汗流出鳥道。膽碎窺龍渦。驟雨暗谿口。歸雲網松蘿。屢聞羌兒笛。厭聽巴童歌。江路險復永。夢魂愁更多。聖朝幸典郡。不敢嫌岷峨。」陸遊詩云。「我昔謁紫皇。翳鳳嘯虬龍。俯不見塵世。浩浩萬里空。謫墜尙遠遊。忽到漢始封。西望接蜀道。北顧連秦中。壯哉形勝區。有此蜿蜒宮。雷霆自鞞轄。環玦亦瓌瓏。石屋如建章。萬戶交相通。來者各自得。盡取知無從。憑高三歎息。自古幾英雄。老我文字衰。揮毫看諸公。」又云。「天險龍門道。霜清客子游。一筇懸絕壁。萬仞俯洪流。著脚初疑夢。回頭始欲愁。危身無補國。忠孝兩堪羞。」又風雨中過龍門閣詩云。「飄然醉袖怒人

箇裏何曾有畏途。卷地黑雲吹慘澹。半天朱閣插虛無。闌邊歸鶴如爭捷。雲表飛仙定可。莫怪衰翁心膽壯。此身元是一枯株。」

【飛仙閣】在縣北。詳上編名勝章。

【石櫃閣】在縣北。詳上編名勝章。

【問津驛】名勝志云。「卽古嘉陵驛。」在縣西一里。清一統志云。「在縣城內。」諸葛行師。於此問津故名。北魏改縣爲嘉川。一名嘉川驛。元稹詩云。「嘉陵驛上空牀客。一夜陵江水聲。仍對牆南滿山樹。野花撩亂月微明。牆外花枝壓短牆。月明還照半張牀。無人會此時意。一夜獨眠西畔廊。」王世貞詩云。「自入秦關歲月遲。棧雲隴樹不勝思。嘉陵驛路千里。處處春山叫畫眉。」南充北郭五里店。亦有嘉陵驛故址。

【葭萌驛】在縣南柏林溝。明正德庚午嵐溪橋碑云。「明初改葭萌驛爲柏林驛。」能改齋錄云。「僞蜀徐國璋納女於後主昶。拜貴妃。別號花蕊夫人。意花不足以擬其色。似花蕊黝也。又升號慧妃。以號如其性也。王師下蜀。太祖聞其名。命別護送。途中至葭萌驛。作詞壁云。初離蜀道心將碎。離恨綿綿。春日如年。馬上時時聞杜鵑。以軍騎迫促。未成而行。有無名子續之云。三千宮女皆花貌。妾最嬋娟。此去朝天。止恐君王寵愛偏。陳無已以夫人費。誤也。」升庵詞品云。「花蕊夫人題葭萌驛詞。書未畢。爲軍士促行。後有戲之云。夫見宋藝祖。猶作君王城上豎降旗。妾在深宮那得知。十四萬人齊解甲。寧無一箇是男兒之

句。豈有隨昶行。而書此敗節之語乎。」

【籌筆驛】 卽神宣驛。在縣北九十里。清一統志云。「在縣北八十里。」輿地紀勝云。「在利州北九十九里。」距朝天驛三十里。諸葛亮出師嘗駐軍籌畫於此。清一統舊志云。「今朝天廢驛。卽古籌筆驛。自漢中府褒城縣至朝天驛四百四十里。自驛而南。由蒼溪、閬中、潼川。以達成都。自驛而西。由劍門、綿、漢。以達成都。蓋鈴束之要地也。」李商隱詩云。「猿鳥猶疑畏簡書。風雲常爲護儲胥。徒令上將揮神筆。終見降王走傳車。管樂有才原不忝。關張無命欲何如。他年錦里經祠廟。梁父吟成恨有餘。」碑目考云。「李義山有詩碑在籌筆驛，今失。」羅隱詩云。「拋擲南陽爲主憂。北討東征盡良籌。時來天地雖同力。運去英雄不自由。千里山河輕孺子。兩朝冠劍恨譙周。惟餘崖下多情水。猶解年年旁驛流。」陸游詩云。「運籌陳跡故依然。想見旌旗駐道邊。一等人間管城子。不堪譙叟作降箋。」

第六節 勝蹟

【嘉川舊縣】 在縣東。寰宇記云。「漢葭萌縣地。取嘉陵江所經爲名。」

【武后故宅】 在縣北。輿地紀勝云。「在利州北一里報恩寺。又有梳洗樓在州西北。渡江

二里。」

【讀書臺】 在縣西。烏奴山巔。宋利州轉運使司馬池築。臺今不存。池。字和中。夏縣

人。質直有長者風。其子光曾讀書其上。賦詩云。「舟航日上下。車馬不少閑。近邑輟商賈。遠風自雲煙。」

【利州淳化閣帖】 舊藏利州官舍。帖跋云。「慶元中四川總領權安節以淳化戲魚帖。并釋文重刻石於此寺。」權安節。宋德安人。家藏墨本甚多。釋文字畫。較臨江帖稍大。今石不存。臨江帖卽戲魚堂帖。宋哲宗元祐間劉次莊以家藏淳化閣帖十卷。重刻於臨江。除去卷尾篆題。寧宗慶元中安節重勒石於利州官舍。故名利州帖。

【廣善寺】 在柏龍鄉。葭萌縣故址。傳寺基肇於漢時。

【方山寺】 在金帽堡。古松觀南麓。唐貞觀中建。

【皇澤寺】 在縣城西。詳上編名勝章。

【平樂寺】 在縣東七十里。唐時建。

【雪峯寺】 在縣東十五里。寺後有洞。唐時建。

【飛仙觀】 在縣北。詳上編名勝章。

【天主教堂】 五。一在縣城。一在東路大院。一在東路小寺山。一在元吉堡。一在南路王

豕壩。

【基督教堂】 福音堂在石龍溝。

【清真寺】 四。一在東街三元宮。清康熙元年遷建中河街。一在西門外順城街。一在三堆

壩。一在大灘。俱民國時建。

第七節 紀聞

【霍峻】字仲邈。蜀漢南郡枝江人。先主自葭萌南還襲劉璋。留峻守葭萌城。張魯遣將楊帛。誘峻求共守城。峻曰。小人頭可得。城不可得。帛乃退去。後璋將扶禁、向存等帥萬餘人。由閬水上攻圍峻。且一年。不能下。峻城中兵。纔數百人。伺其怠隙。選精銳出擊。大破之。卽斬存首。先主定蜀。嘉峻之功。乃分廣漢爲梓潼郡。以峻爲梓潼太守。裨將軍。

【顏真卿】字清臣。東京兆萬年人。由蓬州遷利州刺史。建學育才。自真卿始。有祠堂記碑。今失。餘詳下編蓬安章。

【鮮于侁】字子駿。宋閬州人。利州轉運副使。奏減賦役錢之半。不強民使青苗錢。當時稱爲一路福星。治東有桐軒、柏軒、竹軒、山齋、巽堂、寶峯寺、燕閒亭、會暇亭。暇輒賦詩其中。爲寓居八景。當時名賢如司馬光。蘇轍。均有唱和。餘詳下編南部章。

【邵伯溫】其父康節先生嘗曰。「世將亂。蜀安。可避居。及宋徽宗宣和末。載家使蜀。得免於難。以功除利州路轉運副使。餘詳下編略陽章。」

【閔正鳳】清廣元回教人。官廣西水師提督。駐節柳州。柳州廣西提督題名記碑。稱正鳳爲成都人。成都志略其姓氏事蹟。

【馬正泰】字履安。號清真子。清成都回教人。廣元營守備。善畫墨蘭。有石刻蘭草八幅。在皇澤寺。人爭拓搨。

【楊繼瑞】字古雪。清廣元人。蘇州同知楊璽之女。適遂寧張問萊。性婉淑。事親孝。善丹青。尤工於詩。著古雪詩詞鈔各數卷。

第八章 昭化縣

第一節 沿革

漢置葭萌縣、白水縣。屬廣漢郡。蜀漢改葭萌爲漢壽縣。晉改漢壽爲晉壽縣。復置晉安縣。劉宋置益昌縣。改白水爲平興郡。北魏改益昌爲京兆縣。分平興爲魚盤縣。北周復改京兆爲益昌。廢晉壽。隋省魚盤。復改晉安爲葭萌。平興爲景谷縣。唐因之。屬山南道。旋屬山南西道。後唐改益昌爲益光縣。宋復改益光爲益昌。省景谷。太祖開寶五年。又改益昌爲昭化縣。屬利州。元省葭萌。屬廣元路。明初省入廣元。洪武十三年復置。屬保寧府。清因之。民國初年屬四川省嘉陵道。今隸四川省第十四行政督察區。

第二節 疆域

【境界】東界廣元縣。西界江油縣、劍閣縣。南界蒼溪縣。北界甘肅文縣。東北界陝西寧強縣。西北界平武縣。

【縣城】明正德間築。三面臨江。門三。東曰迎風。西曰臨川。一曰登龍。北曰拱極。

【鄉鎮】一鎮。九鄉。一二八保。（城廂鎮。虎跳鄉。龍鳳鄉。黃龍鄉。白龍鄉。涼菖鄉。射箭鄉。寶輪鄉。盤龍鄉。三堆鄉。）

第三節 山川

【山谷】【牛頭山】在縣西二十里。清一統志云。「在縣西二十五里。」巨石聳立。遠望如牛。上有一池。久雨不盈。久乾不涸。蜀漢延熙十六年姜維攻魏雍州。出自牛頭山即此。

【高道山】在縣南一百二十里。

【木馬山】俗名大高山。在縣北八十里。清一統志云。「在縣西北。」元和志云。「在京谷縣西南二十五里。諸葛亮出祁山於此造木牛流馬以供運。因名。」蜀志云。「建興十年。亮休士勸農。於黃沙作流馬木牛畢。教兵講武。」黃沙。在陝西沔縣。

【漢王山】一名漢王寨。在縣東北四十里。山半有洞。銅劍印合悉具。相傳漢高祖駐蹕於此。

【長寧山】一名照山。亦名峩頭。在縣東南二百二十里。爲宋將王佐守禦元兵處。山頂大坪。可屯萬人。有大池。方廣數丈。清水澄澈。大旱不涸。名洗馬池。

【長平山】清一統志云。「在縣西南九十里。上平下險。其上有池。清澈不竭。宋王智於此築城。」

【白衛嶺】在縣西南四十里朝陽堡。清一統志云。「在縣西南五十里。與劍門相接。」東瀕嘉陵江。西抵高廟鋪。長岡連綿二十餘里。爲唐時驛道。名勝記云。「唐明皇幸蜀過此。封嶺神爲白衛公。」唐詩紀事云。「初明皇乘月登花萼樓。有歌李嶠詩者曰。富貴榮華能幾時。山川滿目淚沾衣。不見祇今汾水上。惟有年年秋雁飛。帝春秋衰邁。問誰詩。或對李嶠。淒然淚下。邊起曰。嶠真才子也。天寶十五載幸蜀。登白衛嶺。覽眺良久。又歌是詩。復曰。嶠真才子也。因泣下。高力士在側。亦揮淚不已。土人刻石紀其事。」

【富水洞】清一統志云。「在縣西北二十里，燃燭而入。過馬鞍橋。路極狹。有石牀石筍。」

【河流】嘉陵江。自廣元縣西流至五佛崖入縣境。又西南合白水。南逕縣城。又西南行。射箭河注之。逕黃金口。虎跳驛。至亭子口。入蒼溪縣界。清一統志云。「嘉陵江三十里達昭化縣界。二十里至縣城東北。合白水。」

【白水】卽羌水。在縣北二十里。發源甘肅岷縣西南西傾山。西逕武都縣、文縣。逕虎頭崖入縣境。南流合嘉陵江。水經注云。「白水西北出於臨洮縣西南西傾山。水色白濁。」寰宇記云。「白水江。從西番界東流到階州。流入文州。合嘉陵江。」清一統志云。「白水自微外流入。又東南流入四川保寧府昭化縣界。」又云。「白水江。自甘肅文縣流入。又東南入劍州昭化縣界。」又云。「自陝西階州文縣流入。又東南合嘉陵江。」

【靈寶河】 卽西谷水。通志作牛頭河。發源平武縣。逕縣北合白水。

【清水江】 一名黃沙河。在縣西北。自劍閣縣流至樓門場入縣境。逕安昌壩合白水。二流處。涇渭判然。明一統志云。「清水江。源出清川縣。」清一統志云。「清水江在平武縣。」

。又東逕劍州入昭化縣界。」又云。「東逕昭化縣西北二十里。又東入白水。水深十餘。」

【射箭河】 在縣南二十里。流入嘉陵江。水流湍激。舟行如箭。故名。

【龍湫】 在縣西三十五里。祈雨輒靈。明崇禎間有題聖人龍湫四字。書法適逸。墨蹟猶

【飛鵝峽】 在縣北四十五里。白水逕其中。峽腹有洞。廣容千人。確磨悉具。疑昔爲避難

第四節 物產

白鱗魚。(似鯉鱗白。一名白甲魚。)木耳。桃。竹實。(生於木竹。可磨爲麵食。)石麩。出石穴中。潔白如麵。土人掘以充飢。)香附。絲。綿綢。漆。蠟。蜜。桐油。柏木。(油燃燈。)炭。煤。砂金。黎澗石。(可以爲硯。)汶石。(紋細。以水沃之。宛然如畫。)

第五節 交通

【公路】 川陝路。自盤龍鄉至寶輪鄉。計長二五公里。

【關梁】【渡口關】 在縣東二里。詳上編名勝章。

【天雄關】 在縣西十五里。牛頭山。

【石門關】 在縣北二十里。清一統志云。「在縣西南。」元和志云。「在景谷縣南八十

里。」因山爲阻。鑿石爲門。故名。

【白水關】 在縣北一百二十里。後漢劉璋勅關戍諸將文書。勿復關通先主。先主斬白水軍

督楊懷於此。

【小劍戍】 卽大倉壩。一名劍溪口。大小劍溪合流入清水江處。清一統志云。「小劍城在昭化縣。」水經注云。「小劍戍西去大劍戍三十里。連山絕險。飛閣通衢。」元和志云。「在縣西南五十一里。去大劍戍四十里。謂之劍閣道。自縣西南踰小山入大劍口。卽秦使張儀、司馬錯伐蜀所由路也。亦謂之石牛道。」名勝記云。「小劍故城。在益昌縣西南五十里。其山截野橫天。奔峯倒地。挾楚包漢。呀秦擁蜀。劉先主以閣道至險。故置關尉。」

【馬鳴閣】 俗名馬頭寨。在縣北五十里。清一統志云。「在縣西北二十里。」諸葛亮出師。軍旅往來。皆經馬鳴閣。卽白水粗石棧偏橋。名勝記云。「漢先主遣將陳式絕馬鳴閣道以

拒曹操。操聞之歎曰。此關通漢中陰平。乃咽喉要道也。」

【漢晉驛道】 由寧強陽平關入蜀。至白水鎮北。緣白水東岸。過粗石棧。出茅班口。下石關。渡白水。逕紫關、安昌、寶輪、石橋、白田、大倉諸壩。再渡清水。經小劍戍西南。由劍溪古石牛道入劍閣。典略云。「劉備於是起館舍。築亭障。從成都至白水關四百餘區。」陳式絕曹操於粗石棧。姜維自橋頭入保劍閣。皆由此道也。

【唐驛道】 自縣城西龍爪灣。建棧閣。越山爲官店壩。下渡泥溪。上白衛嶺。直抵高廟前。唐玄宗僖宗幸蜀由之。

【望喜驛】 清一統志云。「在縣南。江水折而東流處。」元稹詩云。「滿目文章堆案邊。眼昏侵得暫時眠。子規驚覺燈又滅。一道月光橫枕前。」

【桔柏渡】 在縣城東。詳上編名勝章。

第六節 勝蹟

【葭萌舊縣】 在縣南。爲隋葭萌縣，前漢書作葭明。杜甫愁坐詩云。「高齋常見野。愁坐更臨門。十月山寒重。孤城月水昏。葭萌氏種迴。左擔犬戎存。終日憂奔走。歸期未敢論。」升庵詩話云。「葭萌左擔。皆地名也。李克蜀記。蜀山自綿谷葭萌。道徑險窄。北來擔負者。不容易肩。謂之左擔道。」

【晉壽故城】 在縣南。古苴侯國。

【景谷故城】 在縣西北。魏鄧艾侵蜀。自陰平山景谷道旁入。因縣北景谷得名。

【藥臺】 清一統志云。「在縣西。」明一統志云。「寶子明丹竈存焉。臺爐皆鐫石甃成。工極精巧。」

【興泉寺】 今名鳴水觀。在縣西南一百三十里。唐憲宗敕建。

【石城寺】 清一統志云。「在縣南一百里石城山。四面皆石。其形似城。宋時建。」

【大清觀】 清一統志云。「在縣西二十五里。元時建。」

【天主教堂】 在縣城內。

【基督教堂】 福音堂在縣城內。

【清真寺】 在涼水井大佛灘。清光緒時建。

第七節 紀聞

【廉范】 字叔度。漢京兆杜陵人。父遭喪亂。客死於蜀。范遂流寓西州。西州平。歸鄉里。年十五。辭母。西迎父喪。蜀郡太守張穆。范祖丹之故吏。重資遣范。范無所受。與客步負喪。歸葭萌。載船觸石。破沒。范抱持棺柩。遂俱沈溺。衆傷其義。鉤求得之。療救僅免於死。穆聞。復馳遣使。持前資物追范。范又固辭。范後官蜀郡太守。水經注云。「白水有津

關。廉叔度抱父柩自沈處也。」

【費禕】字文偉。蜀漢江夏鄆人。丞相諸葛亮卒。禕遷大將軍。錄尚書事。延熙七年。魏軍次於興勢。假禕節。率衆住禦之。光祿大夫來敏至。禕許別求共圍棊。於時羽檄交馳。人馬擐甲。嚴駕已訖。禕與敏留意對戲。色無倦容。敏曰。向聊試觀君。君信可人。必能辦賊者也。禕至。敵遂退。禕識悟過人。每省讀書記。舉目暫視。已究其意旨。其速數倍於人。終亦不忘。常以朝晡聽事。其間接納賓客。飲食嬉戲。加之博奕。每盡人之歡。事亦不廢。雅性謙素。家不積財。兒子皆令布衣素食。出入不從車騎。十六年。歲首大會。爲魏降人郭修所害。初。張嶷見費禕爲大將軍。姿性汎愛。待信新附太過。嶷書戒之曰。昔岑彭率師。來歙仗節。咸見害於刺客。今明將軍位尊權重。宜鑒前事。少以爲警。禕不聽。果被害。諡曰敬侯。墓葬縣西。祠在墓西。祠後有對奕草堂。清一統舊志云。「費禕墓在昭化縣西關外。」華陽國志云。「禕葬晉壽縣山。」

【何易于】唐益昌令。刺史崔朴。嘗乘春與賓屬汎舟。出益昌旁。索民挽繹。易于以百姓方耕。身引舟。朴驚問狀。易于曰。方春。百姓耕且蠶。惟令不事。可任其勞。朴愧與賓客俱驅去。

【雷萬春】昭化志云。「唐馬鳴閣獵戶。與張巡守睢陽被害。其兄海青雙瞽。善音。爲明皇樂工。安祿山支解之。」韓愈張中丞後序不詳其鄉里。武勝志稱南霽雲。河北頓丘人。特附

及之。

【徐昕】宋昭化守將。與閬巴守將張實。利州守將王佐。苦竹隘守將楊立相友善。度宗咸淳間。元世祖兵起。張實爲元將紐璘所獲。璘遣實往說楊立來降。實至苦竹隘。謂立曰。實受宋氏恩久矣。可斬實首級以降。立曰。公不死。而受遣以來。何不斬立首而降之。乃共誓死守。招逃散士卒。檄王佐徐昕之兵。與元兵夾戰蟠龍山柏林驛。斬獲數千級。元兵困守六月。後楊立張實與戰不勝而死。徐昕王佐走長寧山。鵝頂堡。據險固守。元取成都後。招降不從。以無糧自焚死。王佐事詳下編蒼溪章。

【雪庵和尚】

寓安昌壩。爲塾師自給。人欲爲其娶妻。立辭。後走南充善慶里祝髮。餘詳

下編重慶章。

第九章 劍閣縣

第一節 沿革

漢爲梓潼縣。蜀漢置漢陽縣。晉置劍閣縣。後省。劉宋分置華陽、武功、始平等縣。蕭齊分置南安、白水、胡原等縣。省漢德。梁置南梁州。後改安州。北魏改白水爲永歸縣。武功爲武連縣。廢始平。西魏改南安爲普安縣。華陽爲黃安縣。安州爲始州。隋改胡原爲臨津縣。唐乾元初改始州爲劍州。屬劍南道。復置劍門縣。改黃安爲普成縣。宋升劍州爲普安軍。又升爲隆慶府。屬利州東路。省永歸、臨津。元至元二十年復爲劍州。屬廣元路。省武連、普成、劍門。明省普安。屬保寧府。清因之。民國二年改劍州爲劍閣縣。屬四川省嘉陵道。今隸四川省第十四行政督察區。

第二節 疆域

【境界】東界昭化縣。西界江油縣。南界鹽亭縣。北界昭化縣。東南界南部縣。西南界梓潼縣。

【縣城】 明成化間築。門四。正德時以石砌。增門二。東曰青陽。西曰得勝。南曰化成。北曰漢陽。東北曰迎恩。西南曰鶴鳴。

【鄉鎮】 一鎮。二五鄉。三七七保。（普安鎮。北廟鄉。西廟鄉。柳溝鄉。龍源鄉。武連鄉。開封鄉。元山鄉。柘壩鄉。馬迎鄉。演聖鄉。仁和鄉。寶石鄉。江口鄉。木馬鄉。楊村鄉。白龍鄉。漢陽鄉。劍門鄉。三郎鄉。下寺鄉。張王鄉。香沉鄉。碑壩鄉。鶴林鄉。金仙鄉。）

第三節 山川

【山谷】【鶴鳴山】 一名東山。在縣城東二里。

【雲起山】 在縣南九十里。

【金仙山】 在縣南一百八十里。

【漢陽山】 卽故壘山。清一統志云。「在劍州北二里。峯壘高聳。爲州之主山。」寰宇記云。「有姜維拒鍾會故壘。因名故壘山。其山峭壁。下臨絕澗。」

【大劍山】 一名梁山。在縣北七十里。元和志云。「大劍山。在普安縣北四十九里。旁視衆嶺。猶平地也。巖下高百丈許。有石壁紅色。方如坐席。」明一統志云。「在劍州北二十五里。其山峭壁中斷。兩崖相嵌。如門之闢。如劍之植。」諸葛亮相蜀。鑿石架空。爲飛梁閣。

道。以通行旅。方輿勝覽云。「山有小石門。穿山通道。六丈有餘。卽秦時所開石牛道。漢永平中司隸楊厥。又鑿而廣之。卽鍾會侵蜀之路。」寰宇記云。「高梁山。在梁山縣東北。東尾跨江。西首劍閣。東西數千里。山嶺長峻。其脊崔嵬。」梁山縣。在忠縣萬縣間。

【小劍山】在大劍山西北三十里。與大劍山峯巒聯互。如城郭狀。下有隘路。俗名大釣巖、小釣巖。大劍雖號天險。有扼塞可守。崇墉之間。徑路頗夷。小劍鑿石架閣。有不容越者。

【掌天山】清一統志云。「在劍州東南。山出名柘。堪爲弓材。雖壓桑燕角。不能勝也。」

【兼山】在縣東南一百二十里。宋黃裳居此。

【五子山】一名五華山。在縣西北九十里。寰宇記云。「在武連縣北七十二里。西自龍州界迤邐。斜連馬關山頂。其山至此特起五峯。雁行相次。高五百丈。因名。」下有洞穴。幽邃蟠屈。探之不盡。

【憩鶴山】在縣西南王家河。有宋張椿書憩鶴山三大字碑。款題乾道乙酉歲端午日。廣漢張椿因邑士請易此名。椿。字大年。綿竹人。張栻兄弟行。碑於民國元年出土。字畫完整。作亭覆之。

【跨鶴山】一名駕鶴山。又名駕空山。在縣西南一百五十里。廢普成縣東。紫霄觀崖半。

有懷素草書。今已剝落。

【龍洞山】在武逆驛東。清一統志云。「在劍州西南。」高三百丈。山腹一洞。石壁如屋。中有九井。原名九龍山。唐天寶六年因貞觀間。山置九龍祠。敕改今名。

【七十二峯】即劍門諸峯。在縣東北八十里。奇峯聯綴。數之得七十有二。

【河流】【嘉陵江】在縣東七十里。自昭化縣南流入縣境。開溪逕縣城東南注之。永水注之。復入昭化縣界。清一統舊志云。「嘉陵江南過劍州東七十里。」

【聞溪】清一統志云。「在劍州東。源出五子把寨二山。合流入嘉陵江。」

【永水】源出涼山鋪。至漩口。流入嘉陵江。

【清水】即清水江。一名清漪江。發源平武縣西摩天嶺。至黃沙壩受大小劍溪。流入昭化縣會白水。清一統志云。「清水江。自龍安府平武縣流經劍州北界。」清一統舊志云。「在劍州北一百五十里。自龍安清川所流入」。

【大劍溪】源出漢源驛。元和志云。「大劍水出普安縣西北空冢山下。」逕大劍山。穿劍門而出。北折爲魚子溪。

【小劍溪】在大劍溪北。源出小釣巖。逕瀑布巖。兩水會於小劍戍。折流入清水江。水經注云。「小劍水西南出劍谷。東北逕其戍下。入清水。」

【西河】一名小潼水。源出五子山。西南流入閬中縣境。清一統舊志云。「小潼水源出劍

五子山溝。合揚帆水下流八十里。入南部縣界。爲西水河。」

【揚帆水】輿地紀勝云。「在陰平廢縣西四十里。泛漲奔注。望與揚帆。下與西水合。」

第四節 物產

胡桃。蕘。(寰宇記云。「劍州產蕘。」)椒。葛粉。(唐書地理志云。「劍州貢。」)耳。銀耳。巴戟。(元和志云。「劍州貢巴戟天重臺。」)柴胡。栝樓。白芨。芎藭。棟布。絲。(唐書地理志云。「劍州貢絲布。」)紗。(寰宇記云。「劍州貢紗。」)紬。(唐書地理志云。「劍州貢蘇薰席。」)紙。(唐書地理志云。「劍州貢蠲紙。」)正字通。「唐人以漿襪紙。使瑩。名曰蠲紙。」)柏。(在昔官道旁。)龍頭竹。籐杖。虎。豹。狐。炭。煤。金。(唐書地理志云。「劍州貢黠金。」)硫黃。異石。(質堅。色微赭。土法治鐵必取此石。置整爐中當火處。然後置鐵其上。火熾鐵鎔。此石不壞。土人咸稱寶完。)陶器。

第五節 交通

【公路】川陝路。自下寺場至界牌。計長九五公里。

【關梁】劍門關 在縣北大劍山。清一統志云。「在劍州東北六十里。卽劍閣道也。唐置

大劍鎮。後設關於此。」元和志云。「大劍鎮。在普安縣東北四十八里。姜維拒鍾會壘也。梁時於此置大劍戍。其山峭壁千丈。下瞰絕澗。飛閣以通行旅。」諸葛亮相蜀。於山中斷處。立劍門關。關之絕頂。有姜維城。爲維屯兵處。寰宇記云。「諸葛武侯相蜀。於此立劍門。以大劍山至此。有隘束之路。故曰劍門。」輿地廣記云。「蜀漢丞相亮。以大劍至小劍。當隘束之路。乃立劍門。以關道三十里。尤險。復置尉守之。」老學庵筆記云。「劍門關皆石無寸土。潼關皆土無卷石。雖皆號天下險固。要之潼關不若劍門。」晉張載有劍閣銘。晉書云。「張載安平人。父將蜀郡太守。太康初。載省文。經劍閣。以蜀人恃險好亂。因著銘以作誡。益州刺史張敏見而奇之。乃表上其文。武帝遣使鐫之於劍閣。銘曰。巖巖梁山。積石峨峨。遠屬荆衡。近綴岷嶓。南通印燹。北連褒斜。狹過彭碣。高踰嵩華。惟蜀之門。作固作鎮。是曰劍閣。壁立千仞。窮地之險。極路之峻。世濁則逆。道清斯順。閉由往漢。開自有晉。秦得百二。併吞諸侯。齊得十二。田生獻籌。矧茲狹隘。土之外區。一人荷戟。萬夫越趨。形勝之地。匪親勿居。昔在武侯。中流而喜。山河之固。見屈吳起。興實在德。險亦難恃。洞庭孟門。二國不祀。自古及今。天命匪易。憑阻佔昏。鮮不敗績。公孫旣沒。劉氏銜璧。覆車之軌。無或重跡。勒銘山阿。敢告梁益。」李德裕劍門銘云。「羣山西來。波積雲屯。地險所會。斯爲蜀門。層岑峻壁。森若戈戟。萬壑奔東。雙扉高關。翠嶺中橫。黯然黛色。樹若旌屏。以衛王國。」唐玄宗幸蜀。西至劍門詩云。「劍閣橫雲峻。鑾輿出狩回。翠屏千仞合。丹嶂五丁開。

木縈旗轉。仙雲拂馬來。乘時方在德。嗟爾勒銘才。」杜甫詩云。「惟天有設險。劍門天下。連山抱西南。石角皆北向。兩岸崇墉倚。刻壘城郭狀。一夫怒臨關。百萬未可傍。珠玉走原。岷峨氣悽愴。三皇五帝前。雞犬各相放。後王尚柔遠。貢職道已喪。至今英雄人。高視霸王。并吞與割據。極力不相讓。吾將罪真宰。意欲鏘疊嶂。恐此復偶然。臨風默惆悵。」游詩云。「劍門天設險。北鄉控幽秦。客主固殊勢。存亡終在人。棧雲寒欲雨。關柳暗知。羈客垂垂老。憑高一愴神。」又劍門城北望劍閣諸峯。青入雲漢。感蜀亡事。慨然有賦。「自昔英雄有屈伸。危機變化亦逡巡。陰平窮寇非難禦。如此江山坐付人。」蜀故云。「劍兩石壁。上鑄唐宋人碑碣無數。悉剝落斷缺。惟李義山、陸放翁、蘇東坡三碑。尙可披讀。乎懸崖絕壁。不得摹搨。」明知州李璧修復劍閣遺碑記云。「杜子美劍閣詩一碑。在南崖劍山。劍門制置二記。及留題唱和三碑。在小崖。正德戊寅夏。侍御姑蘇盧雍。按部蒞止。壁琢石。請書張孟陽劍閣銘。柳子厚劍門銘。李太白蜀道難。杜子美詩。及唐宋詩五章。公又作數首。並鐫之。」雍字師劭。善書。今爲川陝公路所經。關已拆卸。古詩碑均不及見。

【開遠戍】清一統志云。「在劍州東北。」元和志云。「鍾會故壘。一名開遠戍。在普安東北五十三里。亦名空冢戍。昔鍾會軍至此。旣度劍閣。居死地。遂倒糧掘冢。決爲死戰。無所埋。故曰空冢。後魏改名開遠戍。」

【武侯橋】清一統志云。「在劍州東。跨聞溪。相傳諸葛亮建。」宋房芝重修武侯橋記

云。「劍州治漢陽山之麓。下爲閬溪。蜀相武侯作石棧。以通道於劍閣。傳者謂然。」碑字隸書完整。在文廟側荒地中。

第六節 勝蹟

【劍門舊縣】 在劍閣東北。

【重陽亭】 在縣城南鶴鳴山。清一統志云。「在劍州東。」方輿勝覽云。「在郡東山之陽。」唐宣宗大中間刺史蔣侑創。李商隱序而銘之。序碑字多漫滅。後於剝落處重鐫。而目已非。古重陽亭四字石刻。爲宋知州張洸書。洸字君玉。江源人。亭側有石崖。廣丈餘。刻顏真卿所書元結中興頌。中興頌原刻在永州浯溪。宋吳玠摩刻於此。

【思賢樓】 清一統志云。「在劍州東北七十五里。劍門關水門上。有晉張載。唐李白、杜甫、柳宗元畫像。今圯。」

【清義碑石刻】 隆慶府碑目云。「清義何氏古碑。在劍門縣。有登高臺。存一古碑。何氏有名慕者。生四子。孝、弟、義、遜。家八十口。不異居。唐儀鳳二年。敕賜清義門。」

【忠勤祠】 清一統志云。「在劍州北一百二十里。祀蜀漢姜維。」劍門驛東北里許。有姜平襄祠。卽鉢孟寺。寺後大石高矗。建閣其上。肖姜維像於中。石體圓滑。狀如鉢孟。故名。古夫子亭雜錄云。「四川劍州有小廟。祀鄧艾。余欲告州守廢之而未果。追賦一詩云。中屠曾

毀曹瞞廟。常侍（高適）還焚董卓祠。劍閣至今思伯約。蜀巫翻賽夔陽兒。（鄧艾）後閱唐彥謙詩云。「昭烈遺黎死尙羞。揮刀砍石恨譙周。如何千載留遺廟。血食巴山伴武侯。三代之直。古今人所同也。」宋洪咨夔知龍州時。亦毀鄧艾祠以祀諸葛。告其民曰。毋事仇讎。而忘父母。

【覺苑寺】在武連驛西里許。唐貞觀中建。宋元豐時敕今名。規制宏麗。敕牒石刻尙存。左有郭璞種松碑。門旁有顏真卿書逍遙樓三大字碑。款題大曆五年正月一日。及陸游宿武連縣詩碑三石。郭碑云。「縣路翠。武功貴。縣路青。武功榮。岷山何傍茲地勉。忠孝翊聖世慶元。」璞晉人。武功爲劉宋置縣。此託名也。顏碑原在廣西臨桂縣。逍遙樓在山西臨漳縣。後趙石虎所建。唐太宗、玄宗幸此皆有詩。魯公嘗爲蒲州刺史。王璵書表此三字。爲公刺撫州時追書。陸游詩云。「平日功名浪自期。頭顱到此不難知。宦情薄似秋蟬翼。鄉夢多如春繭絲。野店風霜趣裝早。縣橋燈火下程遲。寒鞭熨手戎衣窄。忽憶南山射虎時。」

【明皇寺】在縣東北三十里。傳唐明皇駐蹕於此。寺無偶像。供大唐玄宗皇帝木主。

【聖壽寺】清一統志云。「在州治南。宋嘉定中建。」

【香沈寺】在縣南一百六十里。元母大成建。殿書大元國四川道廣元路思都鄉。墨蹟存。

【告成寺】在縣西一百四十里。寺側有雙井。上下相連。水色各異。上白下綠。旱潦如

一。

【誌公院】在劍門關外十里。院東石壁間。若僧負杖。杖端髻髻有刀尺佛子之狀。

【仙女觀】在縣東北五十里。清一統志云。「在州東北。唐先天二年建。」

【洞真觀】在縣南一百六十里。橫翠閣前。宋治平元年敕建。

【天主教堂】在縣城內。

【清真寺】在縣城內。今失。

第七節 紀聞

【諸葛亮】字孔明。蜀漢琅琊陽都人。早孤。躬耕隴畝。好爲梁父吟。每自比於管仲、樂毅。徐庶謂先主曰。諸葛孔明者。臥龍也。此人可就見。不可屈致也。由是先主遂詣亮。凡三往。乃見。先主定蜀。策亮爲丞相。錄尙書事假節。後領司隸校尉。章武三年。先主於永安病篤。召亮於成都。屬以後事。亮涕泣曰。臣敢竭股肱之力。效忠貞之節。繼之以死。後主建興元年。封亮武鄉侯。開府治事。又領益州牧。三年亮率衆南征。其秋悉平。國以富饒。五年。率諸軍北駐漢中。臨發。上疏。十二年春。亮悉大衆。由斜谷出。據武功五丈原。分兵屯田。爲久住之基。耕者雜於渭濱。居民之間。而百姓安堵。其年八月卒於軍。遺命葬漢中定軍山。因山爲墳冢。足容棺。斂以時服。不須器物。初。亮自表後主曰。成都有桑八百株。薄田十五

頃。子弟衣食。自有餘饒。若臣死之日。不使內有餘帛。外有贏財。以負陛下。及卒。如其所言。詔爲亮立廟於沔陽。廟有唐御史沈迥碑。襄陽記云。「亮初亡。所在各求爲立廟。朝議以禮秩不聽。百姓遂因時節私祭於道陌上。步兵校尉習隆。中書郎向充其上表。宜因近其墓。立之於沔陽。於是始從之。」

【姜維】字伯約。蜀漢天水冀人。少孤。與母居。好鄭氏學。諸葛亮與張裔、蔣琬言曰。姜伯約忠勤時事。思慮精密。涼州上士也。又曰。既有膽義，深解兵意。心存漢室。而才兼於人。亮卒。爲右監軍。輔漢將軍。統諸軍。進封平襄侯。遷鎮西大將軍。領涼州刺史。景耀六年。鍾會將向略谷。鄧艾將入沓中。維爲鄧艾所摧。還住陰平。聞關口已下。舍陰平而退。還保劍閣以拒會。後主請降於艾。乃投戈放甲。詣會於涪軍前。會既構鄧艾。因將維等詣成都。自稱益州牧以叛。魏將士憤發殺會及維。維妻子皆伏誅。干寶云。「姜維爲蜀相。國亡主辱弗之死。而死於鍾會之亂。惜哉。非死之難。處死之難也。是以烈士。見危授命。投節如歸。」

【黃裳】字文叔。宋普成人。少穎異。能屬文。官禮部尙書。尋兼侍讀。爲人簡易端純。推賢樂善。每講讀隨事納忠。上援古義。下揆人情。氣平辭切。事該理盡。恥一書不讀。一物不知。諡忠文。黃裳有二人。一字冕仲。延平人。宋崇寧間官禮部尙書。

【陳槩】字平甫。宋普成人。登乾道中進士。與兄栗講明伊洛之旨。作潔白堂自警。張南

軒爲之記。

【李璧】字白夫。明廣西武緣人。正德中知劍州。南至閬中。西至梓潼。三百餘里。官道兩旁。手植柏十萬株。至今猶存。隴蜀餘聞云。「自劍州以南。盡梓潼縣界。古柏千株。皆大數十圍。形狀詭異。有一株根裂爲二。巨石負之如最屨之狀。有一根而三四幹。高皆入雲。蜀道奇觀也。」

【徐尙卿】明福建南平舉人。劍州知州。蜀故云。「崇禎丁丑。賊攻劍門。州吏士寒石牛道。不得過。回屯江口。疾趨攻劍州。城將破。尙卿召士民語之曰。城不可守。吾維有死耳。爾等當避之。衆不忍去。復書城空不可守。仗節爲誰危。苟竄那無計。殊羞孤影隨。語匿懷中。城陷自縊死。」

【袁茵】香閨遺集云。「茵。蜀宮人。花蕊夫人侍兒也。國亡。夫人入宋。茵不肯從。過劍閣。自投崖下死。其墜處。石上點點作珊瑚斑。」隨園詩話云。「袁茵君。名沅。年十五。入蜀王昶宮中。給事花蕊夫人。未進御而宋兵入蜀。茵君匿民間。被人搜得將獻之。行次劍閣。投水死。年才十八。今石壁間有垂紅珊瑚樹者。卽其藁葬所也。」花蕊夫人事。詳下編廣元章。

第十章 蒼溪縣

第一節 沿革

漢爲閬中縣。後漢置漢昌縣。晉分置蒼溪縣。寰宇記謂以蒼溪谷得名。劉宋省。蕭齊分置安縣。梁分置義陽郡。北魏廢義陽爲奉國縣。改宋安爲歧坪縣。隋改漢昌爲蒼溪縣。唐屬閬中。宋省歧坪。元省奉國。明初省入閬中。旋復置。屬保寧府。清因之。民國初年屬四川省嘉定。今隸四川省第十四行政督察區。

第二節 疆域

【境界】 東界南江縣。西界昭化縣。劍閣縣。南界閬中縣。北界廣元縣。旺蒼縣。東南界中縣。西南界南部縣。

【縣城】 明正德間以石砌。門四。東曰迎旭。西曰通濟。南曰觀瀾。北曰親賢。

【鄉鎮】 一鎮。一四鄉。二八八保。（城廂鎮。玉樹鄉。東青鄉。五峯鄉。伏迴鄉。五龍。元中鄉。歧白鄉。岳瀾鄉。龍彭鄉。文連鄉。高黃鄉。東石鄉。龍王鄉。三川鄉。）

第三節 山川

【山谷】紫練山 在縣東十五里。張飛與張郃戰。屯兵於此。

【大獲山】 在縣東三十里。清一統志云。「在縣東南三十里。」石城四周。天生奇險。東河環其下。宋淳祐中嘗徙閬州治於此。

【老鷓山】 一作老池山。在縣城南。嘉陵江西岸。

【小錦屏山】 在縣城南。詳上編名勝章。

【離堆山】 一名白鶴山。在縣城北。清一統志云。「在縣東五里。」顏真卿所書離堆記。在南部縣新政壩對岸。廣輿記誤爲蒼溪離堆山。

【雲臺山】 一名天柱山。清一統志云。「在縣東南三十五里。」寰宇記云。「高四百丈。上方百里。有魚池。宜五穀。無惡毒。可度災。」

【長寧山】 在縣西北五十里。交昭化縣界。山勢磅礴。

【河流】嘉陵江 在縣西北。自昭化縣鴛溪口流入縣境。逕亭子口。小浙河。繞縣城至千魚寺。入閬中縣界。清一統舊志云。「嘉陵江。歷一百十里。達蒼溪縣界。又六十里。過縣城西。曲東南繞城南下。三十里達閬中縣界。」

【東河】 古爲東遊水。一名宋江。寰宇記云。「東流水。一名宋熙水。」有二源。一發源

吐蒼縣藁本山。一發源南江縣七眼洞。水經注云。「水出巴嶺。南歷獠中。」輿地紀勝云。「源出興元廉水縣」。逕旺蒼縣白沙壩入縣境。至青田灘入閬中縣。清一統舊志云。「東河源出鹽井河。南流百餘里。經廣元縣東一百三十里。」清一統志云。「在廣元縣東二百里。自陝西寧羌州流入縣界。」又云。「又西南百餘里。至白沙壩入蒼溪縣界」。今廣元縣東劃入旺蒼縣境。

第四節 物產

麥。(麥花於午。香味獨異。)赤黍。刺巴格魚。江團。(亦名肥鮓。)薑。葱。(經年不枯。)梨。(每年驚蟄前後數日。用利刃劈端好梨枝。不令斷。以土罐承之而實以土。俟生根入罐。再栽之。八九月果熟。碩大逾斤。味甘香美。嚼之無滓。)麥冬。半夏。芍藥。石斛。紅花。金銀花。棉。絲。紙。蠟。菸。桐油。獮。(於小溪亂石中。視其足跡。卽知巢穴。先網其戶。再熏以火。卽得。取以捕魚。)木材。柴。炭。金。砂金。硝。

第五節 勝蹟

【大獲城】清一統志云。「在大獲山上。宋紹定中。都統孫臣、王堅築。淳祐三年制置使余玠修築此城。爲圓州治。城因石巖爲之。中通四門。周二里。」石壁削立。三面臨江。余玠

事詳下編合川章。

【放船亭】在縣西南。詳上編名勝章。

【遊春臺】今名杜里。在縣南三里。傳杜甫遊春處。

【馬援祠】在胡李山北二十里大營山砦。馬援南征時。紮營其上。今建祠。

【張王廟】在縣南十里。前爲瓦口關。蜀漢張飛屯兵禦張郃處。建安二十年冬。張飛領巴西太守。魏將張郃欲徙其民於漢中。進軍宕渠、蒙頭、蕩石。飛迎戰。大敗之。郃收聚敗兵。退保瓦口關。堅守不出。飛乃率精卒萬餘人。距關二十里屯紮。瞥見山窪僻徑。男女數人。皆攀藤附葛而走。飛問其何來。告以欲還漢中。因闔中官道閉塞。今過此從梓潼取路而還。飛遂引軍。自梓潼山小道出瓦口關背。邀擊郃軍。山道窄狹。郃前後不得相救。遂大破之。郃棄馬緣山。獨與麾下十餘人走。蜀志云。「夏侯淵張郃屯漢中。數數犯暴巴界。先主令張飛進兵宕渠。與郃等戰於瓦口。破。郃等收兵還南鄭。」又云。「郃別督諸軍下巴西。欲徙其民於漢中。進軍宕渠、蒙頭、蕩石。與飛相拒五十餘日。飛率精卒萬餘人。從他道邀郃軍交戰。山道窄狹。前後不得相救。飛遂破郃。郃棄馬緣山。獨與麾下十餘人。從間道退。引軍還南鄭。巴土獲安。」輿地紀勝云。「八濛山。在流江縣東北七里。起伏八處。有水環之。不匝者一里。常有霧濛其上。故名。卽張飛破張郃處。」清一統志云。「八濛山在渠縣東北。」張飛破郃。當不在蒼溪。餘詳下編閬中章。

【慈雲閣】在縣西南。詳上編名勝章。

【鹿苑寺】清一統志云。「在縣城北關外。宋淳熙中建。」

【雲臺觀】一名永安觀。在縣東南二十里。雲臺山。宋時建。傳爲張道陵飛昇處。晉顧愷有畫雲臺山記。張道陵。字漢輔。犍爲人。漢時拜江州令。後解官學道。李膺益州記云。鶴鳴山登仙之所。有銘記云。張道陵爲蝮蛇所吸。門徒以爲登仙。「觀旁有葛稚川讀書巖。川。名洪。句容人。晉書本傳。洪未嘗入蜀。」

【天主教堂】在三川鄉殷家坪。

【基督教堂】在五龍鄉新店子。

第六節 紀聞

【元稹】字微之。唐時人。被謫徒。流寓蒼溪。作寄揚州兄弟有感詩云。「蒼溪縣下嘉陵。入峽穿江到海流。憑杖鯉魚將遠信。雁回時節到揚州。」

【王佐】字翼順。宋天水軍人。寶祐時爲利州守將。元兵進圍。戰不利。縣令降。遂不屈。其子及徐昕等四十餘人皆及難。佐墓葬亭子口。昭化志稱在長寧山西南十里。徐昕事詳下昭化章。

第十一章 閬中縣

第一節 沿革

秦置閬中縣。屬巴郡。後漢屬巴西郡。晉因之。劉宋屬巴西郡。西魏爲隆州。隋改爲閬內縣。唐初復爲隆州。分置思恭縣。後省。先天二年。改爲閬州。天寶初。改爲閬中郡。乾元初。復爲閬州。屬山南道。五代後唐置保寧軍。宋初復爲閬州。後爲安德軍。屬利州路。後屬利州東路。淳祐三年移州治蒼溪縣大獲山。元復爲閬中縣。後升保寧府。以閬中爲府治。屬廣元路。明屬保寧府。清因之。民國初年廢府制。屬四川省嘉陵道。今隸四川省第十四行政督察區。

第二節 疆域

【境界】 東界儀隴縣。西界南部縣。南界南部縣。北界蒼溪縣。東北界巴中縣。

【縣城】 明洪武四年以石砌。門四。曰迎和。曰延禧。曰寶城。曰敦吉。

【鄉鎮】 一鎮。二〇鄉。三三七保。八城廂鎮。金壩鄉。千佛鄉。天安鄉。水觀鄉。老鶴

鄉。雙龍鄉。玉台鄉。石灘鄉。柏壩鄉。妙高鄉。二龍鄉。鳳鳴鄉。河溪鄉。井溪鄉。興農鄉。石龍鄉。望壩鄉。濫泥鄉。洪山鄉。雙合鄉。）

第三節 山川

【山谷】文城山 清一統志云。「在縣東三十里。峯巒聳列。林木葱蒨。」

【琳琅山】 在縣東七十里。峻峭雄拔。

【錦屏山】 一名閩中山。在縣南。詳上編名勝章。

【盤龍山】 一名蟠龍山。在縣北三里。清一統志云。「在縣東。」輿地紀勝云。「在縣東北三里。以形得名。」蜿蜒磅礴。橫闊十餘里。寰宇記云。「閩州盤龍山。南有一石。長四十九。高五尺。當中有戶及扇。若人之掩閉。」

【玉臺山】 在縣北七里。盤龍山左。

【青崖山】 清一統志云。「在縣東南十里。座陵江東岸。」

【大佛巖】 在塔山右。宋淳熙時鑿石壁佛像。高二丈八尺。故名。

【南巖】 卽召星巖。清一統志作東巖。爲陳堯叟兄弟讀書處。蜀山考云。「閩州五山峙列如屏。有讀書崖。」

【河流】嘉陵江 在縣北。自蒼溪縣小土關流入縣境。至縣城北滴水關下。折而東南流。

至龍王潭。閩水注之。逕錦屏山。至馬嘯溪。爲塔山所遏。折而北流。又東至靈山下。合東河。再折而西南。至和溪關。濩溪水注之。逕彭城壩。入南部縣界。清一統志云。「嘉陵江三十里。達閩中縣界。又二十里。至郡城西。轉東十里。合宋江。又南八十里。達南部縣界。」

【閩水】 卽白溪濩水。周地圖云。「閩中水。亦曰閩江。」清一統志云。「在縣西。」水經注云。「閩水出閩陽縣。而東逕其縣南。又東注漢水。」寰宇記云。「閩水迂曲。環經其三面。縣居其中。故取爲縣名。」杜甫閩水歌云。「嘉陵江色何所似。石黛碧玉相因依。正憐日破浪花出。更復春從沙際歸。巴童蕩槳欹側過。水雞銜魚來去飛。閩中勝事可腸斷。閩州城南天下稀。」

【東河】 卽東遊水。一名宋江。自蒼溪縣青田灘流入縣境。東南流。又折而西北。至靈山下。合嘉陵江。清一統舊志云。「東河又二百里。至青田灘。入閩中縣界。又南流五十里。經縣東十里入江。」

【濩溪】 一名苟溪河。清一統志云。「在蒼溪閩中二縣界。」逕和溪關入嘉陵江。水經注云。「濩溪水出獠中。世亦謂之清水。東南流注漢水。」

【西水河】 在縣西南。發源劍閣縣五子山。逕南部縣入縣境。曲折東南流三十餘里。至梁家坡、余家口。仍入南部縣界。清一統舊志云。「西水河。東南流七十里。入閩中縣界。經縣西南五十五里。流十五里。仍入南部界。」

【彭道將池】在縣南十五里七里壩。清一統志云。「池在縣南。」寰宇記云。「在閬州西南。」漢書地理志云。「彭道將魚池在西南。」四夷述云。「州東南有南池。東西二里。南北約五里。州西南十里有郭池。周約五十畝。二池與漢志注相符。」清一統志云。「自漢以來。堰大斗小。斗水溉田。里人賴之。唐時堰壞。漸成平陸。」舊唐書職官志云。「水中斗門灌漑。堤堰設閘。以便宣洩。謂之斗門。」杜甫南池詩云。「崢嶸巴閬間。所向盡山谷。安知有蒼池。萬頃受坤軸。呀然閬城南。枕帶巴江腹。菱荷入異縣。粳稻共比屋。皇天不無意。美利戒止足。高田失西成。此物頗豐熟。清源多衆魚。遠岸富喬木。獨嘆楓香林。春時好顏色。南有漢王祠。終朝走巫祝。歌舞散靈衣。荒哉舊風俗。高堂亦明王。魂魄猶心直。不應空陂上。縹緲親酒食。淫祀自古昔。非惟一川瀆。干戈浩茫茫。地僻傷極目。平生江海興。遭亂身局促。駐馬問漁舟。躊躇慰羈束。」

【龍爪灘】在縣南。詳上編名勝章。

第四節 物產

麵。(取南麥碾細。以重羅篩之。色白如雪。製爲蒸饅。雖經數月。去其外霉。以水浸潤。蒸之移時。色香如故。)肥鮑。蟹。(有躋無黃。)鹽。(唐書地理志云。「閬中有鹽。」)醋。(以麥麩製成。色微黃。味略甘。)冬瓜片。桃。半夏。(其實有躋。製半夏

糶。治勞傷痰咳。生地。沙參。玄胡。桔梗。龍膽草。當歸。（寰宇記云。「閩州貢當歸。」）布。（寰宇記云。「閩中產獠布。」）絲。綾。絹。（唐書地理志云。「閩州貢蓮綾。綿絹。紬縠。」寰宇記云。「閩州產重蓮綾。」）紙。蠟。桐油。皮革。豬鬃。金。砂金。石膏。硝。琳琅石。（可製硯及印章。）

第五節 交通

【公路】 成閩路。由閩中經三台達成都。自縣城至老鴉崖。計長三〇公里。

第六節 勝蹟

【閩中故城】 在今縣西。通典云。「閩中城。名高城。前臨閩水。後據連岡。」

【閩苑】 清一統志云。「在縣西故城內。」輿地紀勝云。「唐初魯王靈夔。滕王元嬰。相繼鎮是州。以衙宇卑陋。遂修飾宏大之。擬於宮苑。謂之隆苑。後避明皇諱。改爲閩苑。中有五城。宋德之爲守。又建碧玉樓於西城西南隅。亦名十二樓。以成閩苑之勝概。」元嬰。爲高祖第二十二子。都督洪州。數犯憲章。徙授隆州刺史。

【滕王亭】 在玉臺山畔。唐滕王元嬰建。杜甫詩云。「君王臺榭枕巴山。萬丈丹梯尙可攀。春日鷓鴣啼修竹裏。仙家犬吠白雲間。清江錦石傷心麗。嫩藥濃花滿日斑。人到於今歌出

牧。來遊此地不知還。」又云。「寂寞春山路。君王不復行。古牆猶竹色。虛閣自松聲。鳥雀荒村暮。雲霞過客情。尙思歌吹入。千旗把霓旌。」

【東樓】在縣南。清一統志云。「在府城南嘉陵江上。」名勝志云。「東樓舊跨府城上。」杜甫閬州東樓筵送十一舅赴青城縣詩云。「府城有高樓。制古丹雘存。迢迢百餘尺。豁達開四門。雖有車馬客。而無人世喧。遊目俯大江。列筵慰別魂。是時秋冬交。節往顏色昏。天寒鳥獸休。霜露在草根。今我送舅氏。萬感集清樽。豈伊山川間。迴首盜賊繁。高賢意不暇。王命久崩奔。臨風欲慟哭。聲出已復吞。」

【南樓】在縣南。清一統志云。「在府城南。」唐滕王元嬰建。方輿勝覽云。「閬州江山奇秀聞天下。直前據其會曰南樓。」

【華光樓】在縣城東南江岸。詳上編名勝章。

【敵萬樓】清一統志云。「在府城內。」輿地紀勝云。「在郡城內。張翼德雄威廟門之上。」

【整暇臺】清一統志云。「在縣北十里。宋建。黃庭堅有記。」

【占星臺】一名觀象臺。在盤龍山。傳爲袁天綱築。以占天象。

【讀書臺】在縣南七里壩。爲鮮于侁讀書處。下有井。里人稱鮮于井。鮮于侁事詳下編廣元南部章。

【慶林觀銅鐘】鐘原在合川縣。後移閬中郡樓。清時移置衙神祠。旋置清遠樓。復移縣署後鳳凰樓。今置綏靖公署左。鐘高二尺餘。徑三分圍之一。上下無侈弇。銅色斑駁可愛。叩之鏗然。文曰。「維大周長安肆季。歲次甲辰。拾伍。癸丑朔貳。甲寅。合州慶林觀主蒲真應等。奉爲聖神皇帝陛下。敬造洪鐘一口。重肆佰斤。普及法界蒼生。並同斯福。朝議郎行合州司馬烏德表。」鐘字。陰正書。傳明成化中。嘉陵江水暴漲。鐘自合川逆流而上。至閬中止焉。史稱武后作罌。而壑。①。困。○。風。惠。風。傘。击。十有二文。通鑑謂改照。天。地。日。月。星。君。臣。載。初。年。正之文。傘卽年。匹卽月。①卽日。聖卽聖。長安爲武后稱周第十改元。吳省欽長安鐘拓本書後云。「乾隆三十年。郡守歙縣江權自郡樓移此。此以年爲卒。唐自下達上之制。疑馬德以表開。非姓馬。名德表。」按鐘文年作傘。名作烏德。非馬德也。

【鐵塔】塔爲唐天寶南部縣王氏鑄。後置閬中東門內鐵塔寺。今與慶林觀銅鐘。同置綏靖公署左。有亭覆之。塔形八方。高一丈五尺。上鑄陀羅尼佛經。字近八分。皆陽文。塔上有鐵頂。仰山堂雜記云。「塔形六面。四方。高約丈許。鑄陀羅尼經。以八分書。經字末數行云。右南部縣王襲經及妻嚴十五。與諸施主奉爲開元天寶聖文神武皇帝陛下。及法戒蒼生。敬造此塔。万氏供奉。天寶四載二月八日。築成。下有唐安郡劉潘生六字。此塔隸體飄逸。極類曹景完碑。惜陽文多剝蝕。而得者猶珍之。」按塔形八方。誤爲六面。末行全妻嚴十五。誤作及

妻。

【張桓侯石刻】 碑目考云。「閬中有張桓侯與張遼書石刻。漢文八分書。今不存。」

【石室觀碑】 在風谷洞。有唐碑三。一爲貞觀十三年記開鑿碑。一爲神龍二年藏經碑。一爲廣明元年裝修天尊記碑。字俱剝蝕。

【行道觀音像】 在縣東北九十里新鳳場奉國寺。石闕八寸。高一尺有奇。上刻大士像。題行道觀音之像六字。右側題定光院僧澄立石。澄上一字已模糊。又吳道子筆四字。在左行下處。庭堅來觀四字。在右行之下。石理不堅。漸失真意。

【桓侯廟】 在城內。昔府署東。清一統志云。「張侯祠。在縣治北。」方輿勝覽云。「在閬州治東。祀蜀漢張飛。」曾鞏桓侯廟記云。「閬州於蜀爲巴西郡。蜀車騎將軍領司隸校尉西鄉張侯。名飛。字翼德。常守是州。至今千有餘年。而廟祀不廢。每歲大旱。禱雨輒應。嘉祐中。比數歲連熟。閬人以爲張侯之賜也。乃相與率錢治其廟舍。大而新之。侯以智勇爲將。號萬人敵。當蜀之初。與魏將張郃相拒於此。能破郃軍。以安其土。可謂功施於人矣。其沒也。又能澤而賜之。則其食於閬人。不得而廢也。豈非宜哉。」破郃軍事詳下編蒼溪章。吳省欽桓侯廟記云。「保寧郡治東三十步。有張桓侯廟。廟屋凡三重。閬人每爲予言。獻賊犯城。夜見巨人。坐城上而濯足於江。遂駭然而退。」馬跑泉側。曾掘鐵鞭一具。閬人以爲桓侯故物。送置廟中。鞭長尺五寸許。形四方。闊約一寸。下凡五節。中一節獨圓。爲著手處。上計二十四

節。頗有刃。重約四十餘斤。後爲治人重鑄。規而圓之。廟內有大小鐵矛各一。大者後人所鑄。小者形頗古。上端之刃。曲折如蛇。廟前鐵獅二。明萬曆間鑄。廟後爲桓侯墓。寰宇記云。「墓在刺史大廳東二十步。高一丈九尺。」曾鞏云。「閬州之東。有張侯之冢。」吳省欽云。「廟最後一邱隆然。敗垣繚之。」清一統志云。「墓在閬中縣西故城中。」又云。「在華陽縣萬里橋南。」蜀志云。「張飛字翼德。涿郡人。少與關羽俱事先主。羽年長數歲。飛兄事之。曹操入荊州。先主奔江南。曹追之。一日一夜。及於當陽之長阪。先主棄妻子走。使飛將二十騎拒後。飛據水斷橋。瞋目橫矛曰。身是張益德也。可來共決死。敵皆無敢近者。先主爲漢中王。拜飛爲右將軍假節。章武元年。遷車騎將軍。領司隸校尉。進封西鄉侯。飛雄壯威猛。亞於關羽。咸稱萬人之敵。先主伐吳。飛當率兵萬人。自閬中會江州。臨發。其帳下將張達范疆殺飛。追諡曰桓侯。」華陽墓。或衣冠冢也。

【開元寺】在縣東二里。觀音寺側。爲唐名刹。

【大像寺】清一統志云。「在府城內。後唐天成中建。」

【大佛寺】宋名佛昌院。在縣東塔子山。

【石城寺】在縣東四十里。宋治平時建。

【彌勒寺】在縣南七十里羊還山。元至正間建。

【太清觀】原名香城宮。在縣城北。宋宣和二年趙宗堯香城宮碑記。謂肇於東晉。迨宋建

。賜額香城。」今碑移東嶽廟。字不可辨識。

【玉臺觀】清一統志云。「在縣北玉臺山上。唐滕王元嬰建。」方輿勝覽云。「在閩州北甲。唐滕王嘗游。有亭及墓。」杜甫詩云。「中天積翠玉臺遙。上帝高居絳節朝。遂有馮夷擊鼓。始知嬴女善吹簫。江光隱見鼉鼉窟。石勢參差烏鵲橋。更肯紅顏生羽翼。便應黃髮老樵。」又云。「浩劫因王造。平臺訪古游。綵雲簫史駐。文字魯恭留。宮闕通羣帝。乾坤到洲。人傳有笙鶴。時過此山頭。」

【紫雲觀】在縣東一百二十里。宋嘉定間建。

【天主教堂】二。一在城內學道街前。一在大寶寨山下。

【基督教堂】七。一在縣城郎家拐。一在縣東千佛場。一在縣東唐清壩。一在縣東涼水。一在縣東解元場。一在縣北老鶴場。一在縣東北白廟場。

【清真寺】五。一在縣城東南禮拜寺街。清康熙二十七年川北鎮總兵固原馬子雲建。一在城東淨聖庵街。清光緒時建。今被日本飛機投彈炸毀。一在縣北盤龍山。俗稱巴巴寺。清康時建。一在縣東文城山。一在錦溪河。俱清時建。

第七節 紀聞

【范目】漢閩中人。漢王王巴蜀。目有恩信。王將征關東。饗民思歸。王嘉其功。而難傷

其意。遂聽還巴。秦地定。封目閬中慈鄉侯。

【洛下閻】字長公。漢巴郡人。隱於洛下。桓譚新論稱洛下黃閻。謂始姓黃。一作落下閻。武帝時。徵拜待詔太史。定渾天儀。改顛頂曆爲太初曆。然後日辰之度。與夏正同。

【譙玄】字君黃。閬中人。少好學。能說易春秋。王莽居攝。玄縱使者車。變易姓名。間竄歸家。後公孫述徵之。云。若不肯從。便賜毒藥。玄仰天嘆曰。保志全高。死亦何恨。遂受藥。子瑛。泣血叩頭。願奉家錢千萬。以贖父死。述許之。玄遂隱田野。

【馬忠】字德信。蜀漢閬中人。少養外家。姓狐名篤。後乃復姓改名。先主還永安。見忠與語。謂劉巴曰。雖亡黃權。復得狐篤。此爲世不乏賢。後拜鎮南大將軍。平尙書事。忠爲人寬濟。有度量。但談調。大笑忿怒。不形於色。然處事能斷。威恩並立。是以蠻夷畏而愛之。及卒。莫不自致喪庭。流涕盡哀。爲之立廟祀。

【程畿】字季然。蜀漢閬中人。劉璋時。爲漢昌長。巴西太守龐羲。以天下擾亂。郡宜有武衛。頗招合部曲。有讒於璋。羲聞甚懼。將謀自守。遣畿子郁宣旨。索兵自助。羲使人謂曰。爾子在郡。不從太守。家將及禍。畿曰。昔樂羊爲將。飲子之羹。非父子無恩。大義然也。今雖復己子。吾必飲之。後從先主征吳。爲敵船共擊死。

【馬齊】字承伯。蜀漢閬中人。爲張飛功曹。飛貢之先主。後復爲飛參軍。

【姚仙】字子緒。蜀漢閬中人。廣漢太守。諸葛亮駐漢中。並進文武之士。亮稱曰。忠益

者。莫大於進人。進人者。各務其所尙。今姚掾並存剛柔。以廣文武之用。可謂博雅矣。

【黃崇】蜀漢閬中人。權子。權降魏。崇留蜀爲尙書郎。隨諸葛瞻拒鄧艾。至綿竹。崇帥厲軍士。期於必死。臨陣見殺。

【袁天綱】唐成都人。精術數。官火井令。嘗至閬州。寓盤龍山。

【杜甫】嘗避亂閬中。寓城東。後人葺其居爲工部草堂。發閬中詩云。「前有毒蛇後猛虎。溪行盡日無村塢。江風蕭蕭雲拂地。山木慘慘天欲雨。女病妻憂歸意速。秋花錦石誰復數。別家三月一得書。避地何時免愁苦。」又自閬州領妻子卻赴蜀山行云。「汨汨避羣盜。悠悠經十年。不成向南國。復作游西川。物役水虛照。魂傷山寂然。我生無倚著。盡室畏途邊。長林偃風色。迴復意猶迷。衫裊翠微潤。馬銜青草嘶。棧懸斜避石。橋斷卻尋溪。何日干戈盡。飄飄愧老妻。行色遞隱見。人煙時有無。僕夫穿竹語。稚子入雲呼。轉石驚魍魅。捩弓落狢颺。眞堪一笑樂。似欲慰窮途。」及嚴武再鎮蜀。遂歸成都。餘詳下編兩當章。

【張憲】宋閬州人。黎學錦張烈文侯祠碑記云。「侯姓張。諱憲。宋時爲副都統制。隸岳侯爲偏將。明追諡爲烈文侯。」唐皋記云。「侯名憲。蜀之仙州人。武穆愛將也。進軍朱仙鎮。去京四十五里。賊檜倡和。矯詔班師。陷武穆。遣使捕其父子。又執憲於鎮江。擄掠無完膚。卒不受誣。飛死。侯與雲。皆棄市。武穆與其子雲葬棲霞山嶺下。侯之墓。去武穆不遠百步許。檜死。冤始白。」

【馬正良】清閔中回教人。性純厚。弟正訓。爲所裁成。一衣一食。未嘗自私。

【馬妙祈妻義、趙蔓君妻華、王元愷妻姬】華陽國志云。「三人均漢時閔中人。皆夙喪夫。執共姜之節。守一醮之禮。號曰三貞。遭亂兵迫匿。懼見拘辱。同時自沈於西漢水而死。有黃鳥鳴其葬處徘徊焉。國人傷之。乃作詩曰。關關黃鳥。爰集於樹。窈窕淑女。是繡是黼。維彼繡黼。其心匪石。嗟爾臨川。逸不可獲。」

【韓娥】元四川鹽運副使韓新澤之女孫。家於閔。三歲失怙。七歲失恃。育於叔父韓立。明玉珍據蜀。娥年十二。叔母杜氏。慮娥見掠。製男子裝。密訓娥。娥泣拜易服。曰。或違母訓。有死無二。未幾。果爲寇擄。問名。娥曰。我韓關保也。遂混迹負戈。遇萬戶王起崖濟之。以與千戶羅甲。甲蜀人。愛而子之。在師旅中遇人閑戲。輒正色拒。暑未裸浴。臥必和衣。出入軍中十二年。人莫知其爲處女也。後從明玉珍破雲南還。遇其叔父。贖歸成都。始改裝而行。當時從軍者。莫不驚異。明洪武四年嫁爲尹氏婦。劉惟德爲娥立傳。稱娥後歸戍士馬復宗。

第十二章 南部縣

第一節 沿革

漢爲充國縣。屬巴郡。後漢分置南充國縣。晉置西充國縣。屬巴西郡。廢充國。劉宋改充國爲南國縣。西充國爲西國縣。屬北巴西郡。梁改南國爲南部縣。寰宇記謂以地居閬中之南。故名。復置西水縣。北魏改西國爲晉城縣。隋因之。唐改晉城爲晉安縣。復置新井、新政等縣。屬閬州。宋省晉安。元省西水、新井、新政。明初省入閬中。旋復置。屬保寧府。清因之。民國初年屬四川省嘉陵道。今隸四川省第十一行政督察區。

第二節 疆域

【境界】 東界閬中縣。西界西充縣。南界南充縣。北界劍閣縣。東北界昭化縣、蒼溪縣。東南界儀隴縣、蓬安縣。西北界鹽亭縣。

【縣城】 明萬曆中以石砌。清更開四門。曰承煦。曰延爽。曰迎薰。曰瞻極。今拆毀。

【鄉鎮】 二鎮。四八鄉。七四九保。(南隆鎮。新政鎮。金興鄉。定水鄉。碑院鄉。石太

鄉。鮮店鄉。盤龍鄉。永定鄉。老鴉鄉。謝河鄉。窖場鄉。王家鄉。河壩鄉。石河鄉。碾盤鄉。三清鄉。建興鄉。流馬鄉。李渡鄉。東壩鄉。楠木鄉。柴井鄉。三官鄉。大王鄉。李家鄉。永興鄉。大橋鄉。鎮江鄉。柳駟鄉。富駟鄉。大河鄉。義禮鄉。石柱鄉。雙玉鄉。金峯鄉。昇鐘鄉。迴皂鄉。思依鄉。饋堦鄉。坵堦鄉。黃金鄉。雙河鄉。棗碧鄉。保城鄉。店分鄉。白龍鄉。寒坡鄉。富村鄉。賽金鄉。）

第三節 山川

【山谷】【思依山】 清一統志云。「在縣西一百四十里。」輿地紀勝云。「在普安北二十里。傳羅沖霄張道陵隱居於此。」

【跨盤山】 一名南山。在縣南一里。蜿蜒蒼翠。環繞縣城。宋寶祐中嘗徙縣治於此。

【禹跡山】 在縣東北三十里。山頂平衍。

【離堆山】 在縣東南。詳上編名勝章。

【天馬山】 在縣西南四十五里。

【蘭登山】 在縣西南五十里。清一統志云。「在縣西八十里。」輿地紀勝云。「在新井縣

東二十里。」三面峻絕。俯臨西水。

【華嶽山】 在縣西南一百二十里。山勢崇高。建有古刹。前繫鐵絲燈籠。製極精巧。

【停雲巖】在縣北二里。輿地紀勝云。「巖在縣北。」唐蒲景珣家於此。一日呂洞賓訪之。不遇。以瓜皮寫詩石壁。字跡常溼。明洪武中失去。止存一龕。

【靈雲洞】在縣北二里。清一統志云。「在縣東北。」外遠中廣。冬溫夏涼。入三丈許。踏之有聲如鐘。叩之亦然。

【河流】嘉陵江。在縣東北。自閬中縣流入縣境。南流二十五里。至縣城東北。又一百餘里。合西水河。入蓬安縣界。清一統舊志云。「嘉陵江。又二十五里轉東。逕縣東北二里。又東南七十里。入蓬州界。」

【西水河】在縣南。自劍閣東南流入縣境。又逕閬中縣。仍入縣境。東南流合嘉陵江。清一統志云。「西水河。在南部縣南。卽小潼水之下流。自劍州東南流入縣界。又逕閬中。仍入縣界。又東南至順慶府蓬州界入江。」清一統舊志云。「又東南五十里。經縣西南。去縣二十里。又九十里至蓬州界。」劍州志云。「西南流經閬中縣西境。南部南境。折而東流。入嘉陵江。」今在縣境王家鄉入嘉陵江。

【曲水】在縣北二十五里。清一統志云。「在縣北二十里。」有流杯池。爲陳堯叟流觴處。

第四節 物產

肥蛇。鹽。(唐書地理志云。「南部、新井、新政有鹽。」南部志云。「鑿鹽井。不拘山麓原隰。初掘地。寬約數尺。淺或丈許。深或數丈。見石而止。采堅石爲磴。每磴鑿一圓竇如瓶口。此名圈子石。自下而上。累與地平。四面用土堅築。上建木架。架設機板。聯以麻鞭。環徑寸。班箠下懸丈餘。以繫鐵幹。幹頭大尾小。約重三百餘斤。幹頭方稜。擲入石圈。人乘板上。左右易足而踏。隨機轉築。碎石如泥。易者日夜可深數尺。難者數日不得一寸。若築尺餘。沙泥擁塞。則拔出大鐵幹。而易小鐵幹。幹約數十斤。幹下繫一梯筒。墜於井中。揉取泥沙。復用大鐵幹築鑿。二幹循環而用。其下深淺不一。總以陽水盡處爲度。此名大竅。亦曰麻頭。其下或見紅砂巖。或白砂巖。然後用堅木剖分爲二。挖空如竹。合而束之。密佈櫻布青麻蓑草。和磺灰桐油塗抹。以隔陽水。間亦用布者。此名曰竹。竹之長短。視竅之深淺。陽水既隔。再以小鐵幹於竹腹中築鑿。中有腰脈。水之多寡鹹淡。卽此可驗。再深數十丈。可得真鹽水。倘下竹甫築丈餘。又有陽方旁出。必刁起木竹。仍用大鐵幹築鑿。再合竹如前。有再刁再下而成者。有三刁三下而成者。計一井之成。深約六七十丈。易則四五月。難至年餘。井成之後。製車房於井上。車十六輪。左右立小椿。車置其上。旁豎木杆。名曰樓架。四圍繫以繩索。杆頂橫擔一木。木上有二叉架。一天滾。以爲井索上下之軸。貯水則以大竹二三竿相續。通其中節。底用皮錢掩覆。使水吸而能入。滿不能溢。繩繫於竹。順車轉移。其由上而下。車則左旋。一箠以勒其勢。其由下而上。車則右轉。兩人共挽其輪。竹筒出井口。則順架直立。一人

握其筒底。鉤動皮錢。則鹽水下流。上井日可得鹽水二三十筒。中可十餘筒。下則數筒。有水多而淡者。亦有水少而鹹者。井旁置竈。鹽水汲出。卽傾於鍋。以炭火熬之。而後成鹽。味較海鹽略淡。而色白過之。棉。布。絲。綿。綢。絹。蠟。密。川蜜性溫。桐油。斑竹。幹粗且厚。鹽井用之。砂金。硯石。

第五節 交通

【公路】 成閬路。自縣城至鹽亭。計長一〇〇公里。

【關梁】【金魚橋】 在縣西南九十里。清一統志云。「在縣南。」陳省華妻馮氏。性嚴。子堯叟等侍側。不敢以貴自處。家本富。祿賜且厚。馮氏不許諸子事華侈。東邵事略云。「堯咨善射。知荆南時。母馮氏問曰。古人居一郡一邑。必有異政。汝典郡。有何治效。堯咨曰。荆南當衝處。郊勞宴餞。迄無虛日。然稍精於射。衆無不服。馮曰。汝父訓汝以忠孝。俾補國家。今不務仁政善化。而專卒伍一夫之技。豈汝先人之意耶。杖而擊之。所佩金魚墜地。」故名。

第六節 勝蹟

【新政故縣】 在縣東十里。清一統志云。「在縣東南。」寰宇記云。「在閬州東南一百四

十里。漢充國縣地。」唐書地理志云。「本名新城。武德四年析南部。相如置。與晉城同避太子諱更名。」

【新井故縣】在縣西六十里。寰宇記云。「在閬州西南九十里。縣界頗有鹽井。因名。」

【清風樓】在縣東。宋蒲宗孟建此藏書。

【陳氏石室】在縣西北九十里。清一統志云。「在縣西。」陳堯叟兄弟讀書處。前有三石筍。巖上刻漱玉巖三字。

【搗藥臺】在思依山。東觀有峻仙洞、浴丹井、煉丹爐。西觀有平仙洞、搗藥臼、卓劍穴。圍棋局。

【吳道子觀音畫像石刻】在縣東羅積寺。

【迴龍山石刻】在縣東二十五里。巖上有佛像十五尊。刻唐大曆三年沈榮功德記。鮮于叔明書。

【鮮于氏神道碑】通志略云。「贈太子少保鮮于仲通碑。在閬州。顏真卿書。」碑目考云。「一在二教院崖上。一在墓田。其文與書。皆出顏真卿。又有獎諭仲通碑。在墓田。亦真卿書。」神道碑云。「公諱向。字仲通。以字行。漁陽人也。叔父隆州刺史匡紹所育。因家於新政。公少好俠。以鷹犬射獵自娛。輕財尚義。果於然諾。年二十餘。尙未知書。縣南有離堆山。斗入嘉陵江。形勝峻絕。公乃慷慨發憤。屏棄人事。鑿石構室以居焉。勵精爲學。至以鍼

鉤其臉。使不得睡。讀書好觀大略。頗工文。而不好爲之。」

【顏魯公祠】 在離堆山。詳上編名勝章。

【度門寺】 在縣東六十里。唐敕建。

【報本寺】 在縣東六十里。有鮮于氏里門碑。

【羅積寺】 在縣東一百里。

【合符寺】 清一統志云。「在縣南。唐咸通中建。」

【封巒寺】 原名伊藍寺。宋大中祥符二年。敕改今名。在縣南百里。

【靈雲觀】 清一統志云。「在縣北二里。宋時建。」

【天主教堂】 在縣城內。

【基督教堂】 福音堂在縣城內。

【清真寺】 在富村驛。民國時建。

第七節 紀聞

【張嶷】 字伯岐。蜀漢巴西郡南充國人。除越巂太守。先叟夷數反。太守不敢之郡。嶷將所領。往之郡。誘以恩信。蠻夷皆服。頗來降附。拜盭寇將軍。慷慨壯烈。士人咸多貴之。

【鮮于仲通】 名向。世爲右族。唐天寶末爲京兆尹劍南節度使。弟叔明。名晉。曾副漢中

王瑀使回紇。回紇遇瑀慢。叔明讓之。可汗爲加禮。叔明少孤。養外家。冒姓鮮于。後請還宋。詔賜姓李。亦遷京兆尹。長安歌曰。前尹赫赫。具瞻允若。後尹熙熙。具瞻允斯。通鑑云。「仲通以楊國忠薦爲劍南節度使。天寶十載。喪師瀘南。國忠掩其敗狀。仍敍其戰功。天寶十二載。諷選人爲國忠刻頌。立於省門。」杜甫奉贈鮮于京兆二十韻云。「王國稱多士。賢良復幾人。異才應間出。爽氣必殊倫。始見張京兆。宜居漢近臣。驂駟開道路。雕鷲離風塵。侯伯知何事。文章實致身。奮飛超等級。容易失沉淪。脫略礪溪釣。操持郢匠斤。雲霄今已逼。台衮更誰親。鳳穴雖皆好。龍門客又新。義聲紛感激。敗績自逡巡。途遠欲何向。天高難重陳。學詩猶孺子。鄉賦念嘉賓。不得同龔錯。吁嗟後邳詵。計疏疑翰墨。時過憶松筠。獻納紆皇眷。中間謁紫宸。且隨諸彥集。方覬薄才伸。破膽遭前政。陰謀獨秉鈞。微生密忘刻。萬事益酸辛。交合丹青地。恩傾雨露辰。有儒愁餓死。早晚報平津。」

【陳堯叟】字唐夫。省華長子。其先河朔人。祖翔。宋時爲新井令。因家焉。遷廣南西路轉運使。嶺南地氣蒸暑。爲州驛植樹鑿井。置亭舍。人免渴死。凡所私餽。悉卻之。後官樞密使、平章事、左僕射。省華性嚴。言情云。「陳省華對客。子堯叟、堯佐、堯咨列侍。客不安。省華曰。學生列侍常也。」

【陳堯佐】堯叟弟。戶部侍郎平章事。以太子太師致仕。游宦紀聞云。「任開封府時。爲政一以誠信。前此正月放燈。則籍惡少年禁錮之。歲以爲常。公獨召諸少年諭曰。尹以惡人待

汝安得爲善。吾以善人待汝。汝爲惡耶。因盡縱之。凡五夜。無一人犯法者。」判潮州。適張氏子與其母濯於江。鱸魚尾而食之。母弗能救。堯佐傷之。命吏拏小舟往捕。鱸魚。非可網得。至是弭受網。作文示衆而烹之。嶺南雜記云。「其詔縣令捕鱸魚。斬首而烹之。辭曰。水之怪。則曰惡兮。魚之悍。則曰鱸兮。二者之異。不可度兮。張氏之子。年方弱兮。尾而食之。胡爲虐兮。堯堯母氏。俾何說兮。予實命吏。顏斯作兮。害而弗去。道將索兮。夙夜思之。哀民瘼兮。赴赴二吏。行斯恪兮。矯矯巨尾。迎而搏兮。獲而獻之。俾人樂兮。鳴鼓召衆。春而斲兮。而今而後。津其廓兮。」守惠州時。政尙清簡。吏民化服。常手植荔枝於州治。父老比之甘棠。堯佐雖貴。讀書不輟。善爲詩。青箱雜記云。「未達時偶成詩曰。千里好山雲乍斂。一樓明月雨初晴。」升庵詩話云。「詠吳江詩。平波渺渺煙蒼蒼。菰蒲纒熟楊柳與。扁舟繫岸不忍去。西風斜日鱸魚香。又碧澗堂詩云。茗溪清淺響溪斜。碧玉光涵一萬家。誰向月明中夜聽。洞庭漁笛隔蘆花。」六一詩話云。「陳文惠公能詩。世稱其平波渺渺一絕。又嘗有詩曰。雨縞蟲絲斷。風枝鳥夢搖。詩家零落景。采拾合如樵。」喜作古隸方丈字。筆力踴勁。老猶不衰。皇宋書錄云。「公善八分書。點畫肥重。世謂之堆墨書。領鄭州日。伶人戲以大紙濃黑塗之。中以粉筆。細書四點。問曰。此何字也。曰堆墨書田字也。」然性儉約。器服壞輒補。曰。無使不全見棄。

【陳堯咨】

字喜謨。堯佐弟。官樞密武寧軍節度使。工隸書。善射。嘗以錢爲的。一發貫

其中。歸田錄云。「陳康肅堯咨善射。當世無雙。嘗射於家園。有賣油翁釋擔而立。睨之久而不去。見其發矢。十中八九。但微頷之。堯咨問曰。汝亦知射乎。吾射不亦精乎。翁曰。無他。但手熟耳。堯咨忿然曰。爾敢輕吾射。翁曰。以我酌油知之。乃取一葫蘆置於地。以錢覆其口。徐以杓酌油澀之。自錢孔入。而錢不溼。因曰。我亦無他。惟手熟耳。堯咨笑遣之。」

【鮮于侁】字子駿。叔明裔孫。宋時人。王安石有重名。侁惡其沾激要君。語人曰。是人若用。必壞天下。蘇軾稱侁上不害法。中不廢親。下不傷民。爲京東轉運使。薦蘇軾蘇轍范祖禹等。後知揚州。會軾以詩案自湖赴獄。親朋皆絕。侁往見之。臺吏不許。或曰公與軾相知久。其所往來文字書問。宜焚之勿留。不然且獲罪。侁曰。欺君負友。吾不忍爲。以忠義分譴。則所願也。餘詳下編廣元章。

【馬涓】字巨卿。宋新政人。元祐進士。廷對第一。從謝良佐講修身爲己之學。春渚紀聞云。「涓父中年未得子。母爲置妾媵。偶獲一處子。姿色殊麗。父欣然納之。但每對鏡理髮。卽避匿。如有沮喪之容。父密詢其故。乃垂泣曰。某父守官某所。旣解官。不幸物故。不獲歸葬鄉里。母乃見鬻。得直將畢葬事。今父死。未經卒哭。尙約髮以白繒。而以絳綵蒙之。懼君之見耳。無他故也。涓父惻然。乃訪其母。以女歸之。且爲具舟。載其資裝遣之。是夕。涓母夢羽人告之云。天賜爾子。慶流涓涓。後生巨濟。卽以涓名之。」

【楊繼生】字爾敘。清南部人。順治時。任江南太倉學正。妻劉氏。遭寇亂。流離秦隴

間。音信阻絕。會婁東盛泰昭銓陝西略陽令。楊哀屬之曰。倘至彼。得吾家消息。勿靳尺書。盛領之。赴任後。偶以事出見一婦人。察其音。蜀人也。遂詢其氏族。卽繼生婦。立馳書以報。婦更囑其二指作血書以寄。楊得之慟。卽以金授來足。使速返。僦輿送其妻南下。會春闈期迫。楊久候不至。束裝且北上。泊京口。有舟歛然而來。觸其舟。出問。則其妻之舟也。相待大慟。偕歸太倉。繼生後官福建連江縣。海寇來犯。城陷。與妻同日殉。祀福州名宦祠。

【李允登】字嶽齋。清南部人。康熙時。任曲周知縣。有惠政。曲周人祀焉。奉母孝。值歲大饑。嘗至閭中負米。途遇少婦。與夫相失。婦曰。聞君失偶。願爲君炊。允登不可。訪其夫。分米餉之。子先復。嘗無餘蓄。而好施與。官工部尙書。

第十三章 蓬安縣

第一節 沿革

漢爲安漢縣。晉因之。梁置相如、安固等縣。相如屬梓潼郡。安固屬伏虞郡。北周改伏虞郡爲蓬州。因山得名。以安固爲州治。隋廢蓬州。唐復置。屬山南西道。宋移州治雲山。元爲蓬州路。復降爲州。明初省相如。屬順慶府。清因之。民國二年改蓬州爲蓬安縣。屬四川省嘉陵道。今隸四川省第十一行政督察區。

第二節 疆域

【境界】 東界營山縣、渠縣。西界南部縣、南充縣。南界岳池縣。北界儀隴縣。東南界廣安縣。

【縣城】 明弘治間甃以磚石。門四。東曰紫氣。西曰湧金。南曰文明。北曰眞武。

【鄉鎮】 一鎮。三三鄉。五五二保。(城中鎮。周口鄉。河舒鄉。石孔鄉。盤龍鄉。廣興鄉。會龍鄉。萬和鄉。清溪鄉。三場鄉。正源鄉。中興鄉。利溪鄉。楊家鄉。柳樹鄉。福德鄉。

程家鄉。濟渡鄉。南燕鄉。平頭鄉。金甲鄉。杜家鄉。永興鄉。銀漢鄉。興隆鄉。金溪鄉。騎馬鄉。諸鮮鄉。二道鄉。茶亭鄉。復興鄉。三興鄉。徐家鄉。賽金鄉。）

第三節 山川

【山谷】【雲山】一名披衣山。亦名燕山。在縣東二十里。清一統志云。「在營山縣西。接蓬州界。」元一統志云。「其山高險。四壁斗絕。」宋淳祐三年制置使余玠建柴柵。移州治於此。余玠事詳下編合川章。

【崇覺山】一名永安山。清一統志云。「在蓬州西二十里。」兩峯高聳。

【鳳凰山】清一統志云。「在蓬州江南一里。」元一統志云。「其上三峯。中峯高峙。兩相對。如鳳凰相舞之狀。林木清秀。」

【玉環山】在縣北。清一統志云。「在蓬州城內北隅。」元一統志云。「其山秀麗。四面山拱揖。」下有玉環井。

【河流】【嘉陵江】在縣北。自南部縣東南。逕石鴨灘。流入縣境。東南逕石梁沱、周口。自西南流入南元縣界。清一統志云。「自南部縣東南流入蓬州境。五十里至州城東。」

第四節 物產

江團。竹魚。(即鱖。)芝麻。麻油。蠶。芋。蔗。落花生。小茴香。半夏。牛膝。倍子。棉。絲。(唐書地理志云。「蓬州貢黃綿綱。」)靛。紅花。(姚整云。「蜀中紅花。爲東南數省染工所重。本草云。卽紅藍花。李斯諫逐客書。西蜀丹青是也。蓬產尤鮮明。冬月種之。三月成花球。黃鬚無瓣。四五月摘。喜夜雨朝晴。碾成薄片。出其黃水。然後紅。」白洋紅入境。今已絕產。)蠟。紙。菸。炭。

第五節 交通

【公路】 渠蓬路。由渠縣達蓬安。自縣城至營山。計長三〇公里。

第六節 勝蹟

【瑞蓮亭】 在觀音寨。宋時建。今圯。

【顏魯公石】 原置縣署。今移蓬山公園。園具荷池船廳之勝。

【石門】 在縣東。詳上編名勝章。

【余玠徙州治碑石刻】 在雲山。

【廣慈寺】 在縣城東。清一統志云。「在州東。宋建。」今毀。

【延真寺】 清一統志云。「在蓬州治東。宋宣和初建。」

【天主教堂】 在縣城內。

【基督教堂】 福音堂在周口。

第七節 紀聞

【顏真卿】 唐肅宗時。李輔國遷上皇西宮。真卿率百官問起居。輔國惡之。貶蓬州長史。詳下編廣元章。

【薛逢】 唐河東人。尚書郎。斥爲蓬州刺史。經嘉陵江賦詩。詩詳上編文藝章。

【王巨】 宋大名人。端拱中知蓬州。真宗時入相。清節著聞。民被其澤。

【李士寧】 宋蓬州人。性慧而狂。善詩文。足不履城市。歐陽修見而異之。贈以詩云。「蜀狂士寧者。不邪亦不正。混世使人疑。詭譎非一行。生平不把筆。對酒時高詠。初如不著心。出語多奇勁。傾財解人難。去不通名姓。金錢買酒醉高樓。明月空牀眠不醒。一身四海卽他家。歸來萬里聊乘興。既不采藥買都市。又不點石化黃金。進不干公侯。退不隱山林。與之遊者。第知其人。而不見其術。安知其心。聞有道之士。遊心太虛。逍遙出入。嘗與道俱。故能入火不熱。入水不濡。嘗聞其語。未見其人也。豈斯人之徒歟。不然。言可純師。行可純德。而滑稽玩世。其東方朔之流乎。」劉貢父詩話云。「蜀人李士寧。好言鬼神詭異事。士大不多遺以金帛錢物。以是財用常饒足。」

【姚瑩】字石甫。安徽桐城進士。曾任臺澎道。後遷蓬州。不以遷謫爲意。勤於德化。民懷吏畏。有循吏風。去州之日。州人乞留其轡於玉環書院。以志不忘。後官廣西按察使。著有中復堂集。賦蓬州詩云。「司馬昔有城。平原實治所。仰依名賢跡。開卷聊對語。」清季皖人之宦蓬者。吾鄉舉人梁啓明、合肥進士洪運開、太湖李德迪、桐城拔貢方旭數君。逆開凡六蒞任。德迪創建育嬰堂。旭字鶴齋。後官四川提學使。寓成都有五老之稱。蓬安民風淳樸。雖值風雲擾攘。而弦誦未輟。蹇然足音矣。甚哉君子學道則愛人。斯謂民之父母也。

第十四章 南充縣

第一節 沿革

漢置安漢縣。屬巴郡。蜀漢屬巴西郡。蕭齊置漢初縣。北魏改漢初爲青居縣。隋復改清居爲漢初。安漢爲南充縣。唐武德初分置果州。以果山得名。復置流溪縣。屬劍南道。後屬山南西道。天寶間改果州爲南充郡。旋復爲果州。宋屬西川路。旋屬梓州路。寶慶三年以理宗潛邸升爲順慶府。以南充爲府治。淳祐間遷府制寺居山。元還故治。升爲順慶路。省漢初。明省流溪。屬順慶府。清因之。民國初年廢府治。屬四川省嘉陵道。今隸四川省第十一行政督察區。

第二節 疆域

【境界】東界蓬安縣。西界蓬溪縣。南界武勝縣。北界西充縣。東南界岳池縣。西南界遂寧縣。

【縣城】內外二城。內城。明成化時甃以磚石。門九。曰大東。曰大西。曰大南。曰大北。曰小東。曰小西。曰小南。曰小北。曰文明。外城咸豐十一年修。

【鄉鎮】四鎮。七四鄉。一一六八保。（東南鎮。西城鎮。北城鎮。龍門鎮。潞溪鄉。魚龍鄉。黃金鄉。扶君鄉。荆溪鄉。金台鄉。瀘溪鄉。梵殿鄉。順河鄉。永豐鄉。雙河鄉。鳳儀鄉。龍鳳鄉。李家鄉。鎮源鄉。羅家鄉。搽兒鄉。御史鄉。會龍鄉。二龍鄉。走馬鄉。東興鄉。老君鄉。東觀鄉。長樂鄉。興隆鄉。小佛鄉。浸水鄉。黃溪鄉。鄆家鄉。勝觀鄉。東板鄉。清溪鄉。同興鄉。永安鄉。青居鄉。溪頭鄉。曲水鄉。神殿鄉。李渡鄉。吉安鄉。三元鄉。木老鄉。世陽鄉。飛龍鄉。人和鄉。安福鄉。蓬南鄉。金鳳鄉。黃泥鄉。太平鄉。鹽井鄉。一立鄉。永興鄉。大興鄉。文峯鄉。西興鄉。濛通鄉。新廟鄉。五龍鄉。蟠龍鄉。集鳳鄉。里壩鄉。福星鄉。雙桂鄉。五奎鄉。金寶鄉。三會鄉。中和鄉。龍泉鄉。草壩鄉。迴龍鄉。同仁鄉。和興鄉。）

第三節 山川

【山谷】【金城山】在縣東興隆鄉。上有九十九峯。三十六泉。四十八洞。
【諸葛山】在縣東十五里。清一統志云。「在縣東四十里。」傳諸葛亮曾駐師於此。陣跡猶存。

【青居山】在縣東三十里。詳上編名勝章。

【凌雲山】在縣東四十五里。與圖山毗連。

【金泉山】在縣西二里。輿地紀勝云。「在縣城西果山之足。」山後有寺。謝自然飛昇

處。集仙錄云。「謝自然。其先兗州人。父寰。居果州。舉孝廉。母胥氏。亦邑中右族。自然性穎異。不食葷血。年七歲。母令隨尼。其家在大方山下。頂有古像老君。因拜禮。自此常誦道德經、黃庭內篇。年十四。絕粒。凡十三年。父宦遊歸。見自然修道不食。以爲妖妄。後於金泉道場。白日昇去。」唐德宗敕書云。「敕果州僧道耆老將士人等。卿等咸繼正純。並資忠義。稟溫良之性。欽道德之風。志尙純和。俗登清淨。女道士超然高舉。抗迹煙霞。斯實皇祖元照。垂宣至教。表茲靈異。流慶邦家。欽仰之懷。無忘鑒寐。卿等義均鄉黨。喜樹當深。特爲宣慰。想悉朕懷。卿等各平安好。州縣官吏。並存問之。遣書指不多及。」又敕果州刺史書云。「敕李堅。正亮守官。公誠奉國。典茲郡邑。正浴人心。所部之中。靈仙表異。元風益振。治道彌彰。斯蓋聖祖垂光。教傳不朽。歸美於朕。良所競懷。省覽上陳。載深喜嘆。冬。卿平安好。遣書指不多及。」韓愈作詩刺之云。「果州南充縣。寒女謝自然。童騃無知識。但聞有神仙。輒生學其術。乃在金泉山。繁華榮慕絕。父母慈愛指。凝心感魘魅。恍忽難共言。一朝坐空室。雲霧生其間。如聆笙竽韻。來自冥冥天。白日變幽晦。蕭蕭風景寒。檐楹翳明滅。五色光屬聯。觀者徒傾駭。躑躅詎敢前。須臾自輕舉。飄若風中煙。茫茫八紘大。影響無由緣。里胥上其事。郡守驚且嘆。驅車領官吏。叱俗爭相先。入門無所見。冠履同蛻蟬。百云神仙事。灼灼信可傳。余聞古夏后。象物知神姦。山林民可入。魍魎莫逢旃。逶迤不復返。後世恣欺謾。幽明紛雜亂。人鬼更相殘。秦皇雖篤好。漢武洪其源。自從二主來。此禍荒

連連。木石生怪變。狐狸逞妖患。莫能盡性命。安得更長延。人生處萬類。知識最爲賢。奈何不自信。反欲從物遷。往者不可悔。孤魂報深冤。來者猶可誠。余言豈空文。人生有常理。男女各有倫。寒衣及飢食。在紡績耕耘。下以保子孫。上以奉君親。苟異於此道。皆爲棄其身。噫乎彼寒女。永託異物羣。感傷遂成詩。昧者宜書紳。」

【果山】 在縣西。清一統志云。「在縣西八里。」方輿勝覽云。「晉陳壽居此。上多黃柑。」

【圖山】 在縣西六十里。山勢雄轟。石壁峻險。

【朱鳳山】 在縣南六里。清一統志云。「在縣南十里。」寰宇記云。「周迴二十里。」蘇軾嘗偕黃庭堅居此。

【千佛巖】 在瀘溪鄉北五里路側。巖上鑄小龕。刻小佛像。長約二寸。計千十一尊。工甚精。

【萬佛巖】 在金臺鄉北五里。石壁鑄佛像萬尊。大小不一。

【臥雲崖】 在敘泉庵右。崖上刻危石纔通鳥道。空山更有山家。桃源定在深處。澗水流來落花四語。

【大佛洞】 在東巖下。唐開元時。鑿巖爲石洞。造大佛三。高丈六尺。工甚精細。有唐開元八年錦州巴西縣人雍文炳石刻。

【千佛洞】在縣西七十五里大通場北。大佛高約丈餘。旁列小佛甚多。臥者、坐者、立者、蹲者以千計。眉目衣履畢肖。

【河流】【嘉陵江】在縣北。自蓬安縣至鎮源場流入縣境。南流。折而西。而南。東南出龍門峽。蘆溪、荆溪注之。折西南。逕縣城。曲水注之。南至青居關。繞牛渚壩。清水溪注之。又東而南。入武勝縣界。清一統舊志云。「折而西南流六十里。至南充縣界。又六十里。至郡城東。」

【蘆溪】一作瀘溪。發源南部縣夫子洞。逕西充縣。南流入縣境。合嘉陵江。

【荆溪】有二源。俱發源西充縣。至縣境入嘉陵江。

【曲水】清一統志云。「在縣西南四十里。流出琉璃鎮。盤迴曲折。至縣東流八十里。入嘉陵江。」

【清水溪】清一統志云。「在縣東。源出請雨山。西北流十五里。入嘉陵江。」

【龍門峽】在龍門山。詳上編名勝章。

第四節 物產

鱧。黃臘丁。(一名黃刺骨。卽黃鱮。本草云。「黃鱮魚。生江湖中。狀似白魚。而頭尾不昂。扁身細鱗。白色。南人譌爲黃姑。北人譌爲黃骨。」)江團。青波魚。(似鯉。色微青。)

鱒。菜油。鹽。(唐書地理志云。「南充有鹽。」)黃瓜。冬菜。豆腐。瓜子。蔗。落花生。梨黃。柑。(方輿勝覽云。「南充縣出。」)半夏。桑寄生。女貞。(一名白蠟樹。)五倍子。何首烏。雞矢藤。天門冬。(通典云。「順慶貢天門冬。」寰宇記云。「果州產巴戟天。大黃。天門冬。」)雞香草。山大豆。布。絲。(通典云。「順慶貢絲布。」)絹。(唐書地理志云。「果州貢黃絹。絲布。」)綾。(唐時名重長安。)桐油。竹器。紙。菸。酒。砂金。硝。石膏。

第五節 交通

【水運】小輪船自南充縣城抵重慶市。計長三九九公里。

【公路】一、川鄂路。由成都達萬縣。自縣城至岳池計長五六公里。一、義跳路。由義興場達跳蹬場。自縣城至西充。計長五二公里。一、南永路。由縣城至永豐鋪。計長三六公里。

【關梁】【青居關】在青居山。詳上編名勝章。

【萬古寨】在鹽溪場。明流寇張獻忠。曾聚人殲於此。城中居民死者。十餘萬人。尊鄉贊筆云。「蜀保順二府遭獻賊亂後。煙火蕭條。忽羣虎自山中出。約以千計。相率至郭。居人移避。被噬者甚衆。縣治學宮。俱爲虎窟。數百里無人蹤。」歐陽直遺書云。「獻賊亂後。四川遍地皆虎。或七八。或一二十。升樓上屋。浮水登船。皆古所未聞。聞亦不信。」

【卷洞橋】在縣西。唐開元時建。

【永安橋】原名西橋。在縣城大西門。橋長十餘丈。寬丈六尺。高三丈餘。八洞。爲縣境橋工第一。宋嘉祐間建。清嘉慶間重修。石工鑿山。有石。狀如鯉。長四寸許。頭尾悉具。生趣宛然。

第六節 勝蹟

【安漢故縣】在縣北五里北津渡。

【萬壽樓】在果山。唐書地理志云。「在縣西八里果山上。」傳爲陳壽讀書樓。

【司馬相如故宅】在羅家場琴臺寺。寰宇記云。「在相如縣南二十里。傳相如別業在此。宅右西濱漢水。叢溥鬱然。」

【琴臺】在司馬相如宅邊。寰宇記云。「臺高六丈。周四十四步。」

【宋銅量】高一尺二寸。徑一尺。字陽文。有川安撫置制大使撥順慶府公用十三字。

【靈泉寺】在浸水場南十五里。晉元康中建。

【香積寺】在縣東二十里。唐代古刹。藏銅像二十一尊。大如常人。工絕精。明天啓時鑄。

【竹林寺】在搬罾溪河隘北四里。爲唐古寺。

【青居寺】在青居山。詳上編名勝章。

【龍門寺】在龍門場。詳上編名勝章。

【西禪寺】原名真如寺。在縣城西街。宋時建。

【北禪寺】在縣城北。宋時建。今毀。

【圓山寺】在圓山。宋紹興三十年建。

【福勝院】在唐雒山。唐天復三年建。

【普德院】在寶玉山。寺七級。宋寧宗時建。

【老君觀】在小方山北。崖石鑿老君立像及二侍者。像高丈六七尺。

【玉虛觀】在大方山。唐時建。山崖鑿石壁成室。高五尺。縱橫八尺。

【聖興觀】在縣南十里。唐敕建。

【玄廟觀】一作元妙觀。在縣城西學院街。宋治平初建。

【天主教堂】在縣城內大北街。

【基督教堂】福音堂二。一在縣城內大東街。一在縣城內大北街。

【清真寺】在縣城內史家堰。清雍正四年建。同治元年知縣李燧修。燧浙江錢塘人。姓

馬。後歸宗。復姓李。由蓬溪調署南充。蓬州志作李燧。燧。從火。南充志誤作燧。從玉。

第七節 紀聞

【陳壽】字承祚。晉安漢人。少受學譙周。後官著作郎。著三國志。卒於洛下。毛循之。昔在蜀中。聞長老言。壽曾爲諸葛門下書佐。得撻百下。故其論武侯云。應變將略。非所長。」

【何隨】蜀漢人。後主時。爲安漢令。巴士飢。吏多取民芋自給。隨將棉繫其處。以償之。

【何涉】宋南充人。汎覽博古。六經諸子百家。無所不學。范仲淹一見奇之。拜彰武軍節度推官。涉長厚有操行。事親至孝。平居未嘗談人過惡。勸誨諸生。雖在軍中。亦嘗爲諸將講氏春秋。狄青之徒。皆橫經以聽。

【張雲】字健侯。清南充回教人。從征金川安南。以功授武功將軍。官湖南鎮寧鎮。乾州副將。事載南充舊志。新志人物。僅列科甲。鄉賢擯而不錄。亦一失也。

【劉清】字天一。清貴州廣順人。南充知縣。嘉慶間四川賊首王三槐被俘至京。廷訊時供官逼民反。四川一省好官。惟劉清一人。

【哈銳】字蛻庵。號鈍齋。清甘肅天水回教人。南充知縣。天水志云。「其先閩人。明季武職宦秦。家焉。銳光緒壬辰進士。朝考一等。四川璧山、宜賓、南充、樂山知縣。創存古

嘉陵江志

學社。著有詩文集。手訂年譜、望雲山房雜鈔。」

第十五章 岳池縣

第一節 沿革

漢爲安漢縣。屬巴郡。唐置新民縣。後改爲新民。萬歲通天二年置岳池縣。屬果州。宋初屬廣安軍。省新明。置和溪縣。元屬廣安府。省和溪。明初屬廣安州。崇禎間屬順慶府。清初省入廣安州。康熙六十年復置。屬順慶府。民國初年屬四川省嘉陵道。今隸四川省第十一行政督察區。

第二節 疆域

【境界】 東界廣安縣。西界南充縣。南界合川縣、江北縣。北界蓬安縣。東南界鄰水縣。西南界武勝縣。

【縣城】 明天順間築。成化初。以石砌。門四。東曰德輝。西曰起文。南曰朝陽。北曰來儀。清道光間。增新東門。曰蔚東。

【鄉鎮】 四鎮。四九鄉。八三二保。（東城鎮。西城鎮。南城鎮。北城鎮。三元鄉。苟角

鄉。迴龍鄉。顧縣鄉。萬壽鄉。朝陽鄉。翔鳳鄉。安東鄉。騎龍鄉。雙鄰鄉。東板鄉。義興鄉。白廟鄉。綜巴鄉。石龍鄉。興隆鄉。清溪鄉。大石鄉。紅興鄉。楊柳鄉。酉溪鄉。合興鄉。高陞鄉。西板鄉。長安鄉。石埡鄉。太平鄉。賽龍鄉。羅渡鄉。普安鄉。嘯馬鄉。鎮裕鄉。明德鄉。文昌鄉。大福鄉。齊福鄉。新明鄉。裕民鄉。中和鄉。伏龍鄉。福星鄉。陽和鄉。排樓鄉。禮安鄉。臨溪鄉。華鑿鄉。高興鄉。龍孔鄉。坪灘鄉。)

第三節 山川

【山谷】【姜山】 在縣東二十里。清一統志云。「在縣東八十里。」明一統志云。「蜀漢姜維屯兵於此。」

【少免山】 清一統志云。「在縣東三十里。」與岳安山相對。分峙三十六峯。

【岳安山】 清一統志云。「在縣東三十五里。」寰宇記云。「高六百丈。上有音聲鳥。」

【速山】 在縣東四十里。唐書地理志云。「岳池縣有龍扶速山。」卽此。

【龜山】 在縣西二里。形如伏龜。上刻龜峯二字。

【鴨山】 在縣西二十里。唐時開路鑿石。有雙石鴨出。故名。

【華鑿山】 在縣南一百六十里。山綿亙三百餘里。長連鄰水、廣安、合川、江北等縣。山高林密。路險難登。

【龍穴山】 在縣北五里。清一統志云。「在縣北。」輿地紀勝云。「山秀峯高。」

【羊山】 在縣北三十里。峯巒秀異。輿地紀勝云。「山下十里許。有洞曰角竹。」

【千佛巖】 在縣北十里許巖佛間。鑄佛像千餘。高俱尺許。像各不同。大佛三尊。高丈餘。

【河流】【嘉陵江】 卽張家灘河。在縣西九十里。自南充縣正溪場流入縣境。至麻柳坎入武勝縣界。清一統舊志云。「又南一百十里。復折東南。入定遠縣（武勝）界。」

【岳池水】 寰宇記作蒙溪水。在縣東三十里。源出岳安山。流至武勝縣入嘉陵江。

【渠江】 卽羅渡溪。在縣南八十里。有前江、中江、後江三源。俱出萬源縣。經通江、巴中、達縣、渠縣。至廣安流入縣境。逕黎梓衛、羅渡溪、丹溪入合川縣界。元一統志云。

「渠江源出萬頃池。」清一統志云。「自太平廳（萬源）發源。西南流逕東鄉縣城東。又逕府城（綏定府今達縣）南。又西南入渠縣界。爲宕渠江。」又云。「自綏定府（達縣）渠縣。

流入州（今廣安縣）。一百四十里。至州城東。又一百六十里。經岳池縣南。」又云。「自達縣流入。又西南經廣安州東。又西南入重慶府合州界。」通志云。「江之上流。有前中後三

江。前江自太平縣金城山發源。西南流二百里入東鄉縣。又一百二十里。會中後二江。中江自

太平縣東白支山發源。西南流三百里入東鄉縣界。又四十里。會後江。後江自太平縣北大橫山發源。南流經縣西一里。又南合白沙河。凡三百五十里。入東鄉縣北界。至普光寺。與中江

會。又七十里至東鄉縣城東。與前江會。爲通川江。又六十里。入達州界。經城東。復曲而西。八十里入渠縣界。」與地紀勝云。「渠江。其水二源。一出巴嶺。一出羅吳山。」寰宇記云。「宕渠水。一名渝水。在渠江縣南八十步。又西流經新明縣（岳池）三十里。」

【大溪口河】在縣南一百六十里。源出華鑿山溫家崖。逕東林寺。河分兩地。東爲合川。西爲岳池。至油溪口。合渠江。

【潑水】有二源。南源出自馬寨。北源出騎龍寨。與地紀勝云。「在岳池縣東北。出龍扶速山。東流入渠江。」

第四節 物產

萬年米。（一名觀音米。卽泥粉。產縣南。色雪嫩。微甘糯。偶值歲歉。民爭取食。用淨水淘濾。和蔬爲粥可充飢。存心錄云。「武后時。武威郡山產石麵。」卽此類也。）棉。絲。竹蓆。燈草。漆。蠟。煤。鐵。硯石。

第五節 交通

【公路】川鄂路。由縣城至廣安。計長二七公里。

第六節 勝蹟

【孔子石像】 明正德庚子建學宮。於縣署左得孔子石像。今存崇聖祠。按明季撤聖賢塑像。今閩中、岳池石像尙存。巴縣有銅範像。孔子於魯襄公二十一年庚戌歲十一月庚子日生。宣哀公十六年四月己丑日卒。年七十有三。清會典以每歲八月二十七日爲誕辰。二月十八日爲忌辰。今以陽曆八月二十七日爲誕辰。漢高祖十二年過魯。祀孔子太牢。詔諸侯王卿相。至郡國。先謁廟。後從政。東漢明帝永平二年。詔祀孔子。牲以太牢。靈帝光和元年。置鴻都門學。畫孔子及七十二弟子像。北齊天保間。制大學諸生於階下拜孔聖。揖顏回。隋文帝開皇初。贈孔子爲先師孔子尼父。唐高祖武德二年。立周公孔子廟。四時致祭。太宗貞觀二年。升孔子爲先聖。四年詔州縣立廟致祭。高宗永徽中。以孔子爲先師。玄宗開元二十七年。追諡文宣王。主南面。升爲中祀。宋真宗大中祥符元年。加諡玄聖文宣王。四年改諡至聖文宣王。仁宗至和二年詔封孔子後爲衍聖公。高宗紹興十年。以釋奠文宣王爲大祀。州縣仍爲中祀。寧宗慶元間。定孔子爲中祀。金章宗明昌二年。孔子廟門置下馬牌。元成宗大德十一年加封爲大成至聖文宣王。武宗至大二年。定制春秋二丁。釋奠用太牢。文宗至順元年稱顏子復聖、曾子宗聖、子思述聖、孟子亞聖。明太祖詔天下郡縣。皆立孔廟。洪武十五年大學成。詔去孔子以下塑像。並設木主。成祖永樂四年釋奠於先師孔子。不稱大成至聖文宣王。英宗正統三年禁祀孔

子於釋老宮。世宗嘉靖九年更孔廟祀典。定孔子爲至聖先師。命天下盡撤聖賢塑像。以別釋氏之教。並爲木主。清世祖順治二年。復謚大成至聖文宣王元師孔子。十四年仍稱至聖先師。世宗雍正三年。詔避孔子諱。郡縣丁祭。並用太牢。高宗乾隆二年。詔大成殿黃瓦。九年禁建三教堂。不得設佛老孔子之像。撤去三教額碑。三十三年改先師廟爲大成殿。門爲大成門。德宗光緒三十二年升爲大祀。改用黃瓦黃牆。民國初年改爲孔子廟。一稱文廟。祀孔樂章。宋徽宗大觀三年大晟府擬撰奠十四首。皆用安字。元皆用明字。明皆用和字。清用六奏大祀。用平字。民國初年。仍用和字。

【蘭亭石刻】 通志云。「縣北二十里。靈泉寺石壁。刻有右軍蘭亭遺筆。無存。清咸豐五年春。陰雨浹旬。崖忽崩圮。石壁蘭亭復出。軸長丈有尺。尾署宋徽欽二宗跋。」毛徙南靈泉山蘭亭辨云。「予初至岳。見右軍蘭亭。頗疑之。及讀五代史。載溫緝賊據長安。掘昭陵。將昭陵內石函鐵函所藏書畫盡發出。語甚詳。其時正與李後主同。則蘭亭必尙在人間世。據此。前跋云李後主賜陶穀。穀遺蔡子正。蔡後殘落於蜀。俱不爲無本。宜可信也。」按蘭亭世以定武本爲佳。蔡世昌蘭亭考。引碧岫野人跋云。「自唐得真蹟。刻之學士院。人間不復見。朱梁篡竊。置汴都。耶律德光破石晉。此刻渡河。帝祀既歸。與輜重乘之殺虎林。」岳池蘭亭。亦係摹刻。字已剝蝕。

【龜山碑石刻】 在縣東六十里。爲唐人經行記。已斷毀。

【飛泉碑石刻】 在縣東姜山白雲庵側。巖壁刻明可徹和尙飛泉二字。縱橫丈餘。

【豐谷寺】 在縣東三十里。唐何滔讀書處。天寶安史之亂。滔舉義兵討賊殉難。

【寶國寺】 在縣東少兔山。唐元珪禪師曾居此。

【雲鈎寺】 一名毘盧寺。在縣西二十里。寺碑稱建自唐憲宗十二年。

【姜山寺】 在縣東姜山。唐僖宗時建。

【觀音寺】 在縣城小南街。宋太平興國時建。

【鴨山寺】 在縣西鴨山。宋宣和時建。

【大聖寺】 在縣城南。宋嘉定時建。

【瑞峯寺】 在縣南華鑿山。明成化時寺僧以銅鑄文殊普賢觀音像。高俱六尺。建鐵瓦殿圍

樓叢刹十有二層。

【雙泉庵】 在縣北二十里。唐乾元時建。

【天主教堂】 在縣城內。

【基督教堂】 福音堂。在縣城內。

第七節 紀聞

【程濟】 明朝邑人。洪武末。官岳池教諭。惠帝卽位。濟上書。言某月日。北方兵起。帝謂

非所宜言。逮至京。將殺之。濟入見。大呼曰。陛下幸囚臣。臣言不驗。死未晚。乃下之獄。已而燕兵起。釋之。改官編修。參北征軍。淮上敗。召還。或曰。徐州之捷。諸將樹碑紀功。濟一夜往祭。人莫測。後燕王過徐。見碑大怒。趣左右錐之。再錐。遽曰。止。爲我錄文來。按碑行誅。無得免者。而濟名適在錐處。然考其實。徐州未嘗有捷也。金川門啓。濟亡去。或曰。帝爲僧出亡。濟從之。莫知所終。明史外紀云。「翰林編修程濟。博學通奇術。洪武末以明經舉爲岳池教諭。初同邑高翔。並以明經徵。翔勵名節。濟好術數。金川門破。翔招濟同死。濟曰。我願爲志士。時帝急。召問計。濟曰。惟出亡可免耳。帝從之。立召僧祝髮。如高皇遺篋計。濟袖出黃冠易之。掖帝出。數十年朝夕不離。雖極流離困苦。倉皇行乞時。未嘗一廢君臣禮。」寄園寄所寄云。「正統間。帝東歸。濟從至金陵。父老猶有識者。」

第十六章 武勝縣

第一節 沿革

漢爲墊江縣。宋爲合州。元創武勝軍於女菁坪。行和溪安撫司事。至元四年置定遠縣。尋以爲州。復降爲縣。屬合州。明因之。清康熙初省入合州。雍正六年復置。屬重慶府。民國二十一年以定遠與安徽、陝西、雲南等省屬縣同名。改爲武勝縣。屬四川省東川道。今隸四川省第十一行政督察區。

第二節 疆域

【境界】 東界合川縣。西界蓬溪縣。南界合川縣。北界南充縣。東北界岳池縣。西南界潼南縣。

【縣城】 明嘉靖間築。門四。東曰東昇。西曰西成。南曰南薰。北曰北辰。

【鄉鎮】 二鎮。二五鄉。五一二保。（中心鎮。沿口鎮。臨江鄉。烈面鄉。新場鄉。鼓匠鄉。飛龍鄉。半邊鄉。龍女鄉。走馬鄉。西關鄉。三溪鄉。復興鄉。烏鐘鄉。萬善鄉。石盤鄉。

義和鄉。興隆鄉。鳳凰鄉。銜子鄉。清平鄉。雙星鄉。華封鄉。樂善鄉。舊縣鄉。新學鄉。眞靜鄉。）

第三節 山川

【山谷】【武勝山】 卽飛龍峯。在縣東十五里。明一統志云。「元兵攻合川。駐兵於此。更今名。」

【焦石山】 在縣北四十里。山勢高聳。石色焦赤。

【河流】【嘉陵江】 在縣東北。自南充縣李渡場西。高石坎流入縣境。由北而東而南。逕烈面溪。南流至觀音灘。東至沿口。南流花石溪、鹽灘溪注之。逕縣城。由大通寺東流入合川縣界。清一統舊志云。「自南充縣李渡場。流入定遠縣界。五十里至縣城東門外。」嘉陵江界岳池武勝之間。故皆自南充流入縣境。

【花石溪】 卽岳池水。清一統志云。「在定遠縣東二里。源出岳池縣。名岳池水。南流入縣界。爲花石溪。又西南流四十里。入嘉陵江。」

【鹽灘溪】 寰宇記作靈溪水。清一統志云。「在縣南十里。源出蓬溪縣。自浴馬坪入縣界。東南流八十里。出南溪口入嘉陵江。」

第四節 物產

高粱。白鯉。麻油。菜油。花生油。香附。布。絲。麻。紙。皮革。油餅。

第五節 交通

【關梁】【武勝橋】 在縣西北。明李氏建。石縫鎔鐵灌入。今尙完好。

第六節 勝蹟

【定遠故城】 在縣北武勝山舊縣場。宋景定三年。蒙古闊蓬等路都元帥以合川釣魚城險絕不可攻。築此城。用扼南師。

【書巖石刻】 巖下有洞。刻宋李元庚篆書蒙泉二字。

【清明寺】 在清明鎮。宋元豐時建。

【大通寺】 在縣南十里。宋元祐中建。

【龍蓋寺】 原名天宮院。後改龍傘寺。又更今名。宋紹聖四年建。

【龍鰲寺】 在金鳳山。塔七層。有石刻佛像。宋紹興十七年建。

【臨江寺】 在臨江鄉。元至正時建。

【基督教堂】 福音堂在縣城內。

【清真寺】 二。一在沿口鎮半邊街。清嘉慶時建。一在沿口鎮半崖山。清道光時建。

第七節 紀聞

【鑑公和尚】 原姓何。字子澄。宋時人。八歲披剃天宮院。經史百家。靡不深究。宋敕碑尙存。

第十七章 合川縣

第一節 沿革

漢置墊江縣。屬巴郡。晉因之。兩魏改爲石鏡縣。又置合州。方輿紀要謂以涪漢二水合流得名。隋改合州爲涪州。又置赤水縣。唐復改爲合州。屬劍南東道。宋改石鏡爲石照縣。德祐三年移州治釣魚城。元還舊治。省赤水。明屬重慶府。省石照。清因之。民國二年改合州爲合川縣。屬四川省東川道。今隸四川省第三行政督察區。

第二節 疆域

【境界】東界岳池縣。西界潼南縣。南界璧山縣。北界武勝縣。東南界江北縣、北涪管理局。西南界銅梁縣。

【縣城】明天順時以石砌。門十有一。曰望江。曰迎暉。曰廣濟。曰會江。曰阜民。曰文明。曰落陽。曰演武。曰迎恩。曰小南。曰瑞應。

【鄉鎮】三鎮。六八鄉。七八二保。(南津鎮。雲門鎮。太和鎮。碼頭鄉。慶合鄉。蕭家

鄉。渭溪鄉。三匯鄉。涑灘鄉。佛門鄉。石龍鄉。古城鄉。孫家鄉。黃土鄉。小沔鄉。龍市鄉。白沙鄉。會龍鄉。龍溪鄉。獅灘鄉。太平鄉。官渡鄉。雙鳳鄉。雙河鄉。安全鄉。福壽鄉。沙魚鄉。蒲溪鄉。保和鄉。喻家鄉。草街鄉。泥溪鄉。龍洞鄉。鹽井鄉。灘子鄉。錢塘鄉。天星鄉。嘉渠鄉。沙溪鄉。金子鄉。思居鄉。大石鄉。鼓樓鄉。五尊鄉。臨江鄉。東渡鄉。沙坪鄉。利澤鄉。方溪鄉。臨渡鄉。張家鄉。金沙鄉。尖山鄉。永興鄉。三廟鄉。銅溪鄉。皂角鄉。渭沱鄉。七間鄉。興隆鄉。木蓮鄉。化龍鄉。佛鹽鄉。龍鳳鄉。二郎鄉。別口鄉。九塘鄉。萬壽鄉。隆興鄉。萬古鄉。十塘鄉。）

第三節 山川

【山谷】【瑞應山】輿地紀勝云。「本名坐龍山。唐改今名。」在縣城內。明一統志云。「宋乾德中。山有異木生文。成天下太平字。魏了翁有瑞應山房記。」

【銅梁山】在縣南。元和志云。「在石鏡縣南九里。」寰宇記云。「銅梁山連亙二十餘里。山頂平整。遠望諸山。而此獨秀。」清一統舊志云。「山有石梁橫亙。色如銅。故名。」周敦頤銅梁山木蓮花詩云。「仙姿疑是華嶺栽。不向東林沼上開。異蕊每逢梅雨放。清香特傍竹風來。枝懸縞帶垂金彈。瓣落蒼生墜玉杯。若使濂溪少年見。定拋蘭槩到崖隈。」

【釣魚山】在縣東北。輿地紀勝云。「在合州名石照縣東十里。涪內水在其南。西漢上流

經其北。山南大石砥平。有巨人跡。相傳異人坐其上。投釣江中。山以是名。」明一統志云。「上有天池。大旱不涸。」

【馬驤山】清一統志云。「在縣東北一百五十里。宋咸淳九年。劉整獻計蒙古。欲自青石進築馬驤虎頭二山。扼三江口。以圖合州。後爲州將張珏。潛師越砦七十里。焚其船場。城築不就。卽此。」

【龍多山】在縣西北。明一統志云。「在合州西北一百里。」輿地紀勝云。「晉時廣漢八馮蓋羅煉丹於山之仙臺。山東有大池。東巖廣五十丈。多唐人刻字。其山高明窈深。變態萬狀。下視涪水如帶。煙雲出沒。」

【青石山】在縣西北。清一統志云。「在合州西北。接蓬溪縣界。」寰宇記云。「在石鏡縣西二百四十里。涪水之南。」益州記云。「青石山在縣西二百四十里。昔巴蜀爭界。久而不決。漢高八年。一朝密霧。山爲之裂。自上及下。破處直若引繩。於是州界始判。」今裂痕隱隱。山之左右。居民語言嗜好。迥然各殊。

【銅梁洞】在銅梁山。石洞四。前洞刻有石像。洞左鑿門。後有三洞相通。唐閻邱道人修煉其中。道人爲均之孫。遺有丹井碁局。碁子係新製。杜甫贈蜀僧閻邱師兄詩云。「大師銅梁秀。籍籍名家孫。嗚呼先博士。炳靈精氣奔。惟昔武皇后。臨軒御乾坤。多士儘儒冠。墨客藹雲屯。當時上紫殿。不獨卿相尊。世傳閻丘筆。峻極逾崑崙。鳳藏丹霄暮。龍去白水渾。青燧

雪嶺東。碑碣舊製存。斯文散郡邑。高價越瓊瑤。晚看作者意。妙絕與誰論。吾祖詩冠古。同年蒙主恩。豫章夾日月。歲久空深根。小子思疏闕。豈能達詞門。窮愁一揮淚。相遇卽諸昆。我住錦官城。兄居祗樹園。地近慰旅愁。往來當丘樊。天涯歇滯雨。粳稻臥不翻。漂然薄游倦。始與道侶敦。景晏步修廊。而無車馬喧。夜闌接軟語。落月如金盆。漠漠世界黑。驅驅爭奪繁。惟有摩尼珠。可照濁水源。」

【河流】嘉陵江 俗名保寧河。自武勝縣觀音灘。流入縣境。西南流至賀家灘。折東流。逕斗笠灘。至雲門鎮。逕嘉渠口。合渠江。至縣城曾江門三江口。合涪江。東至瀝鼻峽。入北碛局界。清一統舊志云。「嘉陵江至南溪口。入合州界。又一百九十里。合渠江。曰嘉渠口。又十里。至州城東南。合涪江。曰三江口。」方輿勝覽云。「西漢水。在石照縣東一百步。」

【渠江】一名渠河。自岳池縣流入縣境。合嘉陵江。清一統志云。「渠江在合州東北。自順慶府廣安州。流至合州東北。入嘉陵江。卽宕渠水。」又云。「又三十里。至重慶府合州界。與嘉陵江合。」寰宇記云。「至合州東北十里。與嘉陵江合。」

【涪江】俗名遂寧河。源出松潘縣。由瀘南流入縣境界。至曾江門三江口。合嘉陵江。清一統舊志云。「涪江源出衛北小分水嶺。東南流入小河所二里。又東南至龍安。其水淺隘。又名小河。」清一統志云。「自松潘廳小河流入。東南逕江油縣東。又西南經彰明縣東南。南入

和州界。」又云。「自龍安府彰明縣流入。又東南入潼川府界。亦謂之內水。」又云。「自綿州流入。逕縣城東。又東南逕射洪縣東。過蓬溪縣西界。又逕遂寧縣東。入重慶府合州界。」又云。「自潼川府遂寧縣流入合州界。至州城東南。與漢諸水合流。卽內江也。」元和志云。「涪江水在銅梁縣東北四十里。又逕石鏡縣南二百步。」漢書地理志剛氏道注云。「涪水出微外。南至墊江入漢。」說文。墊作𦵏。重衣也。云巴郡有墊江縣。段玉裁注云。「今漢書地理志作墊江。續漢書郡國志同。蓋皆淺人所改。以孟康注音重疊之疊。以知原文不作墊也。其地有嘉陵江、涪江、渠江來會。如衣之重複然。故以墊江名縣。今書作墊。讀如坩。並非。」

【瀝鼻峽】 在縣東。詳上編名勝章。

【鑊梁灘】 在瀝鼻峽。詳上編名勝章。

第四節 物產

包穀。胡豆。綠豆。豌豆。蔓青。(卽諸葛菜。劉禹錫嘉話錄云。「諸葛所止。令兵士獨種蔓青者。取其纒出甲。可生啖。一也。葉舒可煮食。二也。久居則隨以滋長。三也。棄不吝。四也。回則易尋而采。五也。有根可食。六也。」) 蔞椒。(俗名海椒。) 胡蘿蔔。豆。芡。柑。桃片。鹽梅。淡豆豉。牡丹皮。(元和志云。「合州貢牡丹皮。」本草云。「出合州佳。」) 使君子。括樓。(元和志云。「合州貢。」) 補骨脂。(一名故紙臺。) 石膽。

（寰宇記云。「合州貢。」）絲。葛。（唐書地理志云。「合州貢葛。」）紙。老苗茶。酒。書筒。（唐書地理志云。「合州貢。」）桃竹筍。（元和志云。「合州貢。」）說文云。「箸。飯欬。或作筯。」陸容菽園雜記云。「吳俗行舟諱言箸。呼爲筷兒。」）櫻繩。木材。炭。煤。金。（唐書地理志云。「合州貢鉄金。」）銀。鐵。（唐書地理志云。「合州石鏡有鐵。」）元和志云。「銅梁山出鐵。」）礬。硫。砂石。（砂細色紅。可作石柱。）石灰。硯石。盤。

第五節 交通

【水運】 渝合線。小輪船自合川縣城抵重慶市。計長九七公里。合涪線。自合川縣城至江油。計長六四〇公里。合渠線。自合川縣城至通江。計長四七五公里。

【公路】 安合路。由安居場至縣城。計長三五公里。

第六節 勝蹟

【巴子城】 清一統志云。「在合州南。」括地志云。「巴子故都。在石鏡縣南五里。」

【釣魚城】 在縣東北。渡江十里。東南北三面臨江。峭壁懸崖。徒然阻絕。城高二十仞。門八。圍周二十里。上重有田土山林。下重有雉堞。西南北三面。各廣里許。田土環之。宋理宗淳祐三年爲余玠築。遷州治。以拒元兵。凡二十年。元初始墮。今跡猶存。城中爲護國寺。

旁爲釣魚臺。臥佛巖。刻佛臥像。西爲忠義祠。祀宋余玠、丹瑾、丹璞、王堅、張珏。楊慎詩云。「釣魚城下江水清。荒煙古壘恨難平。唯陽百戰有健將。墨翟久守無降兵。乘舟曾揮白羽扇。雄劍幾斷曼胡纒。西湖君臣猶歌舞。只待崖山航海行。」

【招鶴亭】 在縣西鶴鳴里。爲宋徽宗書。

【養心亭】 清一統志云。「在合州治東。宋張宗範所居。濂溪周子題曰養心。有記。」

【清華樓】 在舊州署東。宋晁公武建。

【江樓】 在縣署前。詳上編名勝章。

【照鏡石】 在縣南。詳上編名勝章。

【石門彌陀像石刻】 在撲巖寺後石洞內。碑曰云。「在石照縣北巖。」唐開元二十三年州別駕張劍爲刺史孫希莊造福。

【造像記石刻】 在撲巖寺石洞內。唐開元二十七年刻石。

【盧專造像記石刻】 在撲巖寺後。唐長慶元年刺史盧專爲母妻祈福。

【盧舍那佛二菩薩記石刻】 在撲巖寺後。碑曰云。「在石照縣北巖。」唐長慶三年刺史劉溫刻石。

【三身佛龕記石刻】 在撲巖寺。宋天禧三年刻石。

【彌勒變相記石刻】 在撲巖寺。宋慶曆四年。

【北巖山石刻】在濮巖。宋慶曆年。

【杜國光的歲寒亭石刻】在濮巖寺。宋乾道辛卯。

【李如晦歸去來辭石刻】在濮巖寺後石巖。宋淳熙壬寅李如晦篆書。明萬曆七年知州劉芳聲摹刻。

【分竹頌石刻】在龍多山。唐貞元六年。

【龍多山石刻】在龍多山。唐咸通五年。

【咸通碑】在龍多山巖側。唐咸通年。

【孫樵龍多山錄殘碑】在龍多山。樵字可之。又字隱之。唐授尚書職方郎。遊合州。撰遊龍多山錄。原碑殘缺。宋隆興甲申呂簡修重刻。

【明德頌石刻】在龍多山。宋寶慶三年。

【銅梁洞石刻】在銅梁洞。宋紹興丙子。

【呂元錫紀遊石刻】在釣魚山。宋乾道三年。

【杜國光餞馮廷式石刻】在釣魚城。宋乾道辛卯。

【飛鳥樓石刻】在釣魚城忠義祠。宋李如晦篆書。

【馮怡餞丁夢臣等石刻】在釣魚城。宋淳熙改元。

【靈山寺】原名靈山祠。隋開皇十年改今名。在龍多山。道藏列仙傳云。「晉永嘉時廣漢

馮蓋羅拔宅於此。」

【濮巖寺】 原名北崖寺。在縣城內。

【護國寺】 在釣魚城。寺門有獨釣中原四字。宋乾道辛卯冬建。

【嘉福寺】 清一統志云。「在合州東。元至元中建。」

【天主教堂】 二。一在縣城內。一在三匯鄉。

【基督教堂】 福音堂三。一在縣城內雙牌坊街。一在太和鎮。一在龍市鄉。

【清真寺】 在縣城內青竹灣。清乾隆時建。

第七節 紀聞

【張柬之】 唐襄陽人。武后時突厥默啜表。言有女請和親。武后盛意許之。柬之諫忤旨。出爲合州刺史。復以狄仁傑姚崇薦。拜同鳳閣鸞臺平章政事。遂與崔玄暉、敬暉、桓彥範密謀反正。誅張昌宗、張易之。請太子監國。

【李陽冰】 唐趙州平棘縣人。清一統志作合州人。工小篆。推古今獨步。寓居合州。孔廟積善之家必有餘慶八字。爲其篆書。每篆一石。高可四尺。開元中爲當塗令。宗人李白嘗往依之。安徽蕪湖縣民曾得其所書謙卦象象辭。

【周敦頤】 宋營道人。稱濂溪先生。治平間爲合州判官。事不經手。吏不敢決。民不肯

從。部使者趙汴惑於讒口。臨之甚威。敦頤處之泰然。及通判虔州。汴守虔。熟視其所爲。乃大悟。執其手曰。「吾幾失君矣。今而後乃知周茂叔也。」

【晁公武】字子止。宋鉅野人。紹興時知合州。後爲四川安撫制置使。時南陽井憲孟爲四川轉運使。藏書甚多。乃舉以贈。公武躬自校讎。仿七略別錄例。各疏大略。著郡齋讀書志四卷。又將己所藏書。著後志二卷。

【余玠】字義夫。宋蘄州人。四川安撫制置使。大更弊政。遴選守宰。築招賢館。供張如帥府。修學養士。輕徭薄征。自寶慶以來。蜀闔未有能及者。嘗曰。當白手挈全蜀。以還本朝。用播州丹璫丹璞兄弟言。築釣魚諸城。時丹氏兄弟有文武才。隱居蠻中。前後闔帥辟召。堅不肯起。及余玠知重慶。丹聞其賢。相謂曰。是可與語矣。遂詣府上謁。屏人曰。爲今日西蜀之計。其在徙合州城乎。玠不覺躍起。執其手曰。但未得其所耳。曰。蜀口形勝之地。莫若釣魚山。請徙諸此。若任得其人。積粟以守之。賢於十萬師遠矣。巴蜀不足守也。玠密以其謀聞於朝。徙城之事。悉以任之。續通鑑云。「玠授璫璞官。以徙城事任之。並築天生、（萬縣）釣魚、（合川縣）雲頂、（三台縣）書居、（南充縣）大獲（蒼溪縣）十餘城。皆因山爲壘。碁布星分。爲諸郡治所。移戎沔（今略陽）於書居。興戎（今略陽）先駐合州舊城。移守釣魚。共備內水。（嘉陵江）移利戎（今廣元）於雲頂。以備外水。（長江）移金戎（今興安）於大獲。以備蜀口。（今寧強）」當時蓬州、廣安州、瀘州、巴州之城俱遷。元一統志云。「宋淳祐三

年四川制置使余玠。以相如縣接近蓬州營山縣界。旁有雲山。其山崇峻。乃營立柴柵。」宋史地理志云。「淳祐三年。城大良爲軍治所。其地石崇四絕。天然險固。」清一統舊志云。「宋淳祐三年。余玠遷瀘州治於神臂崖。俗名鐵瀘城。」清一統志云。「通江縣東百二十里。有石刻云。宋淳祐中。余玠臨視形勢。命統制張實。因險築壘。」

【王堅】 宋咸淳中知合州。理宗開慶元年。元憲宗遣使招諭堅降。堅追殺之。憲宗遂自將兵由雞爪灘抵合州。親冒矢石。堅嬰城固守。百戰彌厲。節義爲蜀列城冠。攻之九月不能下。後元兵遭礮風敗潰。憲宗殂。合川志稱雞爪灘在縣東北江中。卽卷耳子灘。舊志謂憲宗殂於瀝鼻峽。通志謂憲宗爲礮風所震。因疾班師。至金劍山溫湯峽而終。

【張珏】 宋陝西鳳州人。守合州。兵敗被執。文天祥悼以詩云。「氣敵萬人將。獨在天一隅。向使國不亡。功業竟何如。」餘詳下編鳳縣章。

【鄒智】 明合州人。家貧。讀湯焚木葉繼晷。鄉試第一。登進士。改庶吉士。上書極詆萬安、劉吉、尹直。而薦王恕、王竑、海彭韶等。吉憾甚。適湯瑄、劉舉獄起。遂入智名。下詔獄。謫廣東石城吏目。聞陳獻章講學新會。往受業。而學益粹。

【于成龍】 字北溟。號于山。清山西永寧州人。康熙時。知合州。興學重農。士民蒙業。先官廣西羅城知縣。羅人遮道追送數百里。一眇者獨留不去。成龍問故。曰。民習星卜。度公囊中裝。不能及千里。民技猶可資以行也。果賴其力。得達合州。後官兩江總督。諡清端。僚吏

入其寢室。見周身布袍一襲。鞶帶各一。堂後瓦甓米斂斛。鹽豉數盎而已。與人交不擇貴賤。談燕終日。一語涉私。卽正色斥詰。每稱曰。上帝臨汝。又曰。日監在茲。屬吏畏威。若負霜雪。及論事。輒霽顏商榷。年饑。則屑糠糲米與僮僕共之。屬吏至。亦以是進。曰。如法行之。可得留餘以振也。合川城隍廟霖雨蒼生額。爲其所書。按城隍之祀。春明夢餘錄云。一蕪湖城隍祠。建於吳赤烏二年。祠爲最古。一南齊書慕容儼傳。有守郢禱城隍護佑事。唐張說、張九齡、杜牧皆有祭城隍文。後唐清泰中封以王爵。宋太祖建隆時。廟遂徧天下。明封在府曰公、州曰侯、縣曰伯。旋爲某府州縣城隍之神。

【紀大奎】字向辰。號慎齋。清江西臨川人。知合州。以州多火災。於瑞應門城樓。砌坎卦石井以禳之。

【沙金山】字曉山。號九江。清合州回教人。洪楊之亂。積功至儘先游擊。壽百十有一歲。奉准建皇恩寵錫昇平人瑞坊。

第十八章 北碚局

第一節 沿革

民國十二年爲合川、璧山、江北、巴四縣特組峽防團務局。二十五年改爲嘉陵江三峽鄉村建設實驗區。三十一年改爲北碚管理局。隸四川省第三行政督察區。

第二節 疆域

【境界】東界江北縣。西界璧山縣。南界巴縣、重慶市。北界合川縣。

【鄉鎮】四鎮。四鄉。一三〇保。（北碚鎮。文星鎮。黃桷鎮。澄江鎮。二崖鄉。龍鳳鄉。白廟鄉。金剛鎮。）

第三節 山川

【山谷】【縉雲山】在境西南。橫亘二百餘里。其山高聳。林木鬱茂。元一統志云。「山有九峯。其中二峯最秀。一名獅子。一名香爐。」

界。
【河流】嘉陵江。自合川瀝鼻峽流入境。折東南流。至觀音峽。入江北、巴縣、重慶市

界。
【運河】民國二十年開鑿。自官斗石至夏溪口。計長四公里。入嘉陵江。

【溫泉瀑布】在溫泉寺。詳上編名勝章。

【溫湯峽】在澄江鎮。詳上編名勝章。

【觀音峽】在境東南。詳上編名勝章。

第四節 產

掛麵。魚。乾葷。筍。梔子。枳殼。牛旁子。天生黃。巴豆。甜茶。水竹。泡炭。硬炭。
煤。鐵。鋼。石。（作磨石。製碑。）石灰。

第五節 交通

【水運】小輪船下抵重慶市。計長六〇公里。

【鐵路】川北輕便鐵道。自大田坎至白廟鄉。計長一八·五公里。

【公路】一、自北碚至重慶市。計長七四公里。一、自北碚至青木關。計長二四公里。一、自北碚至北溫泉。計長七公里。

第六節 勝蹟

【觀音閣】 在觀音峽。詳上編名勝章。

【縉雲寺】 原名崇教寺。在縉雲山。劉宋景平元年建。

【相思寺】 在縉雲山。劉宋景平年建。唐宣宗大中元年以相思巖賜名。寺舊產紅豆樹、相思竹。

【溫泉寺】 在溫湯峽。詳上編名勝章。

【石華寺】 在縉雲山。石筍大數圍。高數百尺。

【復興禪院】 在白廟子。宋時建。

第十九章 江北縣

第一節 沿革

漢爲江州縣。明爲巴縣江北鎮。清乾隆二十四年置江北廳。民國初年改爲江北縣。屬四川省東川道。今隸四川省第三行政督察區。

第二節 疆域

【境界】 東界長壽縣、巴縣。西界北碚管理局。南界重慶市。北界鄰水縣、岳池縣。

【縣城】 清道光十三年築。門八。東曰文星。西曰保定。南曰匯川。北曰鎮安。東南曰東昇、曰問津。西北曰金沙。西南曰觀南。今移縣治大石鄉。

【鄉鎮】 三鎮。五九鄉。八一保。(兩路鎮。水土鎮。洛碛鎮。石坪鄉。龍門鄉。迴興鄉。沙坪鄉。龍溪鄉。人和鄉。大石鄉。禮嘉鄉。鴛鴦鄉。仙桃鄉。仁睦鄉。悅來鄉。復興鄉。灘口鄉。龍王鄉。三聖鄉。石家鄉。土主鄉。清平鄉。太平鄉。靜觀鄉。偏崖鄉。石壩鄉。柳陰鄉。同仁鄉。中興鄉。大灣鄉。茨竹鄉。兩岔鄉。永興鄉。石鞋鄉。興隆鄉。木耳鄉。高嘴鄉。肖家鄉。古路鄉。多寶鄉。王家鄉。張關鄉。舒家鄉。龍藏鄉。龍興鄉。恆星鄉。雙溪

。魚嘴鄉。五寶鄉。太洪鄉。臨江鄉。興盛鄉。桶井鄉。龍安鄉。明月鄉。隆仁鄉。麻柳。梅溪鄉。石船鄉。復盛鄉。關興鄉。旱土鄉。)

第三節 山川

【山谷】【龍腦山】 在縣東一百三十里。下有清泉咽石。

【白巖山】 在縣東二百四十里。峯巒突兀。每風雨止。石燕飛翔。

【方山】 一名凝脂山。亦名雲鴻山。清一統志云。「在江北廳東。」明一統志云。「在巴東三十里。」輿地紀勝云。「山去巴縣四十八里。堯時洪水不沒。故又名浮山。」元一統志。「山高五里。周迴六十里。」

【大隴山】 俗名大龍山。在縣西二十里。

【坂峯山】 在縣北十里。橫跨嘉陵江岸。宛如神龍昂首。天矯離奇。

【西山】 在縣北百六十里。上有三洞。石層疊門。皆東向。久旱則洞泉日潮一次。若風雨宵。則日有潮。

【小華鑿山】 在縣北二百里。山勢聳高。超然雲表。

【華鑿山】 在縣北二百六十里。山勢參天，雲排半嶺。

【古藏山】 在縣西北百二十里。四壁陡削。

【五雲洞】在縣西北四十里。巖上刻田公巖三字。相傳宋隱士田子英修道於此。

【河流】嘉陵江自北碚管理局觀音峽流入縣境。東南流逕舊縣治魯班廟。與岷江合。魯班廟對岸。爲重慶市朝天門。

【岷江】卽大江。一名長江。發源青海巴顏喀喇達蘇齊老峯南麓。東南流貫西康省。至雲南省麗江縣。乃折而東北。流入四川省境。鴉鴉江自北來會。至宜賓縣黑水、青衣諸江來會。東北流逕瀘縣。沱江來會。逕江津、巴縣、重慶市。至舊縣治南。東流與嘉陵江合。逕恆興鄉。東流至臨江鄉。入長壽縣界。清一統志云。「岷江。源出松潘廳北。南流經松潘廳疊溪營。入茂州汶川縣。至灌縣分爲沱江、郫江。東入成都南北界。其正流經崇慶州、眉州、嘉定府、敘州府、瀘州、重慶府、涪州、忠州、夔州府。入湖北界。亦曰汶江、都江。亦曰外水。」楊慎丹鉛錄云。「蜀山之大者。曰岷山。其川曰岷江。岷字。說文作啓。省作泚。漢人隸書作汶。史記引禹貢。岷嶓旣藝。及岷山之陽。岷山導江。皆作汶。蓋古字通用也。」

【大洪江】在縣東一百五十里。有二源。一出大竹縣寶石河。一出大竹縣廟壩場。流逕縣境。入岷江。

【火井】在舊縣城外金沙廂。三月水漲則淹沒。九月水枯卽現。泊舟者。椿下二三尺。輒有氣上蒸。以火引之卽熾。

第四節 物產

洋魚。(色似岸鯉。鱗細味美。)柑。龍眼。(鴛鴦橋側。舊有交讓龍眼樹一株。每歲此一面結實。則彼三面俱無。歷年不爽。)麻布。紙。菜油。桐油。菸。酒。兔。炭。煤。鐵。磚。瓦。盤。

第五節 交通

【公路】漢渝路。由重慶市達陝西南鄭縣。自盤溪至茨竹鄉。計長九二五公里。

第六節 勝蹟

【多功城】在縣西北。清一統舊志云。「在巴縣西四十里」。山石截竊。因巖爲城。宋淳和中築。以禦蒙古。明游擊曾英逆戰流寇張獻忠於多功城。卽此。

【海螺石】在縣東八十里。魚嘴沱。有石中空。形似海螺。吹之則聲聞數里。

【塔坪寺】清一統志云。「在江北廳古藏山。有塔七層。高十丈有奇。宋紹興中建。」

【香國寺】在飯峯山。寺有龍眼荔枝二樹。寺後有印石。方正如印綬。

【基督教堂】福音堂二。一在洛磧鎮。一在桶井鄉。

【清真寺】在舊縣城內弋陽觀側。民國時建。

第七節 紀聞

【袁文安】清江北廳人。年百歲。贍族人以義田。敦行不怠。

第二十章 重慶市（巴縣附）

第一節 沿革

秦置巴郡。漢置江州縣。爲巴郡治。梁置楚州。西魏改爲巴州。後周武成三年改爲巴縣。隋改爲渝州。復爲巴郡。唐武德初復爲渝州。又置南平縣。天寶初改渝州爲南平郡。旋復爲渝州。屬山南道。旋屬劍南東道。宋屬夔州路。崇寧時。改渝州爲恭州。淳熙十六年以州爲光宗潛藩。升爲重慶府。地在順慶（今南充縣）紹慶（今彭水縣）兩府之間。故名。省南平。元爲重慶路。元末明玉珍據蜀。建都重慶。國號夏。明仍爲重慶府。以巴縣爲府治。清因之。民國二十五年設爲重慶市。二十八年勘定市界。地跨嘉陵江長江南北兩岸。直隸行政院。（巴縣民國初年屬東川道。今隸四川省第三行政督察區。移縣治屏都鎮。）

第二節 疆域

【境界】 東界長壽縣。西界璧山縣。南界巴縣。北界江北縣。西北界北碚管理局。

【城址】 明洪武初以石砌。門十七。九開八閉。九開門曰朝天、曰東水、曰太平、曰儲

奇、曰金紫、曰南紀、曰通遠、曰臨江、曰千斯。八閉門曰翠微、曰金湯、曰人和、曰鳳凰、曰太安、曰定遠、曰洪崖、曰西水。民國十五年興修馬路。相續拆卸。僅通遠、東水兩門依然。

【區鎮】 一八區署。四一〇保。巴縣鄉鎮。一局。五鎮。六五鄉。九〇三保。（南泉局。屏都鎮。魚洞鎮。人和鎮。白市鎮。木洞鎮。馬王鄉。界石鄉。福壽鄉。陶家鄉。跳蹬鄉。銅鐘鄉。園明鄉。西彭鄉。石板鄉。走馬鄉。龍鳳鄉。曾家鄉。含谷鄉。新發鄉。西永鄉。虎溪鄉。鳳凰鄉。青木鄉。土主鄉。蔡家鄉。井口鄉。興隆鄉。同興鄉。歇馬鄉。長生鄉。迎龍鄉。惠民鄉。文峯鄉。鹿角鄉。樵坪鄉。廣陽鄉。雙河鄉。豐盛鄉。麻柳鄉。棟青鄉。五布鄉。雙賜鄉。清河鄉。姜家鄉。石龍鄉。二聖鄉。小觀鄉。花橋鄉。接龍鄉。雙涼鄉。石灘鄉。忠興鄉。永興鄉。南彭鄉。太和鄉。太平鄉。石崗鄉。陳家鄉。南龍鄉。石廟鄉。仁流鄉。跳石鄉。龍崗鄉。公平鄉。仁厚鄉。石馬鄉。永盛鄉。百節鄉。馬鬃鄉。一品鄉。）

第三節 山川

【山谷】【巴山】 爲市中坐山。以內外水合流而成巴字。故山曰巴山。水曰巴江。蜀道驛程記云。「三江合流。曲折正如巴字。渝城孤峙江中。宛如龜之曳尾。」

【金碧山】 在市内。通志云。「在巴縣城內。漢時分祠金馬碧雞處。宋制置使余玠因左巖

晉址。累爲金碧臺。」漢書郊祀志云。「宣帝時。或言益州有金馬碧雞之神。於是遣王褒使持即求之。道病死。」按雲南昆明市東有金馬山。市西有碧雞山。二山相對。上有神祠。

【塗山】 在市南岸。清一統志云。「在巴縣東一里。」寰宇記云。「在巴縣東南八里。岷江南岸。」通志云。「山之絕頂。俯視兩江。城如浮葉。」華陽國志云。「禹娶塗山。今江州塗山是也。帝禹之廟銘存焉。」王楙野客叢書云。「塗山有四。一在會稽。二在渝州。三在濠州。四在當塗。左傳禹會諸侯於塗山。杜注在壽春縣東北。有禹墟。」賈元塗山禹廟碑云。「華陽國志云。潁郡塗山。禹后冢也。古廟廢圯。元至正仍建廟。東漢郡志云。塗山在巴郡江州。杜預考云。巴國有塗山禹廟。禹乃汝山郡廣柔人。禹爲蜀人。生於蜀。娶於蜀。至會諸侯於塗山。當以九江郡者爲是。東漢郡志云。山在當塗。如是則娶而生子。生子而後南巡。而後會諸侯。娶則在此。會則在彼。」按壽春塗山。一名當塗山。在安徽懷遠縣東南。荆塗二山。本相聯屬。禹鑿山爲二。以通淮河。

【歌樂山】 在巴縣西。羣峯北向。翠靄深濃。

【建禹山】 在巴縣南。下有溫泉。名溫泉塘。

【黃葛壩】 在市西渡江。攀石蹬而上。峭削入雲。憑高俯視。都收眼底。

【塗洞】 俗名老君洞。在塗山左巖。

【河流】 【嘉陵江】 在市西北。自北碚管理局觀音峽流入巴縣境。逕蔡家鄉。雞冠溪注之。

邁同興、井口等鄉。虎溪河注之。流入市境。鳳凰溪、童家溪注之。至朝天門。與岷江會。卽強、涪、漢、白、宕渠五水合流。嘉陵江。爲五水之幹也。清一統舊志云。「又南流四十里。入巴縣界。又東南流九十里。至府城東合岷江。」漢書地理志云。「漢水合白水。東南至江州入江。」水經云。「又東南過江州縣東。東南入於江。」

【雞冠溪】源出巴縣蔡家鄉。至雞冠山。流入嘉陵江。

【虎溪河】源出巴縣走馬鄉。合梁灘河。入嘉陵江。

【梁灘河】源出巴縣福壽鄉、達摩沖。東流合虎溪河入嘉陵江。

【鳳凰溪】出新豐鄉。逕龍隱鎮。流入嘉陵江。

【童家溪】源出清涼山。東流入嘉陵江。

【岷江】一名長江。在市西南。自江津縣東流。逕巴縣西彭鄉。至馬王鄉入市境。又東至巴縣廣陽鄉。逕百丈梁。入長壽縣界。清一統志云。「大江在巴縣東南。自瀘州合江縣。流入江津縣界。又東北逕府城東南。又東北逕長壽縣南。」清一統舊志云。「又五十里至銅鑼驛。入巴縣界。又東北一百二十里。至府城東。內江水自北來注之。又東北九十里。入長壽縣界。」水經云。「江水又東北至江州縣東。強水、涪水、漢水、白水、宕渠水五水合南流注之。」

「過貓兒峽。連峯疊嶂。虧蔽雲日。一山突起。石稜刻露。」

【黃葛峽】 在市南塗山下。清一統志云。「在巴縣東。」清一統舊志云。「塗山足有古黃葛樹。下有黃葛渡。卽黃葛峽。」水經注云。「江水又經黃葛峽。山高險。全無人居。」

【明月峽】 清一統志云。「在巴縣東北。」華陽國志云。「巴郡東有明月峽。故巴亦有三峽。」益州記云。「峽首南岸。壁高四十丈。其壁有圓孔。形若滿月。」

【銅鑼峽】 清一統志云。「在巴縣東二十里。懸崖臨江。下有圓石如銅鑼狀。」名勝記云。「銅鑼峽以水聲響似之。」明初廖永忠引舟師至銅鑼峽。僞夏明昇出降。卽此。

第四節 物產

鹽。(唐書地理志云。「巴縣有鹽。」漢時巴郡置鹽官。今鹽井已封閉。)荔枝。(華陽國志云。「江州有荔枝園。」)橘。(華陽國志云。「江州有橘官。」)苡仁。巴豆。半夏。牡丹皮。(元和志云。「渝州貢牡丹皮。」)石膽。(寰宇記云。「渝州貢。」)絲。葛。(元和志云。「渝州貢葛。」)九域志云。「渝州貢葛布。」)絹。(九域志云。「南平軍貢絹。」)麻布。草帽。蒲扇。席。(寰宇記云。「渝州產竹蓴。」)紙。茶。(寰宇記云。「南平狼狽山出。」)酒。桃竹筍。(寰宇記云。「渝州產桃竹。可作筍。」)彈花弦。(山絲作弦。外塗膠蠟。以彈棉花。)縷繩。粉。(華陽國志云。「江州縣下。有清水穴。巴人以

此水爲粉。膏暉鮮芳。世謂之墮林粉。」桐油。金。（寰宇記云。「渝州產金。」）煤。鐵。響石。（中含紅子。搖之聲如玉砂。可已目疾。）青麻石。（質細密。可爲茶碾。）罐子石。（質堅入火不碎。鑿成石罐。貯玻璃原料。以煨器皿。）石灰。磚。瓦。瓷器。

第五節 交通

【空運】重慶市已定陪都。空運線四達。

【水運】渝合線。由重慶市達合川縣。詳下編合川章。渝敘線。由重慶市達宜賓。自重慶市至江津縣。計長七三公里。至合江縣。計長一八三公里。至宜賓縣。計長三七二公里。渝宜線。由重慶市達湖北宜昌。自重慶市至長壽縣。計長七六公里。至涪陵縣。計長一二一公里。至萬縣。計長三二一公里。至宜昌。計長六四八公里。

【公路】【渝霍路】由重慶市經成渝路達蘇俄霍爾果斯。自重慶市至青木關。計長五〇公里。至隆昌一九五公里。

【渝皖路】一由重慶市經成渝路達皖町。自重慶市至青木關計長五〇公里。二由重慶市經川黔路達皖町。自重慶市至土橋。計長一三公里。至綦江。八四公里。

【成渝路】由重慶市達成都。自重慶市至青木關。計長五〇公里。至璧山六三公里。

【漢渝路】由重慶市達陝西南鄭縣。自重慶市至石門坎計長一七公里。

【川黔路】由重慶市達貴陽。自重慶市至土橋。計長一三公里。

【川湘路】由重慶市達湖南沅陵。自重慶市至土橋計長一三公里。

【龍隱路】由重慶市經小龍坎至龍隱鎮。計長三五公里。

【海溫路】由海棠溪達南溫泉。自海棠溪至土橋。計長一三公里。至南溫泉。計長一八公

里。

【海廣路】由海棠溪達廣陽壩。自海棠溪至土橋。計長一三公里。至廣陽壩。計長三九公

里。

【巴縣公路】【成渝路】自青木鄉至西永鄉。計長一二〇公里。

【川黔路】自文豐鄉至一品鄉。計長九八公里。

【賴白路】由白市鎮至西永鄉。計長三〇公里。

【青白路】由青木鄉至歇馬鄉。計長二〇公里。

【溫廣路】由長生鄉至廣陽鄉。計長四〇公里。

【轆車】由望龍門抵江岸。計長一七六公尺。民國三十三年建。

【關梁】【佛圖關】在市西。詳上編名勝章。

【青木關】在巴縣寶峯山口。爲通川北要隘。

【南平關】在巴縣南。清一統志云。「在巴縣南一百五十里。」石壁峭削。蹬路攀雲。明

奢崇明叛。秦良玉扼南平關。絕其歸路。卽此。

第六節 勝蹟

【江州故城】清一統志云。「在巴縣西。」蜀漢建興四年。諸葛亮欲出軍漢中。李嚴當知後事。自永安還住江州。更城大城。周迴十六里。欲穿城後山。自汶江導水入巴江。使城在孤州上。會嚴被徵不逮。元和志云。「巴城在岷江之西。漢水之南。卽李嚴所修古巴城也。」庾仲雍云。「江州縣對二水口。右則涪內水。左則蜀外水。」

【招賢館】清一統志云。「在府治左。」明一統志云。「宋余玠建。以延賓客。」

【澄鑑亭】在市南塗山絕頂。眞武宮之左。今亭已圯。鐵柱猶存。

【荔枝園】清一統志云。「在巴縣。」華陽國志云。「江州有荔枝園。至熟。二千石常設廚宴。命士大夫會樹下食之。」

【懷清臺】史記云。「巴寡婦清。其先得丹穴。擅其利數世。家不貲。清能守其業。用財自衛。不見侵犯。秦皇帝以爲貞婦而客之。爲築懷清臺。」顏師古云。「以其行潔。故號清也。」

【巖陰石】在市西牛角沱。詳上編名勝章。

【龍門浩石刻】在太平門大江對岸禹廟前。水中二巨石。宋紹興中於左右石上。摩崖各書

龍門二大字。左楷書。右行書。明一統志云。「塗山址有石中分。名曰龍門。」江水回濊。其形如月。巴人名小港爲濊。

【豐年碑石刻】在朝天門嘉陵江水中。詳上編名勝章。

【晉楊府碑石刻】在巴縣木洞鎮。碑云。「晉故巴郡察孝騎都尉枳楊府君之神道。君諱陽。字世明。涪陵太守之曾孫。隆安三年。歲在己亥。十月十一日立。」近趙熙跋云。「碑在巴縣遠郊。地近木洞。清時姚兵備官川東道。潛攜石去。此舊拓之僅存者。同治朝。吳越金石家已著錄。但摹本耳。枳楊非連文。甲戌冬中避地渝中記。」甲戌爲民國二十三年。巴新志。誤爲二十四年。姚爲浙江歸安人。名覲光。

【禹王祠】在市南。清一統志云。「在巴縣南塗山上。」華陽國志云。「塗山有禹王祠。塗后祠。」

【治平寺】清改爲龍神祠。清一統志云。「在巴縣治西。」宋治平間建。

【寶輪寺】在市西龍隱山白崖鎮。宋治平間建。

【崇因寺】一名長安寺。在市內半邊街。清一統志云。「在巴縣北一里。」宋神宗熙寧初建。

【覺林寺】在市南龍門浩蓮花山下。宋紹興間建。

【東華觀】在東華觀巷。清一統志云。「在巴縣治南。」觀後十八洞皆相通。元正元中

建。

【川主廟】在巴縣虎峯山。祀李冰。宋太祖乾德中建。

【白雲寺】在巴縣龍泉山。宋徽宗時建。

【廣福寺】在巴縣長生鄉。宋紹興間建。

【海會寺】在巴縣西北古書山。宋紹熙初建。

【雲頂寺】在巴縣歌樂山。祀李冰次子。俗稱二郎。

【天主教堂】四。若瑟堂在民生路。慈母堂在臨江路。真原堂在五四路。天主堂在馬蹄街。

【基督教堂】十。十字堂在小什字。內地會在九魁橋。思恩堂在曾家崖。福音堂在戴家巷。社交會堂在保安巷。信義會在冉家巷。救世軍在中興路。安息日會在保安路。浸信會在保安路。救主堂在南山黃葛壩。巴縣福音堂三。一在井口鄉。一在南泉局。一在木洞鎮。

【清真寺】二。西寺在十八梯。今名中興路。爲先端肅公於明英宗時建。巴新志云。「明河南侍郎馬文昇建。」升、誤作昇。民國二十九年遭日本飛機投彈炸燬。三十一年重修。南寺在蒼坪街。清康熙初年馬化蛟、韓大孝建。

第七節 紀聞

【巴蔓子】巴國人。故里在忠縣。仕巴爲巴將軍。周末國亂。乞師於楚。許以三城。楚旣救巴。遣使請城。蔓子曰。藉楚之靈。克弭禍患。誠許三城。可持吾頭往謝。城不可得也。乃日刎。楚使持其首報楚王。乃以上卿禮葬其首。巴人葬其尸於通遠門。清一統志云。「墓在巴縣西通遠門內。」

【杜孝】漢巴郡人。事母以孝聞。家貧。役成都。母喜食生魚。孝買魚置竹筒。以草塞之。投於中流。祝曰。願吾母得此。婦汲於江。見竹筒橫來觸岸。異而拾之。得雙魚。歸以奉母。

【董和】字幼宰。其先本巴郡江州人。後漢遷益州太守。與蠻夷從事。務推誠心。南士愛而信之。先主定蜀。與諸葛亮並署左將軍大司馬府事。獻可替否。共爲歡交。自和居官食祿。外牧殊域。內幹機衡。二十餘年。死之日。家無儋石之財。亮後爲丞相。教與羣下曰。夫參署者。集衆思。廣衆益也。若遠小嫌。難相違覆。曠闕損矣。違覆而得中。猶棄弊躡而得珠玉。恣人心苦不能盡。董幼宰參署七年。事有不至。至於十反。來相啓告。苟能慕幼宰之殷勤。有忠於國。則亮可少過矣。和子元。字休昭。丞相亮將北征。住漢中。慮後主富於春秋。朱紫難別。以允秉心公亮。任以宮省之事。後主漸長。大愛宦人黃皓。允常上則正色匡主。下則數責於皓。皓畏允不敢爲非。允後終尙書令。

【嚴顏】後漢臨江（忠縣）人。巴郡太守。劉璋迎先主入蜀。至巴郡。顏拊心嘆曰。此所

獨坐窮山。放虎自衛也。張飛破江州。生獲顏。呵曰。大軍至。何以不降。而敢拒戰。顏等無狀。侵奪我州。但有斷頭將軍。無有降將軍。飛怒令左右牽去斫頭。顏色不變。曰。頭便斫頭。何爲怒耶。飛壯而釋之。引爲賓客。後璋敗。顏自刎死。

【趙雲】字子龍。常山真定人。先主爲曹操所追於富陽長阪。棄妻子南走。雲身抱弱子。後主也。保護甘夫人。卽後主母也。皆得免難。先主自葭萌。(今昭化)還攻劉璋。召諸葛亮率雲與張飛等俱泝江西上。平定郡縣。至江州。分遣雲從外水(岷江)上江陽。(今瀘)與亮會於成都。

【王濬】字士治。晉弘農人。巴郡太守。巴人苦役。生男多不舉。濬寬徭課。其產育者。與休息。所活數千人。及濬伐吳。育者皆堪徭役供軍。其父母戒之曰。府君生爾。爾必勉。無愛死也。

【毋建】晉巴人。永嘉元年。爲漢國功曹。李雄破漢中。建嘆曰。吾雖不肖。亦一國大。國亡不能存。終不屬賊。遂餓死谷中。

【楊泰之】字叔正。宋青神人。少刻志力學。臥嘗不設榻。理宗時。知重慶府。俗用大。上書別丞相曰。宰相執事無大於用人有道。去自私之心。恢容人之度。審取舍之理而已。

【馬文升】字負圖。明河南禹州回教人。余之先祖也。余家由泰而豫。迨明季而後遷皖之寧。公登景泰辛未進士。由御史歷兵部侍郎。總督遼東軍務。與中官汪直抗禮。奴視其左右。

兩戍重慶。閉戶著書。不通當道。或時尋佳山水一登眺焉。直敗。復官。起左副都御史。巡撫
延東。晉兵部尙書。吏部尙書。卒贈太傅。諡端肅。著有興復哈密記、奏議、文集諸書。

【秦良玉】

字貞素。明忠州人。嫁石砮宣撫使馬千乘爲室。良玉爲人饒膽略。善騎射。兼

通詞翰。儀度嫺雅。千乘死。代領其衆。而馭下嚴峻。所部號百捍兵。熹宗天啓元年。永寧宣
撫司奢崇明叛。奢氏本僱羅種。洪武中歸附。崇明據重慶。以厚賂求助。良玉斬其使。將所部
次趨重慶。營於南平關。襲兩江。燒其船以阻。崇禎三年。率子祥麟。奉詔勤王。祥麟妻張鳳
飛。爲遼東巡撫張荃女。馭衆治兵。能得良玉意。莊烈帝優詔慰勞。召見平臺。賜良玉綵幣羊
酒。賦詩四絕賜之。以旌其功。詩云。「蜀錦征袍手製成。桃花馬上請長纓。世間不少奇男
子。誰肯沙場萬里行。間關百戰掃塵埃。續奏三朝亦壯哉。爲國忘家何以報。報卿應築女雲
臺。邊關風景近如何。滄海烽煙警夢多。忠順膺封曾想像。輸卿大節壯山河。北寺荆榛未盡
刈。東林杞梓莽蕭疏。冠紳舉劾疊範義。四顧煩憂可頓舒。」良玉亦和詩四章。土官家法。調
六急。則以著。曰能飯者畢至。再急則以帶。曰掃境出也。甲申變聞。良玉毀冠帶號眺。召所
部約曰。有從賊者。族無赦。賊無敢至石砮者。石砮在四川涪陵縣東。與湖北恩施縣接界。以
石砮關砮蒲關而名。宋置石砮安撫司。元爲石砮軍。明爲石砮宣撫司。良玉年七十五卒。葬石
砮城東十五里忠縣城西。大橋樹有明太子太保都督府左都督秦良玉神道碑。今縣俗猶呼女孩爲
女將。

【鄧玘】字明宇。明巴縣人。少負奇志。多技能。積功至保定總兵。進右都督。墓葬巴縣龍鳳鄉小虎峯。甲申六月流寇張獻忠竊通遠門。入陷重慶。剝手者五萬餘人。過玘墓下馬拜曰。將軍若在。吾安能至此。

【簡上】清巴縣人。性至孝。兒時常負米百里外以養親。視學江南。再轉廣西右江道。所入俸錢。分贍族黨之貧者。

【雪庵和尚】靖難初。走順慶。遂祝髮。邑中賢者杜景賢異之。爲築寺於松柏灘。請居之。灘水清澈。松篁森蔚。朝夕諷誦。聞者以爲佛經。視之。讀易乾卦不輟。死之日。其徒因問師何許人。曰松陽。問姓名。不答。識者以爲松陽葉希賢御史。餘詳下編昭化章。

【割鼻二居士】逸其氏。幼字同邑王某。清順治初迎娶在途。爲賊衝散。懼受污。遂毀容。劓其鼻。隨衆逃入瀨。擔水負薪糊口者四十餘年。後不能力作。將自沉於江。會其夫舟行夜泊。夜半。聞泣聲。異之。呼同輩訊顛末。悉符。其夫亦至老未娶。衆皆感泣。爲卜吉成禮。年俱逾六十。偕歸小龍坎龍隱鎮。築復圓寺。稱大二居士。

嘉陵江沿線各縣戶口教育表（民國三十四年）

名	稱	戶	口	教	育
寶	雞縣	五四一—二戶	二四〇二四〇人	中學三所	小學二—四所
鳳	縣	九九七〇戶	四〇五六六人	中學一所	小學五三所
兩	當縣	五七二二戶	二三二七四人		小學三三所
徽	縣	二三一四八戶	一一二六一九人	師範一所	小學一四五所 邊縣小學二所
略	陽縣	一九四六四戶	八三九五五人	中學一所	小學一〇四所
寧	強縣	二四七一八戶	一一二五九五入	中學一所	小學九六所
廣	元縣	三一六一三戶	一八三〇三〇人	中學二所 師範一所	小學一二七所
昭	化縣	四五〇二〇戶	九一三四七人	中學一所	小學一二四所
劍	閣縣	四一四七二戶	二四七九三〇人	中學一所 師範一所	小學二八四所
蒼	溪縣	三六三四二戶	二四一〇五六人	中學二所	小學三〇五所

重慶市	巴縣	江北縣	北碚局	合川縣	武勝縣	岳池縣	南充縣	蓬安縣	南部縣	閬中縣
二〇四三一戶	一三四九六四戶	九六二七五戶	一五五六四戶	一二二七五一戶	五九二四〇戶	九二七七一戶	一三七三三五戶	五七八四七戶	九二三〇二戶	五一八一二戶
一一二二三五五人	八二二〇四八人	五五三七八五人	七七三四三人	六八三一七四人	三二五九九七人	五三八八六六人	八二八七五四人	三五一六九八人	六九五一三七人	三五三二二〇人
大學一所 學院一所 專科七所	專科一所 學院一所		研究院十所 專科四所							
中學四七所 師範二所 職業一七所	中學二五所 職業二所	中學九所 女師一所 職業一所	中學三所 師範一所 職業一所	中學四所	中學三所 師範一所	中學五所 書院一所	中學六所 職業一所	中學二所 師範一所	中學三所	中學四所
小學二八〇所	小學七八〇所	小學四〇六所	小學五六所 幼稚園三所	小學六八四所	小學四四七所	小學五二九所	小學一〇七九所	小學五一二所	小學六六九所	小學三三二所

